

M. PHILIPPO-LVDWIGI
ELICH,
Ex Marpurgo Hefforum,
DÆMONOMAGIA;
Siue
LIBELLVSEPTATH-
MATIKO'Σ,
De
DÆMONIS CACURGIA, CA-
COMAGORUM ET LAMIA-
rum Energiâ.

Dæmonium non habeo.



FRANCOFORTI
Prelo Richteriano, Impensâ verò
CONRADI NEBENII.

M. DC. VII.

PWL
11/10/125

~~4440~~

~~E 320~~

A547386



*Ingenuo & Nobili, tam suapte, quam
patria & auita Virtute, Inueni,*

DN. JO. VALEN-
TINO FENCKENSES-
SER, WORMATIENSI, AMICO
& fratri suo sinceritate purissimi amo-
ris colendo,

M. PHILIPPVS LVDVVIGVS ELICH,
qui & Bierus, ex Marpurgo Hessorum,

S. D. P.

GESTIO ingenue adolescens, supra
modum gestio te alloqui, hominem quo
mibi amicior viuit nemo, & omnium
quos suo orbe sphaericus complectitur
orbis mihi carissimam affari gestio, qui
cū mihi olim magnus vsus, familiaritas optima, qui cum
mibi dulce saepe colloquium, saepiusq; cupidè ac quasi de
industria ob mirificam suauitatem protractum, gau-
dentes aded & latantes amantesq; inter nos, ob Genii
& ingenii similitudinem multam, honestum honesta-
rum literarum & communium studiorum amorem
incundissimum, qui arctius saepe hominum solet copula-

EPISTOLA

re animos, quàm vlla cognationis aut affinitatis propin-
quitas.

Hic est, qui te à pueritia ferè mihi reddit carissi-
mum, ac penitus iis vinculis, ea beneuolentia congluti-
nauit, vt nec Orestes Pyladem, nec Pirithoo Theseum,
nec Patroclo Achillem, nec Damoni Pythiam, nec Euria-
lo Nisum coniunctiorem fuisse crediderim.

Hisce vinculis, hac tua consuetudine, hac tua fami-
liaritate, amicitia sancta & sincera, hisce deniq; dul-
cissimis tuis eloquiis ex mellis tuo ore profluentibus,
(incredibilis enim est in te *ἡδὺς πρῶτα*, nihil in labris tuis,
quod non merum mel, merum lac, merum vinum redo-
leat, & Mercuriale quid referat, profectò in labiis tuis
Pitho illa, quam Latini Suadelam nominant, sessitare
videtur) tuisq; etiam alloquiis ex niueo tuo pectore &
purissimo corde profectis, quibus me nonnunquam à Ge-
nio meo excarnificatum & exagitatum foriter re-
creasti, subleuasti, roborasti, quæ vt dulcia ita mihi ve-
rè consolationi & leuamini erant, adeò vt iis suffultus
in tuo ac meo acquieuerim Genio ex animo; hisce, in-
quam, nihil vnquam in omni vita mihi contigit gratius
atq; carius, nihil suauius, dispeream! si quid mellitius.

Talem Orestem, suauitate fratrem, talem pradul-
cissimum consortem affari an nō suaue? alloqui, an non
dulce? secum reputet alius frutex, aut stipes qui non sit.
Annon, optime Frater, res letitia plena est, quæ ani-
mum exuberanti gaudio refarciat meum, mutue bene-
uolentiae & fidei exemplum sancire, & per commer-
cium publicarum literarum me tibi ostendere? quī cum
aulestionē quondam in studiis vixi, & in literarum non
concernendæ cognitione laboraui. Ex quo, aperte &
simpli-

simpliciter loquor pro mea natura, factum, ut tota tua conuersatio longè suauissima mihi fuerit, & tolerabilis valde, & ut suauissima, ita absentia tristis & discidium intolerabile nimis.

Hæc dum cogito, cogito autem non sine graui animi mei vulnere sæpe, non possum non facere, quin complorem spiritum corpori abesse. O triste seculum! ô Fortuna! exclamo cum Plauto, ut nunquam perpetuò es bona! Et cum Petrarcha suspirans exclamo; ô quam difficile queritur omnis vitæ delectatio, quam facile perditur! At quid clamo, quid loquor? cū iam, me nequequam loqui, & quod leue tamen est me perdere verba, & cui queror? me cum non lateat, nullam esse tam pertinax atq; indissolubile amicorum contubernium, quod aliquando alio istuc, alio illuc proficiscenti non separetur: idq; hodie mihi cogitandum maximè, tempore heu! vix alloquio, nedum amicitia satis patente, nouercente in me, & inuidente amicitia nostra studiorumq; communioni Fortuna, quo conspectu tuo grato prius, tuoque dulci careo eloquio, & veras viuasq; voces audire nequeo, non sine mea quidem molestia, fateor. Ex qua ipsa tamen voluptatem iam nunc capio maximam, te mihi fratre cariorum literis cum saluto veri amici notas habentibus. Mente, me Christe, concipi non potest, nec verbis ego exequi valeo, ut tabescenti agroq; animo, curarumq; vndanti fluctib. (tua mihi cura & cordi sunt) lenimen occurrat maximum, mirum! quantum gaudii, spei, animi accedat, mirum! quantum curis lenamen adferat alloqui hominem, quem alloqui ardeo, hominem qui cum olim omnia ut mecum liberè loqui poteram, ad quem cogitatus motusq; animi, quos primos vocant, referebam,

ferebam, cui omnes iuxta perfecta legem amicitia pe-
cioris mei fluctus acriebam, cum quo gaudium & do-
lorem partiri ex aequo poteram, qui dolorum maximam
meorum partem ebibat, qui acerbicatis meae virus, ut-
cumq; pestilens, in exhausta sua alloquentia & dul-
ce sermo alloquio repellerebat, & maiorum omnium im-
petus modiebat, secundo tibi in non dissimilis, qui tibia
modulis viperarum moribus medetur. Coram te videre
& confabulari invidisimam! O utinam una esse pos-
semus, & spiritum exultare nostrum, quos locorum
distantia seungit, ac fortune feruens rabies distrahit
ac desinit, auream, media filius, illum ramum quem
nuper manibus tenebam facile extrudereim.

Quando pridem vero tuo nunc, satis ita agitantibus,
consortio, colloquio, alloquio, praesentiaq; frui ut volo, ut
opto, non conceditur, intercurrat aliquis necesse est Mer-
curius qui mutua benevolentiae & amoris, studiorumq;
nexum milies amplius fortius atq; fortius complice
atque constringat, & animos in liberalibus studiis, in
pietate, viriute, fide, sinceritate correspondentes Chri-
sti glutino, ut ait Hieronymus, agglutinet ac copulet, ne
de mutua inter nos benevolentia, quae in utriusque ani-
mi penetralibus adamantina sede recondita est, tem-
porum locorumq; disiunctio, quanta quanta etiam fuerit,
quicq; deterat & excutiat, aut discidium inter nos disidiū
faciat. Faxit igitur propitium aliquod & Magnū Nu-
men, ut haec rara sint, cui ex Sapientum sententia hoc
oso die suffragium do bonum, redolens ac pretiosum,
quod ex descriptione Hermetis potentissimum esse per-
suasum habeo, ex septem aromatibus, iuxta septem Pla-
netarum vires conflatum, in hoc, ut pestes omnes & exu-

cacate-

DEDICATORIA.

ca ceteraq; pestilentissima bestiola saluberrimum bona
amicitia succum in animis hominum depascentes abi-
gantur & depellantur procul ab agris nostris; intellige
Stoicos illos ἀσέβεις & tetricos Demonculos, qui no-
stros et ignitis suis telis animos cōfigere & exurere saepe
conati sunt, & amicos nos esse noluerunt. Contra hos si
Συμίσματα non valitura sint, curam & operam dabo,
ut religioso aliquo exorcismo vel nouo & Magico aliquo
sacrificio exterminare vel placare eos queam, id mihi si
frustra erit, barbaris Deorum nominibus Cabalisticisq;
pentaculis contra illos me prae muniam; quod & tibi,
carissime frater, pro amuleto destinabo. Sed amemus
inter nos, MI VALENTINE, eò constantius, ut
vrantur & ringantur isti pessimi, nobis qui inuident,
& rumpantur illa Daemoni, quem cum omni eius pom-
pa explodamus. Nosti o adolescentens, & in comperto est
omnibus, quibus modò sanum est sinciput, Diabolum
omnis sincerae amicitiae osorem esse acerrimum, eumque
nihil iniquius ferre, quàm vincula Christi ex glutino
corflata, hoc est, animos in puro amore, pietate, sinceri-
tate coniunctos. Rogandus est itaq; etiam atq; etiam
Deus noster Θεὸς ἡμῶν, animorum conciliator, & bo-
narum amicitiarum protector, ut contra osoris tumul-
tus & impetus, quibus in hoc mortalitatis pelago ani-
mos impetere ac infringere conatur, nos tueri, ac ani-
mos nostros infractos seruare, ne in virtute qui adunati
& sanctae amicitiae visco combinati soluantur & lique-
scant, dignetur.

Verum enim uero ne te hisce onerem, ne te obruam,
ne te audiendi & me loquendi tadio afficiam, & fortè
enecem, vel animum euerberem tuum, aliuscuius pias meas

ribi misisse videar, respirandi spatium dabo, & breuiora eloqui mei verba formabo, calamus detruncabo, quod tempori & loco debitum est; Non dicam fastidio eorum, quibus omnia sunt prolixa; Nisi quæ hebes ac infolens maledica lingua forceps abscindat, nunc multiplicantur & crescunt. Nihil enim in amicitia loquacius amicorum colloquio & sermone, quod iam institui cum amico, quem iam habeo ad te, quo ut nihil est fidelius, nihil sincerius, ita est mihi te neq̃, carius quicquam, neq̃ prius, ut sic plane sim affectus, nolle me dulce hoc bonum, animum dico tuum tam in me propensum, tam candidum, tam modestum, tam ardentem, tam amicum cum vniuersis Arabum opibus commutare, hinc fit, ut multius sim in elogiis, & auarus cadere sermones minimè adulatorios.

Sine igitur queso me meo indulgere Genio, vel amori vel ingenio, & permittat mihi peregrinus quisq̃, pro candore suo, ut meo obsequar pudori, aut si mauult pio, iusto, grato, & amico furori, amicos effusius & pertinacius amare, quàm predicare; aut si quando occasio ita ferat, malim apud alios, quàm coram. Illud tempus optatum magis quàm speratum cum nunc incidat, non possum non laudare, predicare, commendare, & augere te amicum meum, non Maiorum solum imaginibus clarum, sed & propriis iisq̃, eximiis animi ac corporis dotibus quasi clariorem, adolescentem pietate, eruditione, singulariq̃, virtutum morumq̃, elegantia nitidissimum, rarag̃, facundia praditum: Hac dixit sunt tua ἀγαθά.

Hominem tam diuinum, tam generosum, tam gratiosum quis non amaret, deamaret? quis non coleret,
suspi-

suspiceret? quis non admiraretur, veneraretur? O te felicem! Ne felix es. Natura optima mater & architectatrix te impendio nimis adamavit, in te ipsa vnum multavirtutum, tanquam in arculam affabrè factam & perpolitam, copiosè congesit, ac omnibus bonis sic locupletavit, ut vel ipsam Pandoram precas, ipsamque Fortunam fortunis tuis præcurras. Animo etiam tuo corpus gratiosum confinxit, ne scilicet non haberet pulcherrimum domicilium anignus pulcherrimus, instrumentum congruum subministravit, imagines animi in gratioso corpore indicans, & egregiam virtutem ex oculis & cute eminere & elacere sinens, qua nihil amabilius, nihil pulchrius, nihil oppidò quod magis cegat, attrahat atque alliciat, nihil quod magis aliorum animos accendat & impleat; Cuius tanta vis est, Philtrum in se habens efficacissimum, teste Proclo in lib. de Anim. & Demone, ut ipsos Deos & hominum curatores Demones copulet, Demonibus homines coniungat. Ita ô felicissime, ô Natura decus eximium! egregius animi tui dotibus & heroicis virtutibus demerentibus, tuis insuper in me collatis beneficiis, pro tuo deniq; erga me studio singulari cordi & cura, mihi huic officio obnoxio fuit, est & erit illis illustrandis pro mea virili inferuire, ut non immeritò hodiè praco tuarum virtutum existam & exeam, licet non adeò concinnus & altus, attamen nec adeo sterilis ac submissus. Tu me, quod abundè mihi sufficiet, veluti honoris ac nominis tui amantissimum habe, ex puritate fidei relatores. Nam dignum te maxime esse maximo præconio, & huic me obnoxium esse officio iterum profiteor. Illud verò Diotima interim dum animi mei oculis Naturæ exemplar optimum in te in-

trospicio attentius, ego, quo fortasse non alius altius in te oculos defixit, vehementer obseruo, vt qui præcipit, post occurrentem sensibus ignem nos transferamus ad splendorem virtutibus, actionibus, officiis, scientiis inditum, ibiq; oculum animi τὸ πρῶτον prouocatum figamus & vehementer exerceamus, & ad intellectum respiciamus, vbi præcipuum diuinumq; αὐτῷ dominatur. Quid enim in nobis est virtute, pietate, eruditione atq; scientia pulchrius? Nihil, nihil sanctius, nihil Deiformius, nihil cœlestius!

Ecquis igitur te meum decus virtutibus plenum! non coleret, non suspiceret, honestaret? quem Superi honestarunt, cui benè consuluerunt omnes, cui cœlestes ignes prosperrimi affulserunt, cui Iupiter, Sol, Venus, & Luna amici, cui totum cœlum arrisit effusissimè, cui deniq; cœlestes felicem Genium assignarunt, qui te nascentem suscepit, tibi nascenti præfuit, nec dum à latere tuo discedit, qui te singulari sua præsentia & felici adfuentia omnibus diebus vitæ tuæ felicitauit, roborauit, & mirificè adiuuit. Nonne enim in patria in tenella & flexibili adhuc ætate, quæ à primo spiritu rerum excellentium semper admiratrix fuit, crepundia virtutum heroicarum & primordia conatuum egregiorum ostendisti? animi tui, id est, preciosissimi thesauri gemmas in propatulo posuisti, vt virtus tibi innata, in te quasi candelabro imposita mox eluxerit, quod vix dum puer, nihil tamen puerile habens, quàm nihil enim in te plumbeum, nihil agreste, nihil ingenerosum, nulli cesseris aequalium, sed omnes deuiceris acri cupiditate & felici dexteritate discendi, etiam natus multò grandiores antecesseris, quorum Genii inclytum tuum Genium

nium reformidabant, & deficiebant non aliter quàm Augusti Genio M. Antonii Genio colludente; hic defectum patiebatur, & quasi à fortiore & præstantiore imbecillus reddebatur, recensente ex Plutarcho, Agrippa lib. 3. Occult. Philosoph. cap. 20. ita ut puerulus inter pueros non posteriores in discendo, obtemperando tuleris; tum paternæ auitæq; virtutis simulachrum Naturam in te expressisse pulcherrimum cognoscebant omnes. Rursum quàm modestus, quàm sedulus fueris, quàm pius, reuerens & obseruans in Præceptores, quàm non morosus in Commilitones, mirum est! Postquam ex schola domestica & patria satis celebri, quam à teneris presseras, Genii tui beneficentia subleuatus, & alis ingenii tui subuectus, ad subsellia nostra in puluere scholastico posita, Marpurgi quæ sunt, euolaras, iis inherere, in iis te exercere, & Mercurialem ætatem agere amabas, quid? quod in iis residere, & quasi nidulum suum ponere gestiret tuus iðe vitæ Comes, & fidus germanus cœlitus tibi adiunctus, qui sæpius in aliis propter loci mutationem pati & tristari solet, imò latior hic & tibi obsequentior videbatur.

Propterea quod is locus in efformandis bene nati hominis moribus & excolendo optimo animo apprime commodus, ac omnibus adolescentum studiis maxime idoneus videretur. Habebat enim (& iam habet) informatores optimos, quorum famæ aura aures percutiebat exterorum ob singularem in docendo dexteritatem & felicitatem summam Præ aliis DN. IO. FERNARIUM recenseam, (qui nunc est ἐν πάσῃ εὐλογίᾳ καὶ τιμῇ, libenter loquor cum Paul. Eph. 1. v. 3.) virū sinceræ animi pietate colendum, herū & præcept. meum,

Atlan-

Atlantem Padagogii fortissimum, signaculo DEI insignitum & ornatum signo PHAHAD, quod ipse tanquam characterem terrificum, quo omnes sibi subditos mirè terrebat, à diuina Idea impressum habebat. Sed quid multa? Verbis exprimi non potest, qua industria, assiduitate, dexteritate, fidelitate deniq; in erudiendu & expoliendis teneris animis, annos ferè XXVI. laborarit summa cum laude, quod scholæ maximum decus & emolumentum adferebat. O seculum felix! o felicem animam! quæ huius viri sanctissimi balsamo imbuta est. Hac, o Deo mihiq; carissime iuuenis, hæc propria tua felicitas est, quod non exoletus, sed tenellus adhuc & tractabilis in eum incideris virum, qui mentis tuæ tabellam salutaribus tingere ac pingere præceptis & puris opinionibus imbucere potuit. Potuit quia doctissimus, voluit quia optimus, effecit quia diligentissimus.

Ad hunc venerandum nostrum Præceptorem, cum quasi paucorum annorum puer à tuo MUNDOALDO esses adductus, bonis auspiciis, bona spe virum illicd implesti, & mire ac fortitèr accendisti. Ipsi enim tanquam Socrati aut Platoni (ingeniorum cum esset perspector sagacissimus, & Physiognomon admirabilis) ex extimis, quæ in te conspiciebantur signis, continuò obuiam erat, te, vt cum Sapientia Præceptore dicam, animam sortitum esse bonam, prorsus generosam & verè nobilem, id est, multis aliis meliorem, & vt Græci dicunt te εὐφρόν, bene feliciter natum esse. Εὐφρία enim & optimam indolem ex fronte & vultu eminentè, elucentem & apparentem perspiciebat, quæ vt Adamantius ait in ipso oris silentio loquitur, quæ (vt est in adagione, Elucet egregia virtus,) licet quandoque dissimuletur,

muletur, tamen semper eminent & in ipso habitu oris perspicitur, veram nobilitatem testatur, & mores nobiles indicat. Hinc dicebat Cleanthes Philosophus secundum Zenonem ex specie mores & animi virtutes dignosci posse; Et Barbari hosce solos magnorum operum capaces putabant, quos Deus & Natura eximia specie donarat, in quo omnes Physiognomica rei Scriptores consentiunt. Hoc optime norunt Pythagoræi, quibus morem tradit fuisse Proclus in libr. de Anim. & Dam. venientes ad ipsos discendi gratia non prius admisisse, quam figuram, incessum & totius corporis motum diligentissimè respexissent, planè è Natura signis num ad disciplinam apti nec ne forent, cognoscentes. Socrates itidè Philosophor. non sapientissimus modò, sed & in corruptissimus, qui honesta indole & liberali facie præditi videbantur, ad Philosophiæ studia rapiebat. Similiter te Socrates noster ad se raptabat, & non aliter quam Socrates olim suum Alcibiadem, ad supremum Reipub. gradum peruenturum, ex specie & optima corporis modulatione prædixerat, præsagebat, te ad præclaram eruditionem ingenii tui viribus, & in lucem & gloriam venturum: Præsagii verba hæc erant: Si vixeris adolescens hic, vt DEI virtute diu victurus es, ALIQUID MAGNI ERIT.

Illud insuper maximum est, & maximè referendum, quod te tota Diuinitas quàm serenissimè respexit, adeò vt tibi in vita nunquam defuerit vllum bonum, quo perpetuò, si frui tibi licebit (vt liceat precor) Deorum ipsorum vitam te adeptum iurabo. Nunquam defuerunt tibi animi motus diuino afflatu excitati, clarum ingenii tui lumen, quod hereditarium libenter dicam,

cam, Genius tuus nunquam obscurari passus est. Hic accessit Dei fauor singularis, qui & industria ac diligentia stimulos tibi addidit, atq; ex his notitiam rerum variarum earumq; Politicarum atque excellentium proptate mirificam, & felicitatem in hisce incredibilem: Ipse nempe non alius est, qui tuis Genitoribus gratia sua diuina affulsit, eos omnibus seculis gloriosos & felices effecit, tibi gratiam impertit, qui dat omnibus affluenter, & non improperat, ipse est, cui soli conuenit, quod ludens pro suis longè alias traduxit Magister artis ingeniq; largitor, & sicut tibi ad rerum variarum perceptionem intellectus, sic ad expressionem lingua suppetit, cuius defectus magna sæpè demigravit ingenia, & minora dignitatum ostendit fastigia.

His accessum fecere non minimam sanctissimi Praeceptores, doctrinae virtutisq; Magistri egregii, tibi qui in omni studiorum curriculo feliciter obtigere, ut non vercar assenerare, neque Achilli Phœnicem, neque Dionysio Platonem, neque Alcibiadi Socratem, neque Alexandro Aristotelem, neque Neroni Senecam pari felicitate euenisse, illi cœlestia tua dona de cœlo, quæ tecum contuleras, vehementer auxerunt, & multo illustrius illustrarunt, ac quæ angusta erant, augustissima reddiderunt. Hi auriculis tuis præclara illa Sapientum dogmata instillant, mentis tue recentem testulam, cuius odorem etiam in omnem usq; vitam est redditura, Philosophiæ balsamo imbuerunt, neq; lingulam istam tuam naturâ promptam, expeditam & armatam siue runt vulgari sribilagine pollui, sed purissimo Musarum irrogarunt succo, ut Veneres omnes, oēs Charites de loquentis ore scatere mihi videantur, ut tecum, peream!

vinere,

viuere, fabulari, & sermones miscere, nihil aliud sit, quàm in Parnasi nemoribus inambulare. Ecquis enim non quasi præsens Mineruæ numen in te agnoscit, te se audit loquentem, quod tum vel maxime in omnium cognitionem veniebat, cum ante paucos annos in HAIDELBERGENSIUM Academia primum ingenii tui specimen, idque præclarum ac felix ederes, in Politicis verè politicè & pub. disputando, ad pedes IOHANNIS CALVINI. V. D. clarissimi, Patroni mei summo colendi, cuius propensiori in me animo, quo me amplexus est, cum Haidelberga viuerem, multum debeo; haud dici potest, qua eruditione, quo sermone, quo acumine auditores delectaueris: In primis Barones & nobiles, quorum multi ad te confluerant, mirè exhilarabas, qui te cum maximo applausu, & summa delectatione disputantem audiebant.

Postea verò anno vix vno elapso, cum in HELMSTADIENSIIUM Academia in Iure disputares, omnia illustriora reddebas, in quo te adhuc hodie in IENENSIIUM Synagoga egregiè exerceas, & gnauiter operam nauas, cum intelligas, sine legum & Iuris scientia cæcam & fallacem esse omnium experientiam. Et o vtinam perfectè adsequeris, quod in MARPURGENSI, HAIDELBERGENSI, HELMSTADIENSI, IENENSI, cum labore, sumptu, studio secutus es; quin assequaris non est quod dubitem, quin potius intrepidè mihi polliceor, futurum vt omnia abundè possideas, cum propitium tibi Numen adhuc adfulgeat, Magister Spirituum te latificet, & serunda sui fauoris

aura

ausa tibi adspiret; Dein quod in celeberrima viuas iam
 num Academia, omni studiorum genere florente; tum
 quod tantus sit in te studiorum amor, quantus vix in
 homine, vt horum causa neq; labori. neq; sumptui par-
 cas vlli; & eo ingenio natus sis, & is sic tibi vsus sit, vt
 nisi in literis viuas, viuere haud possis. Quid in hac igi-
 tur tua etate maturiore & si minore de te dubitandum?
 cum à teneris, vt aiunt, vnguiculis magnam tuis vbe-
 remq; materiem tibi sibiue gratulari di sperandi q; imò
 gaudendi, & post tuos mihi tuo vberemam tribuisti,
 qui, emoriar ni ex animo loquar, te pluris facio, quam
 ceteros omnes, qui in te amando, colendo, tibi q; obse-
 candando nulli vnquam cessurus sum, sperans tuam
 perpetuam felicitatem, gloriam ac salutem, qua nihil
 erit mihi antiquius, nihil prius: Nihil omnino dubitan-
 dum de te, qui, vt ait Naso, es

Iam iuuenis, iam vir, iam te formosior ipse.
 Cum ea tua forma sit, quam nec atas imminuet, nec
 morbus eripiet, nec mors ipsa; Temet tanquam ipse tibi
 Mercurius Moly quodam efficacissimo, id est, optimis
 rationibus & sinceris cogitationibus contra viperarum
 sibila & Bubonum ferale cantus, tanquam contra Cir-
 ces pocula prae munire didicisti, nouisti. Iam de te, Ex-
 cellentissimis iuuenum, non tantum spero, sed spero si-
 mul & gaudeo. Est enim praesentis boni nomen gaudi-
 um, spes futuri. Ecce iam te in florentulo tuo vere ma-
 gnis viris parem teneo, parem maximis mox in autu-
 mno sc. tenebo, age modo, perge iter adsumptum, excita
 te ipsum, adde geminum calcar ingenio, hinc honoris,
 hinc pudoris, mane coepisti, noli sub meridiem, vt pigri
 solent viatores, torpere, pigritari: vt pergis, vt non tor-
 pes,

pes, ut non pigritaris, ad tuos tandem ut redeas, velut audus negotiator bonarum literarum mercibus locupletissimus.

Ecce iam te ante oculos cum habeo, & te quasi in pariete depictum cum video, è paterna auitaq; animi sublimitate generositatem quandam mediam, & è matris tuæ pietate temperatam intueor. Non fallax, non mendax, non pollutum, non peregrinum, non vetustum virtutum omnium (nisi me Deus fallat εὐδαίμων) exemplar idoneum contemplor. Generosum ac diuinum tuum patrem, virum singularem (placet Cabalisticè loqui) signaculo DEI HÆSED præditum, cuius quàm Reipub. utilis vita fuisset, heu! præmatura atque damnosissima mors declarauit, quæ non tuam solum, non meam, non nostram modò, sed VVormatiæ, sed Rheini totius spem fefellit, apprimè representas & insigniter exprimis. Auum tuum generosissimum, totum πολιτικὸν τῶν ingenio acerrimo & dexterrimo virum, qui Illustribus ac Potentibus Heroibus in consilio adfuit, magna cum sua laude & admiratione multorum, in imagine præ te fers, eiusq; vestigiis insistis; quibus nunc hodie laboribus præest, & honoribus quidem amplissimis persungitur IACOBVS STRIPPEL, affinis tuus, vir non minori sapientia iudiciiue acrimonia præditus, qui suo etiam merito ad id dignitatis fastigium, Deus hominibusque applaudentibus, prouectus est. Proauum tuum, diuæ memoriæ, Cancellarium olim Palatinum, qui dum vixit à sanctioribus secretioribusque consiliis Potentissimi Principis fuit, eorumque quasi caput extitit, studio & de industria prætereo, ne gloriæ & nomini ipsius officium, cuius tamen incomparabiles

virtutes & ingenii dotes tantum non diuinas, vt perpetuo cultu admiror, ita hic & vbique digno praconio commendatas volo. Hos dilucidis animi tui oculis contemplare, vt contemplaris, horum egregia ac praeclara facinora mirificosq; actus penitus mente volue atq; reuolue tua, ad illorum gloriam ceu in nitidissimo speculo te contuere, vt contueris, vt mente reuoluas. Illi felices, illi generosi, illi Nobiles & praeminentes fuerunt, illi Deo hominibusq; cari; hos vt tempore, vt sanguine sic animo ac moribus sequere, vt strenuè sequeris, atq; adeò feliciter, vt in firma spe habeam, & praeter scrupulum profitear, te ne latum quidem culmum exorbitaturum, aut de recta virtutum paternarum semita vnquam discessurum, quo minus sorti à Deo credita, animiq; tui dotibus parem te reddas, parem deniq; imaginibus Maiorum.

Pro in futurum confido constanter, Generi, Patria, Amicis, tuisq; omnibus per literas & literis inuicem per tuam fortunam & εὐδαιμονίαν, ingens te tum decus, tum praesidium allaturum, dum saepe multumq; apud te cogitas, quàm absurdum sit & indignum flagitium, in venusto corpore mentem inuenustam & incultam ferre, ac sub cute nitida, carie sitaq; squalem animum habere; quo monstro non aliud monstrosius putandum, quàm in delica o scriniolò, ἀνδραγας, vt Graeci dicunt, δουλεύειν, & si magis Cynicè loquendum, in gemmata pyxidula cœnum, aut si quid cœno spurcius.

Sed quid ago? iam dudum epistolarem modum excessi, & filum epistolare iusto longius protraxi. Epistolam scribere institueram, ea autem crescit in volumen,

adde

adeo me fallit tempus iucundissimam iucundissimi amici memoriam cum animo meo recensentē, & quasi cum ipso ut altero me iucundissime conabulante. Non loquendo satior, sed accendor, nec desinere quidem scio, adeo dulce mihi te predicare, te præsari: improvisa mihi fugiunt horæ, non loquenti mihi sufficit ullum tempus, quod suffuratur & præripit, nescio quis! iam iam aduolans, aures meas clam vellicans, pau o ante supra modum tinnientes, iis SATIS EST, SATIS EST, occinens, horarium ad quod scribo, mihi commonstrans, is ipse est, qui hactenus nescio quomodo huic stylo laxauit habenas & amplius stre adhibuit, & vela ventis commisit, hic tandem impingere ac consistere iubet. Et dum solum ad rampere cogito, in ipsa cogitatione mihi ad mentem venit, & ad pedus aduolat meum, verissima Phauorini sententia: Turpe est, qui inquit, aliquem vituperare, turpius verò aliquem frigide laudare. Quid miselius ego homulus & balbutiens virtutes tuas eximias & felicitates singulares & admirabiles extollere conor? rem profecto viribus meis imparem suscipio; Nam

ὅστις εἰ μοι δέκα μὲν γλῶσσαι δέξῃ τε στόματ' ἕν, & φωνὴ δ' ἄρρητ' ὅ, χαλεπὸν δὲ μοι ἦτορ ἐκείν.

Ut Poeta inquit; vix præstare possem, vix sufficerem. Et fateor sanè, multa me dixisse, & pauca, plura restant: Subuereor tamen, ne de forma nimis multa, quanquam ego nequaquam corporis dotes, aut ingenii felicitatem, aut Medioximi tui præfecturam sic effero, ut pueriliter subblandiri aut adulari, aut præter meritum magnificentius ut Aretalogus laudare velim, quæ ars procul à moribus est meis.

Nec tibi, carissime amice, nec aliis mea blandiri videatur oratio. NON LAUDO TE, SVAVISSIME VALENTINE, quin magis te ipsum tibi tanquam in speculo Socratico commonstro, vt temet discas, non autem vt etiam ames simulque pereas, quemadmodum de Narcisso fabulantur Poëta; sed vt etiam atque etiam intelligas, quàm magnum nomen sis Deo felicitatis tuæ auctori, & quod Naturæ debitor sis, non aliter quàm quicumque viuit è populo; reputes tecum etiam ex quo aureo genere prodeas, quis sis, quibus rebus sis natus, & quo tibi sit eluctandum, ne cum totum cælum tibi arriserit, tu tibi parum prosper fuisse videaris. Nec laudari quidem te putabis, vbi quisquam te generosum aut bene ingeniaturum prædicat; sed admoneri bene vt viuas. Bene autem viuere non potest, qui ad quod vnum & summum & maximum natus est negligit; tu tuam haud negliges, sed αὐτὸν ἀπὸ πρῶτου καὶ ὑπερῶν ἐμμεναι ἀλλὰ οὐκ ἐν ἑαυτῷ intendes. Nondū igitur, ô laudabilis adolescens & æternis præconiis dignissime, nondum te laudavi, Dei modo gratiosam benignitatem retuli imputandam, nisi ad fœnus accommodaris; ac singularem Deorum cœlestium amorem, & effusam in te beneuolentiam, Fortunæ etiam miram raramque indulgentiam celebraui, quorum beneficentiæ ego & tu quicquid sumus aut possumus, id omne acceptum referamus, oportet.

Dicta verò sint omnia citra gnatonismum, longè absit à boni viri auribus, & à tuarum aurium modestia turpis adulationis nota. Aliena enim comminisci & peregrina assuere fœdū esset, & impii histrionis opus. Hoc exactè cum intelligam, & probè probèque sciam, quid

animo

animo Philosophico dignum sit, non est quod anxie notam deprecet. Tum quia mores tui in aprico coruscent, & lux tua atque virtus coram hominibus luceat in gloriam patris cœlestis. Nullo modo satis tibi esse putas, quod innumeras animi dotes præclarasque virtutes intus quasi in ergastulo quodam conclusas & constrictas teneas, nisi eas etiam in lucem proferas & exerceas, in eorum utilitatem & fructum, qui tecum viuunt & versantur. Virtutis enim laus omnis in actione consistit. Hac omnium ora in te conuertis, omnis in tui admirationem pertrahis, omnium beneuolentiam, omnium studia demereris. Elogium hoc tale tantumque est, ut de adolescente nullum maius neque splendidius predicari possit. O he! ut loquax sum, nec Genii importunitatem moror, nec maledicorum atque Diabolorum reformido iudicium; sciam licet nihil non obnoxium dici posse maleuolentissimorum vipereæ linguae, malorumque calumnie, adeo etiam ut nihil tam circumspectè dicatur vnquam, quod non rapidissimo calumniandi ingenio ab improbis Diabolis rapiatur in aliquam calumniam. Vos ô improbi Sycophantæ, & fœdissimi Diaboli, vos ô impudentes obrectatores adeste! adeste! vobis loquor, quod si plus iusto importunus & vehementior volui fuisse videar, καλοῖς etiam ἐν τοῖς & φίλῃ ἐλογεῖσθαι, & Archita crepitaculum dici merear, adscribite, quaeso, meæ feruenti in amicum deuotioni; virus si quod concipietis ipsi imbibite vsque ad nauseam, in me non euomite, ne ego lace situs, & vos commota atra bile perfundam, & fermento aspergam meo. Et si præter naturam epistolarem scripserim, ignoscite, ipsemet noui quod vela ventis dederim, & fecerim ut solent perple-

xitate nimia laborantes, & qui affectuum plus quam virium habent; quod si non satis comptè & tersè dixisse visus fuero, parcite animo minus impræsentiarum cogitanti, & limatiorem stylum expectate; ego iuuenis veniam à vobis expecto: cogitate quis, cui, & quid loquar. forsàn qualiter non curabitis.

Ceterùm hæc, ô filissime pectoris mei Comes, hæc commemorare & accensere valde mihi iocundum est, tibi quoque maximopere gratum esse iudico, qui intelligas, te mihi nondum excidisse, te quem in medullas meas usq; demisi, ex quibus nunquam efflues, & ceriò intelligas, distantiam temporum & locorum ne tantillum benevolentie in te mea detruisse, quæ in præcordiis meis vivit, & indies crescit atq; crescit, florescitq; magis atq; magis.

Postremum est, quod dicturus sum, cur te, MI VALENTINE, hoc tempore & loco, in vestibulo mearum chartarum alloqui amauerim. Nulla alia, hercle, ratio est, nisi quæ prolixè iam exposita, videlicet egregia generosi tui animi affectio, & singularis tua in me dulcisque benevolentia, qua me eo tempore, quo vnà in studiis viximus, prosequutus es. Et hæc causa est, non alia vlla, quæ me tuo NOMINI & NUMINI hæc meas pagellas & animi mei delicias licet crudas & immaturas in iuventute infirmiore à me decerptas, de DÆMONOMAGIA, vt inscriberem & dedicarem impulit, quàm quod res ipsa cum sit Numine plena & Numini nuncupanda, tu mihi Numen sis, & ego te pro Numine colam, (vtinam ita diuina, ita superos) te qui reuera Numen es à Deo factum,

factum, & certis ac diuinis characteribus insignitum, quibus eos insignire solet Pater cœlestis, quos à cæteris mortalibus seiungere vult, & sui fauoris priuilegia circumferre, quæ cum feras, non erubesco te **NUMEN** appellitare. Numen meum es, Heros es, Diuinus es, Semideus es, Numen, Lumen, Columnen mihi es, Dæmon mihi es, & quid non? omnia!

Exeat igitur mea **DÆMONOMAGIA**, quam feci *ἐκ τῆς μαγικῆς*, tui **NOMINIS** & **NUMINIS** auspiciis, non quod ipsa sit te digna, cui multa maiora ac diuiniora debentur; sed vt sit aliquid sacrificii & doni, quo te venerer. Tum vt aliis etiam significationem det amoris erga te mei. Sit tibi sacrificium, cæteris argumentum beneuolentiæ meæ, testimonium iudicii, animi grati, & in salutem tuam propensissimi, non omnino quale velim, sed quale possum hoc tempore monumentum; rem ipsam si perpendes nulla videbitur, animum respice, gratissimum dices, & tibi totum deuotum Deo si visum fuerit, vberiora, opimiora, & tuo splendore digniora à me accipies, quæ tibi si Diuinitatis beneficio vixero, offerre profiteor, recipio & spondeo, & eò quando peruenero, quò tendo, quò medullitus adspiro, tunc imponam super Altare tuum vitulos, tibi que meo Lucilio, meo Attico, meo Idomenco acclamabo, & anathemata ponam.

Quod reliquum porrò est, amantissime frater, ego te per sanctissimam nostram amicitiam, quæ non in carne & sanguine, nec in corruptibilibus huius mundi, sed in virtute & spiritu inter nos conflata est, vel per quicquid inter nos pium, iustum, sanctum, fidum,

iocundum, amabile fuit unquam, aut esse potest; vel si hoc parum est, per gloriosissimum Mundi Principem, rogo, obtestor, & adiuro, ut serena fronte & hilaro vultu placato animo hæc chartacea qualiacumq; accipias, foueas & exosculeris, interque *καρὴν* ponas; Nec Datidis cantionem, & Phaselitium more datum sacrificium respicias, contempnas, aliàs animi mei in te propensionem respicere, & LYDVVIGUM tuum tibi prorsus deditum, consecratum & addictum, LYDVVIGUM tui amantem, de te sollicitum ac sperantem contemnere videberis. Plura haud dicam, ne de fide tua diffidere videar, qui in eo animo es, ut quos semel in numerum amicorum cooptaueris, non tam facile releges & exauctores, præsertim cum in iis recipiendis tam sis cautus, tam diligens, tam contabundus, tam explorans, ut quos in intimam familiaritatem adsciscere & diligere velis, prius deligas, eligas ac explores, & nemini dextram temerè & inconsultò iniicias, quod singularis ingenii ac consilii in te rerum humanarum perito argumentum est. Quare de te non titubanter mihi polliceor, te eum fore, solito qui solidoque fauore, amore me æternum prosequi velit. Elegisti amicum prudenter, amasti feruenter, coluisti diligenter, fidem ad extremum præsta, in te viuo, in te spero!

Bene feliciter te valere, & Deo, Musisque te quàm carissimum esse iubeo, qui tibi ut fila vitæ tuæ protelet ac prolonget, Nestoreos in annos te florentem, vegetum ac sæcundum seruet, ne casus tui occasus fiet familia, ex animo precor. Vale iterum, & pro me ora, ego mutuum precum beneficium impendam, oraturus ut ille sanctorum conatum prouector Spiritus, egregios tui
animi

*animi generosi impetus fortunare, prosperare, vegetare,
ac suo afflatu in maius & melius prouehere velit. Faxit
CHRISTUS IESUS Optimus ille Samarites, vt sic-
ut hic studiorum societate dulcissimè coniuncti sumus,
ita posthac aterna veraque beatitatis nectare & am-
brosia simul frui promereamur. Tertium & millies
VALE atque SALVE, MI FENCKENSESSER.
SALVE. SPIRITUM CORPORI ADIUN-
GE, TE SPIRITUM, ME CORPUS NOMINA.*

*Dab absens presens è meo Gurgustio, quod est Mar-
purgi, non procul à Lano. Anno Eius, quem Diabolus
maluit odisse & persequi, quàm amare, colere, atque
venerari. 1606.*

Tempus obserua.

Regnante Rudolfo II. P. F. Cesare,

Imp. semper Aug.

LAUDETUR DEVS.





ELICH PIO ET CANDIDO
Lectori Salutem.

IN me oppidò superbissima
hac tempestate, Candide Le-
ctor, exemplum editur, quæ
& quanta sint toleranda iis,
qui periculosa, quod aiunt,
alex negotium capeffunt atque confi-
ciunt, quale est illud, quod olim suscepi
de Magis, Magorumque ludis, de Dæ-
monibus Dæmonumque præstigiis, non
tàm difficile mihi, quàm periculosum.
Nam paucis annis ante, cum in Philoso-
phorum, Marpurgi quod est, *Αριστοτελίου φι-
λοσοφούμενα* quædam scitu & cognitu di-
gnissima, quid? quod ab animo omni phi-
losophico minimè aliena scitè & pub.
DE MAGIA DIABOLICA, de ipso
Beelzebub, eiusq; pedissequis, de Strigi-
bus proponerem atque disputarem, pd-
ibant illicò quidam vanissimi N. scurræ
vilissi-

vilissimi mihi meoq; Nomini inuidentes,
qui Dæmoniacoliuore & insanissima cō-
uiciandi libidine à tergo me cōuitiis de-
testandis proscindebant, ac ita saucia-
bant vulnerabantq;, vt etiamnum osten-
dam, & publica gestem vulnera, penè
immedicabilia; Et qui destinata quasi
malitia omni genere calumniarum, ma-
nifestis mendaciis in me debacchari, &
nequiter inuehi non erubescabant, pas-
sim in me diras voces atrocesque iacti-
tantes in foro, in computationibus, in
constrinis, in lustris publicè & priuatim
ebrii & sobrii dictitantes me Magum esse,
me Dæmoniacum esse, me Necromanti-
cū esse, me *Spiritum Familiarem* capti-
uum ducere, in vitro pascere, ita iniquis-
simè ac falsissimè commercii cum Spiri-
tu familiari, siue cum Dæmone me insi-
mulantes, atque omnia fortiter & mon-
strosè mentientes. O indignum & audax
facinus! & mendacium ô plus quam dia-
bolicum! Is ne vobis, ô stolidissimi asini,
Magus videtur, qui de Magicis differit?
is ne Diabolus vobis, qui de Diabolis? is
ne Musca vobis, qui de Muscis? is ne ra-
na, qui de ranis? Haha ha, perridiculum
hoc

hoc est, mecum, quæso, vestras ineptias poppyismis & sibilis prosequimini, vestram & crassissimam stoliditatem suavi mecum excipite risu, quin imò impietatem detestandam excutite, linguam diabolicam, calumniatricem & maledicam, qua me & alios impiè traducitis, purgate, castigatè, aut totam præscindite, & si verè religiosi videri vultis, ut vultis, audite, mando vobis seriò, audite Salomonem salubriter admonentem, *Remouete à vobis os prauum, & labia detrahentia sint procul à vobis*, nec sic calumnia iugulate fratrem, nec linguæ spiculo confodite vicinum, mentiri in caput proximi religio vobis esto; quæ cum hactenus vobis non fuerit, iustam mihi iam loquendi querendique præbetis occasionem & materiem. Sed quid agam? quid loquar? nescio, hæreo, stupeo, ineptus sum ad loquendum, ad cogitandum vix idoneus; conuitia illa maleuolentissimorum hominum, aut potius canum rabidorum latratus, & anicularum corruptarum etiam, quæ de me accessere, somnia vanissima in pectus dum instituo meum, ad suspirandû, non dicam ad lachrymandum, pronior sum.

sum, q̃ ad loquendum, ita me perturbant
& concutiunt: licet non sit puri, integri,
innocentis, & firmi animi, ac in solido
bonoque fundati levis auræ flatibus atq;
delirarum vetularum sibilis stolidissimiq;
vulgi murmure agitari; exagitant tamen,
concutiunt & perturbant, profiteor ite-
rum, vocisque iter solitum obstruunt,
quia Magnis etiam me odiosum possent
reddere viris, (de quibus vt tam discretis
furor aliquis tantus & talis haud credibi-
lis futurus est) quos ego ex ore imperitæ
multitudinis pendentes, & anicularum
somnia obseruantes, earumque verbis
prurientes aures præbentes in magnis vi-
ris habendos vix censebo, vt qui menda-
ci, præcipiti & prona credulitate rapti,
tracti, retracti, transuersè acti, totique
ferè euerfi, magni esse aut videri minimè
possunt. Loquar verò vtcunque, quod in
animo est. Possem sacramentis paginam
implere, sed quia sæpe minus creditur
multa iurantibus, simplici verbo vir &
probus & magnus quisque libenter dabit
fidem. Nunquam ego M. Philippus Lud-
vvigus Elich, scrutatorem mentium De-
um testor, Magica affectaui, quæ coram
Deo

Deo *ἐδελύματα* sunt, àst ab omnibus Dæmoniacis rebus, flagitiisq; Magicis ita abhorruì in hunc vsque diem, vt fugerim ea tanquam inferni portas. Credat hoc vir probus mihi per sanctè iuranti, per nomen eius, qui omnia potest, qui omnia nouit, per nomen eius, qui viuos & mortuos punit perditque. Si quid enim verum est in mundo, hoc verum, siue, vt emphatice dixerim, ipsa veritas est. Is non sum! Is non sum! iure iratus exclamo, quem me inuidi & maleuoli proclamauerunt. Magus sum, id est, Philosophus sum, Physicus sum, Theologus sum. Is sum, qui alios miratur, eos maxime, quos studiorum mater omnium tulit antiquitas, idque iure meo facio, & meritò miror, quæ vulgus despicit, & despicio, quæ vulgus miratur. Videtisne quàm procul ab sim? vt semotus sim à studiis illicitis? quæ ne me meoque animo digna censeam; vt alienus sim à commercio Spirituum Familiarium, quos vos Cacodæmones putatis. Non defunt tamen, nec defuerunt mihi vnquam Spiritus Familiares, quos simpliciter Dæmonas nuncupare possum, quorum totum Catalogum in calce meæ

DÆMO.

DÆMONOMAGIÆ vobis consignavi. Hi sunt mei Spiritus Familiares, mei Dæmones, hi sunt mei Assellores, mei Consiliarii, hi sunt, quos cotidie in consilium adhibeo, hi sunt qui animum geniumq; exultant meum, hi sunt, qui eundem colunt & excolunt, hi sunt, qui mihi ad nutum faciunt, mihi inserviunt, sua studia mecum communicant, & operam mihi commodant; hi sunt, qui me mirabilem & singularem faciunt, hi sunt, qui me erudiunt, & animam ex inscitie rubigine eximunt, & è fece populi atque imperitorum turba me qui educunt atque eruunt. Hos ne stupetis? hos ne nauseosi respuitis? si respuitis, non tam literatos, quam literatores vos esse, existimaturus sum, alii alios. Hic quia temporis angustia coarctor, nolo laboriosius calumniantium oppedere naribus, & ἀνταποταξέσθην, vel scrupulosius litigare cum invidis: curabo interim, omnique nisu id agam, ut, quod invidiæ proprium est, sese malo suo crucient, eò miseriores sint, quò mecum agi felicius senserint. Dum virgeor, stabo, dum terreor, fidam, assurgam dum premor, dicam animo, dicam corpori, Vir-

ri , Virgilianum illud famosissimum:

-----*Dabit Deus his quoque finem.*

Sileant modò qui calumnias struunt,
& qui calumniantib. fortè crediderunt,
hi si lubet, hæc mea legant, & ipsi à ca-
lumniis sibi temperent, ab iniuriis stu-
diorum abstineant; in pecudes potius
virulentas suas linguas vibrent, quàm in
me hominem, qui maledictis laceßo ne-
minem, religionum ordines non labefa-
cto, impia in Dominum nostrum I E S U M
C H R I S T U M non effutio, Reipub. non
officio, ne Deo hominibusque probis
execrabiles & abominabiles emoriantur,
& tanquam fures & latrones Diabolo
hosti Dei strangulandi obiiçiantur. Satis
luctatus sum cum invidis & maleuolis, à
quibus vix mortalium vnus tutus esse po-
test. Non parcitur hodie benemeritis,
non parcitur senectuti, non parcitur di-
gnitati Principum, non parcitur Episco-
pis, non summis Pontificibus, cur minus
ego maledicorum flatib. expositus? cum
nemo hominum à Sycophantarum lin-
guis sit tutus. Hoc vnum est, quod me
consolatur & erigit. Alterum accedit &
summum & maximum, quod magis atq;
fortius


fortius me sustentat, animumque firmat meum; Pius Lector diligenter id percipiat. Ecce Spiritus sanctus, qui nunquam resiliit ex animo meo, is me edocet, hæc omnia vel eo nomine toleranda mihi esse, quod sciam, Dn. nostrum Christum, omnis salutaris scientiæ, doctrinæ *Magistras* siue sapientiæ auctorem, nullum nō probrum & afflictionis genus perpeßum. Itaque mecum reputo discipulum nunquam potio- rem fore Magistro, nec seruum melioris conditionis Domino suo. Abundè mihi sufficit æquari meo Magistro. Quod si patremfamilias spurcissimi Nebulones conuitiis affecerint, & spurcissimo opprobrio Beelzebub nominarint, & Filio Dei spurcissimi Dæmonis nomen imposuerint: Quid mirum! si quidam existant, qui ausint in me seruum familię Beelzebub nomen incudere, & me Dæmoniacum appellitare. Non nescius sum, graue malum videri infamiam, atque adeò malum, vt morte propemodum acerbius. Sed laus est, non infamia, quę infertur ab impiis ob studia non contemnenda. Dicant me Magum cerebroßi illi blaterones, dicant me vani-

C


loqui

loqui Dæmoniacum, hæc ignominia
postvertetur in gloriam: Si qua meo nu-
bes hætenus nomini incubuit, si quid in-
famie ex maledici oris flatibus ac crepi-
tibus, & ex amarissimis quorundam in
me odiis conflatum est, totum, crede
mihi, vt dixi, in gloriam conuertetur, cū
eluxerit, vt elucescet multo Mundo mea
in sacratissima quæque studia propensio
magna & multa, quam omnes pii, docti,
boni bonis laudibus vehent, execraturi
eos, qui me falsa fœdarunt infamia. Scri-
berem longius, non tamen immoderatè
& dissolutè, ni murmure eorum, quos aut
vereri aut metuere debeo, admonerer,
finem vt faciam, & ad VALE respiciam,
properemq; licet affectus scribendi haud
desint, quibus turgidus, inflatus, si quæ
dixi, dicta ea sint pro iure meo, pro fama
mea, cuius prodigus esse non possum, nec
debeo, vt qui crudelis non sim. Nihil di-
xi, nisi quod Diabolos, calumniatores,
mendaces & pessimos quosque lædet
atque offendet. Hi si quid exinde arre-
pturi sunt, ipsi sese vt forices prodent, &
malitiæ suæ signa ac argumenta osten-
dent luculentissima, quorum malitiam
omnesq;

omnesq; impetus parum moror, magno
 animo, tuto ac toto eos despicio, nixus
 cœlesti CHRISTI præsidio. Tu nunc,
 Lector optime, optimè vale, & me in Spi-
 ritu tuo pone, meamq; DÆMONOMA-
 GIAM tibi commendatam habe; stylo
 passim inculto & hîc improviso ac tu-
 multuario, quem nescio, quod tempus &
 diei hora, & ad peregrinos longinqua
 mihi suscipienda profectio coegerunt; in
 precibus insuper tuis sis memor mei o-
 mnia mortalia contemnentis, vt quæ
 transeant, & ad non ESSE festinent. Ite-
 rum vale, & viue diu felix atq; sospes, me-
 cumque hodiè gaude, Lector candide
 gaude.



Gaudeamus & letemur hodie, hodie, ho-



die, vale, vale, vale nunc latissimè.

Dab. citiùs quàm asparagi coquantur, è
 studiolo meo, quod est MARPURGI,

36 EPIST. AD LECTOREM.

in ædiculis patriis. Anno 1606. seculi
mali ac periculosi, in quo nec benè nec
malè dicere licet.

A D



A D A M I C V M
L E C T O R E M.

ELICHII è presente libro, quem cura Magistri,
Et nocturno oleo fota lucerna dedit,

AN, Quae, Quanta malis Qualisque potentia Flabris
Spirituum statui possit, amice cape:

AN, Quae, Quanta M A G I S Qualisque potentia detur,
His quoque finitimum siquid, amice cape:

Praua boni norunt, sed non ut honesta sequun-
tur:

Sic tibi fas vetitum nosse: nocere minus.

*Rodolphus Goclenius senior, Philosophus in
Academia Marp. & nunc temporis Col-
legii Philosophici Decanus.*

ELENCHVS QVÆSTIONVM
in Dæmonomagiâ decifa-
rum.

I.

An sit Magia Dæmoniaca?

II.

Quis sit huius Magiæ primarius auctor & effector?

III.

Quæ sit diuifio Dæmoniackæ Magiæ?

IV.

Quæ sit basis Magiæ Dæmoniackæ? ubi de pacto expreffo & implicito.

V.

An Magia hæc Diabolica quosdam habeat effectos veros, quos Barbariufculi Reales vocant?

VI.

Quæ Magorum & Lamiarum potestas in orbes cœlestes, sidera & elementa?

VII.

Quæ Magorum potestas in corporis & fortunæ bona?

II X.

An venefici aliqua mixta maximè sensibilia arte Magica producere possint?

IX.

IX.

An Dæmones sint incubi & succubi, & an ex tali congressu humana proles nasci possit?

X.

De nocturna Sagarum ad nocturnas suas Synagogas, commessationes, saltationes, concubitus profectione, an vera sit earum translatio de loco ad locum?

XI.

*An possit Dæmon quantitatem corporum mutare, comprimere siue rarefacere, ut partes sese penetrent, aut corpora reddere ^{ἀόρατα} *ἀόρατα*, aut corpus unum ut duobus in locis existat efficere?*

XII.

An penes Dæmonem Magosq; sit corpora ex una in aliam speciem transformare? ubi de Lycanthropia.

XIII.

An Mágica arte Magi efficere possint, ut bestie loquantur, & an ipsi intelligant voces bestiarum?

XIV.

An possit Dæmon facere, ut homo sit ἀναισθητός, id est, ut non sentiat; vel ut longissimo

40 ELENCHVS QVÆSTIONVM.

*tempore dormiat , aut famem longiorem
ut sustineat?*

XV.

*An possit Dæmon facere , ut homo mortuus
verè resurgat?*

XVI.

*Quæ Magorum potestas in ipsos Cacodæmo-
nes & in SPIRITVS FAMILIA-
RES?*

DÆMO-

DÆMONOMAGIÆ

M. Philippi Ludovigi Elich

QVÆSTIO I.

An sit Magia Damoniaca?

Actum est quorundam nefaria impietate & peruicacia, vt quæstio hæc vulgata, recepta, confessa, vsitata, facta sit controuersa. Nam qui Dæmones esse negarunt, etiam hanc esse negarunt, cum Sadducæis, Democrito, Aristotele, Auerroe, & Simplicio, quorum placita nos, qui Religionis Christianæ sacram amplexi sumus doctrinam, prorsus respuimus. Esse enim Dæmones, & Dæmoniacam Magiam, (opponimus hanc *Magia Naturali*, quam esse nemo sanus it inficias) quæ nec industria aut artificio hominum, nec naturalibus causis, sed sola Dæmonum opera ac opem nititur, ex Sacræ Scripturæ testimoniis, & ex omnium ætatum memoria atque experientia satis superque in confesso est, vt sit luce meridiana clarius, ita vt velle id probare, nihil sit aliud, quàm lychnis ac-

censis Soli meridiano velle lucem inferre! Suffragatur nobis Augustini augusti illius Theologi auctoritas, cui adstipulantur Theologi ad vnum ferè omnes. Philosophi plerique, Trismegistus, & Pythagoræi: Ex Platonicis Pselius, Plotinus, Proclus, Iamblichus, Philoponus, Apuleius, Auicenna & Algazel. Cum igitur huius quæstionis affirmatiua sententia per se & ex se sit clarissima, lumen Soli mutuum dare nolumus. Quare Deo benefeliciter secundante ad seq. quæstion. progredimur.

QVÆSTIO II.

*Quis sit huius Magiæ primarius auctor
& effector?*

SVnt nonnulli qui Dæmones esse prorsus nō ambigāt; attamē negant huius Magiæ Dæmoniacæ esse auctores Dæmones, tribuentes effectus eius, vel immediate Deo per Magos operanti; vel per Angelos bonos perficienti. Priores dicūt esse quasdam gratias gratis datas, sicut sunt gratiæ linguarum & sanitatum, *1. Cor. 12. v. 28.* & hæc dona, vt Balaamo, *Num. 23.* sic & aliis improbis non rarò con-

concedi, *Matth. 7. vers. 22. 1. Cor. 13. v. 1.*

Primò hanc sententiam dicimus esse merè blasphemam. Tribuit enim Magicis artibus, quod est proprium gratiarum gratis datarum, & cum veris miraculis præstigias confundit. Deinde gratuita Dei dona subdit humano artificio, ac certis ridiculisq; observationibus. Dein iniquè Deus vetaret id, quod ipse hominibus vti gratiam gratosè largitur. Huc accedit, quod qui ex dono gratiæ gratis datæ operatur, ille ad certum tempus, occasionem, aut ceremonias ridiculas ac detestabiles certe non alligatur, vt Magi alligantur, qui si vel in minimo errent, aut deficient, nihil efficiunt, in cassum laborant, oleum & operam perdunt. Nec huiusmodi DEI dona gratuita possunt aliis per disciplinæ ac Præceptorum modum tradi; Magi verò suis discipulis hanc Magiam tradunt, & Auditores Magistrorum sequuti præcepta eadem, quæ & Magistri operant, perficiunt atq; p̄bant.

Iterum dicimus, vt nec per se, sic nec per bonos Angelos hisce Magicis operationibus Deum sese immiscere magis, quàm cæteris rebus, in quibus concurrat

vt

vt causa vniuersalis. Et Angelos non bonos, sed malos esse, quorum Magi auxilio & adminiculo miros Magiæ effectus edunt, ostendunt & exhibent, vel inde manifestum est, quia spiritus isti iubent sese à Magis adorari, sibi que sacrificia fieri, hoc proprium est malorum Dæmonum symbolum, qui honorem diuinum, quem ab initio affectantes assequi non potuerunt, decipiendis hominibus aliquo modo obtinere cupiunt: Boni enim Angeli hosce honores non solum exoptant, sed & vehementer respuunt & auersantur, vtilegimus in *Apocalyp. capitul. 19. versicul. 10.* Angelum prohibuisse, ne Iohan. ipsum adoraret; *Vide*, inquit, *ne feceris, conseruus enim tuus sum*, &c. *DEVM adora.* Deinde Magi sunt homines flagitiosissimi, sordibus omnium peccatorum pollutissimi, artibus Magicis turpiter putideq; abutentes, ad inferendum exitium alijs, faciendamq; hominibus iniuriam, dum patrant adulteria, stupra, furta, homicidia, & vt plurimum infanticidia, à quibus sceleribus Angeli boni naturâ abhorrent, maleficis eiusmodi hominibus nullo modo fauentes:

tes: Post illa Magi multa miscent mendacia, multasque fallacias, quibus homines circumueniunt & decipiunt, ut paulo post dicemus, quod à bonis Angelis longè abest, ut qui in talibus cooperari non possint. Præterea Magi inuocando eos, quorum adminiculo & opera utuntur, minantur ipsis impossibilia & absurda, nisi venerint, utētes in ipsos imperio, coactione & minis, quorum nihil Angelis bonis conuenit, ut apud Euseb. docet Porphyr. *lib. 5. de Preparat. cap. 6.* Vide etiam Bernhard. Basin *tractat. de Artib. Magic. proposit. 6. & 7. & Determinat. Theolog. Parisiens. art. 9. 19. & 23.* quæ est præfixa Dæmonoman. Bodini.

Tertium hîc deprehenditur & impium æquè commentum eorum, qui opinantur per animas defunctorum effectus Magicos fieri; quod iam olim dies deleuit, & veritas oppressit, & auctoritas Theologorum explosit atque dissoluit, leui quidem flatu. Nam vox diuina docet nos, electas electorum animas transferri in Paradysum, id est, in locum beatis præparatum, ut fruantur lætitia æterna: Impias verò impiorum animas relegari
& de-

& detrudi in infernum, id est, cōdemnatorum sedem, vt experiantur & subeant statuta ipsis supplicia, irrogatosque cruciatus. Vnde nec hæ, nec illæ redeunt. Impiæ siquidem perpetuis & æternis addictæ suppliciis, nulla Dæmonum licentia, vel permissione, vel vi exire possunt, vtpote diuino iussu perpetuo mancipatæ carceri. De animabus piorum non aliter quàm de bonis Angelis statuimus, & piè sentimus:

Apertissima igitur mendacia sunt ab ipso Dæmone monstrosum mendaciorum patre conflata, & ex inferis emissæ ad illaqueandas aliorum animas, quæ de euocandis & citandis defunctorum animabus per GRIMOÏRIAM confinxere Necromantici. Si enim euocatæ aduenirent & erumperent; vnus DEI iussu aduenirent. Cur verò id Deus iuberet, causâ in cognitionem nostram venit nulla, vt ad Necromanticorum preces obtestationesq; id velit, id iubeat, nemo sibi qui sanæ est mentis, persuadebit vnquam, ast nasum habens fraudem ex facili subodorabitur. Quare sobriè ac piè iudicamus, hæc omnia, vt instituta fuere
à malis

à malis Angelis, sic & ab illis perfici & administrari. Contra sentire & sententiam aduersari nostram, & ~~Ce~~ est & erroneum, cunctisq; ignibus plectendum. Concludamus denique necesse est, efficientem causam istarum artium esse ipsum Diabolum, proximam esse humani ingenii ex originali labe detortam indolem.

QVÆSTIO III.

Qua sit diuisio Daemoniaca Magia?

HÆc Magia ex libris Magorū Iambl. de Myster. Ægypt. Procli de Sacrif. & Mag. Porphyri de sacrif. dispartitur in ALBAM & NIGRAM. Albam vocant *Θεσπυίαν*, & Nigram *Γοντείας*.

THEURGIAM siue Albam licitam putant, bonam & laudabilem, qua certis quibusdam hostiis & sacrificiis, munditia quadam animæ & corporis, aliisq; sacris ceremoniis, albos, bonos & beneficos Dæmones inuocant, quorum afflatu & auxilio occulta manifestant, & futura prænuntiant, aliaque mira edunt Magiæ opera, quæ vt & alios effectus oēs falsò albis siue bonis Angelis adscribunt, quos per excellentiam vocant *Spiritus*: sic gloriabatur

riabatur celeberrimus ille Magus & præstigiator Scotus Parmensis, qui superioribus annis in Germania, Bohemia, Italia multos Magnates dementavit & mirè fascinauit; Eandem fraudem prætendebat Cæcus ille Magus, cum sociis amplius 150. sortilegii accusatus, & Lutetiæ suspensus, ut refert Bodinus in *Demonoman. lib. 2. c. 1.* Danæus in *Dialog. de sortiar.* hunc Cæcum è sodalitia XV. viginti virorum, id est, trecentorum Cæcorum collegio prodiisse narrat. Sed non est hoc novum & recens Scoti, Cæci quæ commentum, aliorum quæ, quos nostra, nostrorum quæ patrum ætas vidit. Est peruetus excogitatum, fraus & impostura exoletæ vetustissimorum Magorum, maxime Platoniorum, Iamblichi, Porphyrii, Plotini, Procli & Iuliani Apostatæ, ab ipsis in hoc excogitata & inuenta, ut quasi tegumentum sit, sub quo latere possit maxima impietas, qua recta & velata honores pene divinos astute & callide sibi per artem Magicam venantur & acquirunt, ut pro Numinibus & Diis habeantur, cultores fœdè & turpiter decipientes suos, illudentes & seducentes. Verum Henric.

Cor-

Cornel. Agrippa homo Magica arte insignis in suo de artium vanitat. c. 46. hanc Theurgiam fictitiam & planè palliatam satis reiicit, (fortassis imprudēs) cum disertis & expressis verbis testatur, se penumero sub Dei & Angelorum nominibus, malis malorum Dæmonum fallaciis eam obstringi. *Et licet*, inquit Agrippa, *eius ceremoniarum pars maxima munditiem animi, corporis & rerum externarum, utensiliumq; ostendet, impuros tamen spiritus & deceptrices potestates hanc requirere, ut adorentur pro Diis.* Sed hem ! quid nunc incidit nobis ? minimè imprudens hæc dixisse videtur, cum in suo de Occul. Philosoph. lib. 3. c. 54. de Munditia agens, prioribus affinia effutiat, hæc iunior, altera ætate & iudicio firmior. *Munditia*, ait ille, *comparata homo cælestis & spiritualis euadit, & ad Dei contuitum unionemq; sic disponitur, dum mundo corpore & pura mente Deo ministrat, & in omnibus munditiem amplectitur, in visceribus, in cute, in vestibus, in utensilibus, in habitaculis, in muneribus, oblationibus, hostiis, sacrificiis, quorum omnium munditia etiam aerem purificat, influxumq; illum mundissimum cælestium & diuinorum attrahit, & mun-*

dos Dei ministros, Dæmonesque bonos allicit; Licet nonnunquam etiam immundi Spiritus & Cacodæmones, veluti bonorum simiæ, vel vt adorentur & decipiant, huiusmodi munditiem exquirant. Ideoq; in primis obseruandum censet, vt habeatur animus mundus, & cor purum, ne immundæ potestates adscendere queât.

Hocce de ALBA MAGIA iudicium Hen. Cornel. Agrippæ vt verissimum & rectissimum admittent probi libenter omnes. Cum Agrippa ὁμόφωνος est, lambl. de Myster. Ægypt. pag. 45.

GOETIAM nigram siue Nigromantiam, *die Schwarzkunst* / malam, reprobata & illicitam arbitrantur, denominatam ἀπὸ τῆς γόων καὶ θρήνων ἀλλὰ τὰς τέρας, à planctu & gemitu lamentabili, quo circa mortuorum sepulchra animæ eorum ex inferis euocantur. Hanc ArchiMagus in duas species distinguit. Vnam, cuius cultores dicit se Dæmoni submittere, ei sacrificare, eumque adorare, *citat. lib. c. 45.* Alteram, quam ipse vult persuadere à pacto cum Dæmonibus immunem esse, sed eam Dæmonibus vel inuitis imperare, vir

re, virtuteq; quadam diuini nominis adiuratos aduocare, adstringere & cogere.

Priorem legibus diuinis humanisque esse prohibitam, nefandissimam, cunctisq; ignibus plectendam pronuntiat. Posteriolem asserit consequi quidem quod præ tendit, nempe Dæmonas cogere, (quod erroneum est) sed tamen periculis manifestis obnoxiam esse. Notandum itaque de priore, verum esse eius testimonium, de posteriore eum his mentiri. (ignoscite Manes Corneliani) Primò dum negat, eam inniti pacto cum Dæmonibus inito: Secundo, dum affirmat, eum Dæmonas cogere, de quo prolixius in seqq. R. Goclen. Nigromantiam putat corruptam esse vocem pro Necromantia, νεκρομαντεία, (ex Necros & Mantia) vel νεκυμαντεία; Νεκρὸς autem idem est, quod mortuus seu defunctus. Itaque Necromantia est diuination, quæ fit ex mortuis. Sic νεκυμάντης est, qui mortuos euocans & suscitans futura vaticinatur. Necromanteum (νεκρομαντεῖον) est vaticinium, quod fit euocatis mortuis, seu responsum, quod inferorum vmbra euo-

catæ de futuris reddunt tanquam oraculum.

QVÆSTIO IV.

Quæ sit basis Magiæ Dæmoniæ? ubi de pacto expresso & implicito.

OMnes operationes Magicæ veluti basi innituntur, PACTO cum Dæmone inito, ita ut quotiescunque Mago placeat aliquid efficere adminiculo suæ artis, expressè vel implicitè teneatur à Dæmone petere, ut ex condito concurrat.

Hoc pactum non inane vanumq; esse, ratio nobis persuadet. Nam multi deplorati ingenii homines id exoptant, amant & exosculantur, & Dæmon non renuit; Nec vires id eorum superat: declarat idem Esaïas Proph. capit. 28. v. 15. ubi impii (puta Magos) exclamant; *Percussimus fœdus cum morte, & cum inferno fecimus pactum.* Ex quo intelligimus, reprobos, maleficos libenter & alacriter fœdus ferire cum Dæmone, quod ipsum ipsi nō est nauseosum aut molestum, sed pergratum, ut qui Christo Domino nostro non subueritus sit eiusmodi pacti conditio-

ditionem petulanter & superbè offerre;
Hæc omnia, inquit Matth. 4. v. 9. *Tibi da-*
bo, si procidens adoraueris me. Videsne pa-
 ctum contractus innominati? do vt faci-
 as. Similiter maleficis siue Magis dicit, te
 mihi si addixeris, te mihi si deuoueris, vl-
 ciscar te, ditabo te, beabo te &c. quæ per-
 fecta est pacti formula. Persuadet nobis
 idem Determinatio Parisiis facta, per al-
 mam facultatem Theolog. Ann. M.
 CCCXCVII. artic. 3. cuius verba hæc
 sunt: *Quod inire pactum cum Damonibus ta-*
citum & expressum non sit idololatria, vel spe-
cies idololatria, E R R O R. *Et intendimus esse*
pactum implicitum in omni obseruatione su-
perstitiosa, cuius effectus non debent à Deo, vel
natura rationabiliter expectari. Tertiò no-
 bis id persuadet Ius Ciuile, sanctio Impe-
 ratoria: *Multi Magicis artibus vti elementa*
turbare, vitam insontium labefactare non du-
bitant, & Manibus accitis audent ventilare,
vt quisquis suos conficiat malis artibus inimi-
cos, hos, quoniam natura peregrini sunt, feralis
pestis absumat. C. de Malet. & Mathemat.
 Confirmatur deniq; auctoritate Patrum,
 Augustinus & Cyprianus verum esse ex-
 perientia edocti id testantur; imò con-

ferunt & concinunt hac in re Theologitam veteres, quàm recentiores. Binsfeld. Spinæus, Sprenger, & alii. Iuristę quoque accinunt. His accedit vnanimis omnium maleficorum & Sagarum per totam Europam consensus. Atque adeo vt non parum admiremur delusum & fascinatum Wierum, vnicum olim sagarũ patronum & patrem, qui in libello suo de præstig. Dæmon. pactum hoc suauiter irridet, & multo nisu infringere conatur, magis tamen futiliter & impiè quam dici potest. Ast castigatus ab aliis, & sæpe flagro quo dignus exceptus, pœnam erroris ac pertinacię persoluit debitam. Hũc sequuti Godelman, & Tandler scriptores nuperi duriores merentur plagas.

Hoc pactum seruare, vel dirimere Dæmoni omnino est liberum. Probatur ratione & experientia Ratio docet Dæmonem ab homine cogi non posse, vt stet promissis. Experientia verò, eum mendacissimum decipiendiq; cupidissimum esse, satis magno nostro malo testatum facit, fecitq;. Quamobrem rarò præstat alicui, quod pollicitus est, cum verò præstat (quod nonnunquã fit) non facit coactus, sed spontè & dolosè, vt sibi Magos

sic obstrictos, obstrictiores, tandem obstrictissimos reddat, aliosq; alliciat, in suā nassam pertrahat, & eiusmodi nugis vim aliquam inesse persuadeat; vt summam dicamus, Machine, doli, fallaciæ ac præstigiæ sunt meræ, quibus errores hominum aucupatur Satan, suum apud eos imperium vt propaget, stabiliatque ac cōfirmet. Nā is vnicus est scopus, in quē omnes actiones suas intēdit ac collimat.

Pactum huiusmodi duplex est. Vnum expressum, alterū tacitum. Pacti expressi modus est triplex. Primus fit solemnitate varia, vt plurimum ipsi Cacodæmoni, visibiliter in corporea aliqua forma apparenti, coram testibus fidelitas & homagium promittitur. Talem pactionē fecit Nobilis quidam, de quo Martin. Delrius, *tom. 1. lib. 2. q. 4.* Petr. Binsfeld. *de confes. malef. pralu. 6. p. 30.* vbi Dæmō loquens audiebatur, sed nō cōspiciebatur; hic inter cætera Nobilis ille creatorem suum ore negabat, Dæmoni homagium præstabat, animum atque corpus illi in æternū dedens. Diabolus illi vicissim opes, diuitias, & honores pollicebatur, perpetuā felicitatem, gaudia solida atque immensa, &

voluptates quascunque in mundo appetuerit, & post hanc vitam longè maiora, Tanta & tam grandia Nobili; aliis non minora promittere solet. Liberè fatebatur Sortiarius quidam Iohan de Vault, persuasisse sibi Diabolum, sortilegos post hanc vitam similes futuros Dæmonibus, & in aere principatum obtenturos. Sed quis non videt Diabolum à consiliis nequitiae non deserere?

Alter modus est priori similis, nisi quod sine testibus peragatur. Tertius per Vicarium constituitur, Magum scilicet, vel tertium aliquem, cum paciscens Dæmonis teterrimæ belluæ teterrimam frontem, vel eius colloquium reformidat & refugit.

Pactum sæpè etiam scripto confirmatur, quando nimirum Dæmon vult, ut instrumentū obligationis paciscens conficiat, & chirographum proprio scriptū & subscriptum sanguine exhibeat; quale exhibuisse fertur Causidicus quidam Cæcilius Magi Lutetiæ suspensi socius & confors. Eodem modo se obligasse Faustum constat omnibus; is Deo renunciās, totiūque beatorum choro repudium mittens,

tens, Dæmoni fidem spondens, & pactum sponfionemque cum ipso sanciens, proprio sanguine, ex leuiter vulnerato pollice emissio, se totum ipsi subscripsit & adscripsit penitus, idque non simplici vice. Fecerunt idem eodem modo alii. Vide Georg. Rudolph. Widman in *Histo. Faust. part. 1. cap. 10.*

Fœdus tacitum duplex est. Primum, quando quis sciens & volens superstitionis utitur signis, quibus uti solent Magi, quæ ex libris vel sermonibus eorum acceperit. Secundum, quando quis ignorans utitur signis Magicis, quæ nescit esse mala ac à Dæmone instituta, quod illis accidere solet, qui bona fide legunt libros superstitione plenos, arbitantes eos esse probatorum, aut Philosophorum, aut Medicorum. Sed hoc improprie est pactum.

Nec prætermittendum hoc loco & tempore, quod tartareus spiritus sibi recens addictos, & in numerum adsumptos, veluti immanis carnifex, inhumanae & barbaræ seruitutis tesseris inustos & insignitos habere velit, eos præsertim, quos nouit, non toto pectore, tota ani-

ma, totisq; viribus sibi deuotos & deditos, vt sit quod eos forte fugitiuos comitetur ac notet. Quæ olim Dominorum in seruos importuna crudelitas & sæuitia, ob stigmata eiusmodi maximè intolerabilis; quos vero constantes & egregiè fideles conspicit, eos notis non compungit, vt obseruauit Lambert. Danæus in *Dialog. de sortiar.* Res hæc de notis tam certa est, quàm certissima, & sunt iudicum oculis obuix & perspicuæ, nisi fortassis sint in locis abditissimis. Aliis enim, vti didicimus, in labris esse solent, aliis sub palpebris, aliis sub axillis, aliis (honor sit auribus) in podice, aliis in genitalibus, plurimùm tamen in dextero humero. Vid. Nicol. Remig. *Demonolat. libr. 1. cap. 5.* Bodin. *Demonoman. libro secundo, capit. 4.*

Cæterum nec id reticendum, quod nefandissimum est & detestandum valdè, plerosque Magicis sortibus inquinatos, & in cohortem cooptatos, ex animo non prius acquiescere, quàm se iterum execrabili Diaboli lauacro, & in nomine Satanæ abluendos, baptizandos curauerint, & vocandos altero nomine,
ex

ex quo contingit, vt Magis plerisque duplica sint nomina.

Neque verò dissimulandum, Magum vnum Sathanæ penitus prorsusque addictum in nassam eius pertrahere, in sodalitium & familiaritatem adsciscere, & laqueis satanicis intricare posse, vel sexcentos alios, incautos & simplices, ac ad rem procliues. Nam carnifici **DIABOLO** qui constrictus & addictus est, ei nihil prius esse potest, nihil satius, nihil efficacius ad promerendam, captandam, ineundam & retinendam **T O T Ψ E T Δ O Θ E O T** amicitiam, gratiam atque pacem, quàm si quamplurimos in familiaritatem pertrahat, & regnum augeat, amplificetque.

Itaque sæpissimè vxor perducit eò & seducit virum, mater filiam atque seruam, vt iustæ familiæ aliquando sortilegii labe infectæ perstent in multa secula; quas omnes & singulas tempestate hac stantes iustissimus Deus faciat cadentes, & Deus, qui viuos & mortuos perdit, funditus eas perdat, totumq; Satanę regnum euer-

euertat, destruat atque pessundet, pio voto precamur, ac rogamus enixè.

QVÆSTIO V.

An Magia hæc Diabolica quosdam habeat effectus veros, quos barbariusculi Reales vocant?

PEpo sit, inquit Martinus Delrius, non homo, qui vel asserit omnes effectus esse φαντασμένους & præstigiatorios, vel iudicat omnes esse γνησίους & veros. Sæpius enim Dæmon fallit & mentitur, quia mendacii pater est, & ideo sæpissimè hominum oculos circumscribit ac perstringit, sensibusque eorum illudit, vana obiecta imagine, veluti glaucomate, ut ea quæ sint, tanquam non sint, appareant, & quæ non sint, tanquam sint, apprehendantur. Nec rarò Deus nobis semper præuidus impedit inhibetque, ne quod ad nutum atque voluntatem Magorum facere & probare instituit, id verè probet faciatque; quod cum animaduertit, ad præstigias (quas non ineptè quidam oculorum ludibria indigetavit) confugit, ne impotentiam suam detegat & prodatur. Ex permisso verò DEI, si Diabolus verum effe-

effectum vult producere, nisi is vires eius superet, quid obstabit, quo minus effectum producat? Etenim causę naturales verum effectum gignunt, quibus Diabolus vti potest, & actiua passiuis applicare. Graui igitur iudicio Theologi ad vnum omnes duplices Magiæ effectus, veros & apparentes siue præstigiatorios, constituunt ac agnoscunt; quibus Martinus Delrius MIXTVM sc. ex veris falsisque siue apparentibus annectit. Delr. Tom. 1. Disq. Mag. quæst. 4. lib. 2.

*Sapè etenim miscet Daemon mendacia veris,
Vt tenebras lucem credula turba putet.*

Ad præstigiatorios iam referamus, quod literis proditum est, Paseten quendam fuisse inter Magicæ vanitatis confectatores notæ primæ, qui carminum potentia sumptuosum ac refertissimum repentè conuiuium conuiuis exhibebat, idque cum libuit euanuisse, discumbentibus omnibus fame ac sibi elusis: si quid emebat, id agebat, vt erogati nummi in mercatorum manibus seu loculis apparerent, verum mox nummi à venditore ad emptorem rediisse cernebantur. Similia multa, quæ simplices in admirationem

nem raptant, Cocloarii, (quos nos agyr-
 tas, siue circumforaneos seu Ioculares,
 Ludiones, siue præstigiatores, imposto-
 resque nominamus, Iurisconsultus vo-
 cat Parabolanos,) die *Gaukler* oder
Gaukelsbuben / Carboniuori, in urbibus,
 oppidis & pagis, in panegyricis conuen-
 tibus lucelli gratia, ludentes sæpe osten-
 dunt atq; peragunt: Dum alii sibi ferrum
 iniugulum adigunt, id ipsum mox ore ex-
 promunt, pectus ense transverberāt, vē-
 naticam lanceam, qua parte minantur
 exitium, in ima viscera condunt, manum
 præcidunt, transfodiunt nasum, aliaque
 plurima vulnera sibi inferre videntur;
 rursus funiculos imo gutture in longā
 seriē deducunt, q. glomum aliquē euol-
 uentes & explicantes, aures mutilant ac
 decurtant. Ex hoc Sacculariorum siue lu-
 dionum numero is erat, quē superiorib.
 annis, cū versaremur apud Heluetios a-
 nīmigratia & Heluetiā perlustrandi cu-
 pidi, vidimus, iste carbonēs deglutiens
 ocyus expuebat Ioachimicos, scruta de-
 uorans mox denarios eiiciebat affatim,
 pro pisīs glutitis reddebat nūmulos; gla-
 dios, cultros, pugiones deuorans pro sin-
 gulis

gulis hastas restituebat oblongissimas. Idem rosam fragrantem & florentem lepidæ ancillulæ in manū tradens, eam illicò in id quod de lumbis viri dependet transmutabat, hunc ancilla delusa prære odorifera & fragrante naribus admouebat suis, qua re omnium spectantium risu effusiores ita concitabat, vt præ risu corruerent multi.

Vidimus Wirceburgi alium eiusdem humilis artis hominem, hominem supra prodigium nequitiosum, obscænum, & attritæ frontis, qui deuorato omni pudore multa edebat ludicra, in Orchestra, & post si parium, cum clam tumque palam, inter alia simili ferè modo hospitæ nostræ iuenculæ procaci ac superbæ in diuersorio, cuius insigne est Nig. falc. pulchrè ac lepidè illudebat, pomum de mensa sublatum ipsi in sinum iniiciens, ex quo mox manu id arreptum cum commonstraret, telum asininum ponderosissimum fiebat. O sancte Iupiter! vt cachinnos resonantes reboantesque tollebamur omnes. Sed quò delabimur? dicendum est, quod sentimus.

Talia sine Dæmonum opè & artificio,
fordi-

fordidis illis seruulis adnitentium effici non posse, *αείδῃλον* est, maximeque si quid fit à naturalium sensuum fide alienius, quale est illud de Germano quodam Necromantie studiosissimo, qui integrum fœni plaustrum, vna cum auriga, equisque visus est deglutire atque deuorare; amputabat etiam hominibus capita, manus, pedes, quæ pelui coram imposita, cum sanguine defluente, omnibus videnda præbebat. Hæc & similia nisi cum ingenti sensuum corruptela ac deprauatione fieri non possunt.

Talis ludificator erat Simon Magus Magorum Princeps, is se quibus volebat inuisibilem præbebat, saxa quasi lutum penetrabat, in ignem profiliens non adurebatur, ouis aut capræ formam sæpissimè assumebat, in aerem sublatus volitabat, ex lapidibus panes faciebat, aurum repentè plurimum exhibebat, montes saltitare faciebat, & vt ianux clausæ suæ iponte aperirentur, vasaque domestica moueri ad vsus humanos viderentur, efficiebat.

Hic Simon cùm aliquando Selene eius Minerva & Meretrula in turri quadam

dam inclusa esset, & accurrisset ingens multitudo ad videndam eam, turrimque adstantium corona circumcinxisset, sua arte Magica fecit, vt meretrícula per omnes fenestras turris omni simul populo prospicere & procumbere videretur. De Simone multa nobis scripta reliquere veteres. Iræneus *lib. 1. c. 10.* Euseb. *lib. 2. c. 13.* & Geor. Rudol. Widman, Scriptor nouus, & Ioan. Fausti præco. *in hist. Faust. par. 1. c. 5.*

Huius etiam malæ monetæ fuit homo quidam Bøhemus, qui inter eiusmodi circulatores & Sophistas non posteriores tulisse videtur: is tanquam Thraso aliquis & gloriosus in arte Diabolica miles strenuè sese exercens, sæpius superbo & elato animo, nunc sua, nunc aliena facie, statura & persona peregrina in medium procedebat; iam in purpura & serico torquatus, auro gemmisq; onustus Regi cui-dam se offerebat, & spectandum sese exhibebat, iam pannis, lumbis vix cohærentibus, obsitus, & sordidus, ac sordidatus proserpebat; ambulatibus in sicca, ipse tanquam in naui adnauigabat, adnatabatq; aliquotiens equis rhedariis vectum, gallis gallinaceis ad epirhedium
E suum

suum alligatis , subsequēbatur : Regis conuiuis inter cætera variè mirēque illudere solebat , interdum manus accumbentium & elurientium contractas tenebat & remorabatur , ne patinis inferre valerent , in boum , equorum , asinorumque ungulas eas transformabat , & fronti conuiuantium ponderosa ac patula ceruorum cornua adfingebat , quotiens videlicet è fenestris ad subita spectacula prospexerant , ne rursus capita retroagere & retrahere , oraque ad mensam referre possent. Et vt aliis proderet , se ex facili pecuniam pro re & vsu suo conflare posse , aliquando aliquot porcos ad magnitudinem vrsorum ex fœni manipulis efformabat , ementitos in pratis pascentes venales extrudebat , quos qui magno pretio coemerant , paulo post pro porcis , fœnum stramenque in fasciculos conuolutum , habebant.

Eiusdem styli præstigiōsi est , quod de Menippo Sponso literarum monumentis proditum est : vbi aurea supellex & imaginarium argentum , vna cum Lamia Sponsa & reliqua familia euanuere. Philostrat.

lostrat. *in Vit. Apollon.* Tale etiam est illud, quod ab eodem literis traditum reperitur *lib. 3. c. 6.* Cum Apollonius cum larcha & aliis Brachmanis mensæ accumberet, tripodes sua sponte mouebantur, & ab æreis pincernis calices in gyrum circumferebantur, certa mensura vini & aquam miscentes, & cyathos proferentes.

His confinia illusionum illuſorum exempla recitantur à Georgio Rudolph. Widman. *in histor. Faust part. 1. c. 43.* ibi ridiculam inuenies historiam de Iohann. Theutonico. Vid. etiam Augustin. Lercheimer / aliàs Herman. Widesind / Hebrææ linguæ & Matheseos olim Profess. Heidelberg. quem fortassis sui puduit nominis, *in lib. Germanico, cui tit. Christlich Bedencken von Zaubererey. sub fictitio nomine Lercheimer. capit. 6. 7. & 8.* Eadem portenta præstigiola & nudè apparentia sunt, quando Magistri in arte Sathànica edocti turmas equitum & peditum, magnorumque exercituum ad terrorem hostium, ostendunt) vti ille famosus Magus è Germania ad CÆSAREM quendam euocatus, montes

equorum & curruum plenos præmonstrans, de quo Henricus Cornel. Agripp. *lib. 5. epistol. Epist. 26.* Hanc artem, vt & cæteras Magorum nœnias omnes apprimè calluerunt Iohann. Faustus, Christoph. Wagner / Fausti famulus, Wiltsewer von Northausen / Sedechias Iudæus olim Physicus, & Medicus Ludouici Imperatoris, item Abbas Spanheimensis, Antonius Morus, Iohan. Theutonicus, Ioh. Scotus, Baianus Princeps Bulgarix, Albertus Maior, aliàs Robertus Teuffel / Carolomanni Ducis Normanniæ filius, item Nectanebus quidam vir excelsus, ac plures alii, qui omnes fuerunt Dæmonis familiarissimi, quorum Catalogus iam non excrescet, quum parcimus Celsitudini.

Nunc videamus, quæ Sacra nobis supeditat pagina. Duo sunt in sacris literis maximè controuersa, de quibus admodum dubitatur, & titubanter à multis concluditur; Num veri, num verò apparentes tantum effectus fuerint.

Prius est de suscitato per mulierem Pythonissam, hoc est. familiaritate Dæmonis vtentem, Samuele *lib. 1. Reg. cap. 28.*

Hoc

Hoc nos ad illuforia referimus & non ipsam Samuelis animam, sed spectrum, seu Dæmonem laruatum aduenisse concludimus. Licet Martin. Delrius cum multis aliis non infimi subtellii hominibus verorum effectuum hoc esse exemplum dicat, & quàm pluribus non adeò languidis argumentis edoceat atque demonstret, veram Samuelis animam Sauli Diaboli mancipio & Pythiæ mulierculæ Dæmonis seruulæ apparuisse in Endor existimans; factum id, ait, non pessimè! speciali Dei priuilegio, ac singulari permissione, vt impius Rex corrigeretur, & ad pœnitentiam denunciata mortis metu prouocaretur. Delrius *libr. 2. Disquisit. Mag. tom. 1. qu. 6.* Verùm non putamus dicendum, hîc contra suum verbum egisse Deum, qui disertè seuerissimoque mandato à mortuis quæri veritatem vetuit, etiam mortis multa constituta, *Leuit. 19. & 20. v. 31. & 22. Non inueniatur*, inquit Vox diuina, *in te consulens mortuos, qui hoc facit Deo suo* ἑδαιγµα ἐστὶ. Consule Wierum *de præstig. Daemon. lib. 2. c. 9. & seq.* & copiosè Lauater. *de Spectris part. 2. c. 7. & seqq.* Nicol. Rhemig. *libr. 2. Daemonolat. capit. 1.*

Henric. Kornman. *de Mirac. mortuorum.*
part. 2. c. 1.

Posterius est de Magis Pharaonis, qui cum Moyse miraculis decertarunt, *Exod. 7. vers. 11. & 22. & capit. 8. vers. 7.* Scriptores oppidò graues actiones Magorum præstigiosas fuisse autumant. Quæ quidem sententia probabiliter defendi potest. Sed an non dicuntur Magi sic fecisse, quemadmodum Moyse? Siste! Si Magorum tantum fuerunt apparentes, cur fraudem Moyse non detexit? an & illum in re tam graui & ardua Deus ludificari passus est? Quare probabilior nobis videtur sententia aliorum, Augustini, Caietani &c. nec à sacris literis, nec à Philosophorum scitis abhorrens; Nimirum ex veris virgis vt ex materia conuersionis veros serpentes produisse. Sunt enim hæc animalcula ex numero imperfectorum, quæ Diabolus breui ex putrefactis baculis potuit producere, nec id vires eius superat. Nam quod Solis calor multis diebus efficit, id Dæmon exiguo tempore applicando actiua, quæ nouit ad hoc efficaciora. Hac de re videre ne pigriteris Bodin. *Dæmonoman. lib. 2. cap. 6.*

capit. 6. & Sprenger. *Mal. Malefic. part. 2. question. 1. capit. 9.* & vberius Benedict. Perer. *de Magia. lib. 1. cap. 16. & seqq.* & Oration. Panegyricam atque doctam M. Iohann. Friderici Professor. Lipsiensis, qui nobiscum, cum Lipsiæ essemus, amicè & peruditè differuit de hisce & de aliis, *χρειν ἐκείνω γιγνώσκομεν μεγάλην.* Adde si libet Wier. *de Præstig. Demon. lib. 2. cap. 8.* Godelman. *libr. 1. de Præstigiis. cap. 3.* Bierman. *de actionibus Mag. thes. 38.* Tob. Tandler. *Orat. de Fascin. pag. 24.* à nobis dissidentes. Sed quid moramur homunciones illos.

Verorum effectuum exempla, ut plerisque placet, sunt serpentum incantatio. Psalm. 58. *Sicut aspidis surde & obturantis aures suas, ne exaudiat vocem incantantis, & veneficium incantantis sapienter.*

Ex hisce Psalmistæ verbis intelligimus, serpentes maleficorum incantamenti expositos esse, atque expositos esse eos adeò, ut etiam ad verbum sapienter incantantis sese sistant, & in vnum coarctari, manibusq; se cōprehendi sināt. Imò nouimus quendam, qui NN. fami-

liaris fuit, vt angelus angelo, hic quando volebat, non aliter quàm Atyr aut Vmbro quispiam, tribus à se visos serpentes verbis sistere ac remorari poterat, affixos terræ manibus auellebat, sine noxa sui attrectabat, eos insuper recondebat, & domi animi gratia à latere alebat. Testatur etiam Nicol. Remig. hominem sibi visum, qui è tota vicinitate ac confinio excitos angues in ignem Magico circulo conclusum inducebat; ac cum ex iis, qui corpori immanior erat, in illum ingredi detrectaret, coactus tamen repetito identidem carmine idem facere, ac se cum ceteris in obiectum ignem dedere & inuoluere.

Modum bestiolas illas adiurandi, domandi, sopiendi docet Agrippa *libr. 3. Occult. Philosoph.* Si cui curiosulo huiusmodi animalcula venari lubet, licet, modò ita instructus, & caueat pro vita sua, ne imparatus rem moliatur, ad sepes & ad muros exeat, tria hæc verba, O S I, O S I A, O S I, serpentibus admurmuret, admurmuratis citius cauda aures obstruere conabuntur, si exaudiuerint, statim innoxii reddentur, tractabiles, mites & mansueti.

Ita

Ita periculum fiet, an verum sit, quod virtus & ἐνέργεια incantatorum maxima sit in serpentes, ex permisso Dei, qui maleficorum iussis & euocationibus eos promptius obtemperare voluit, & ad hoc potissimum prædestinauit. Ratio argumenti obuia est apud Augustin. *lib. 11. de Genes. ad lit. cap. 18.* Quod Diabolus per serpentes in primis mulierem tentauerit, & in colloquio eius primitus naturam humanam seduxerit, penitusq; corruperit. Vid. Martin. Delrium *tom. 1. Disquisit. Mag. lib. 2. quest. 13.* Sed vtut sit, æqua fere & eadem nobis esse videtur modernorum incantantium siue maleficorum, in omne & quoduis bestiolarum genus, & maxime maxima in homines vis atque potestas, Deo, ingratitude, malitia, superstitione, infidelitate, & aliis peccatis ita commerentibus, nos puniente.

Ad hanc classem pertinent signa ac prodigia quædam Pseudoprophetarum, Matth. cap. 24. *Surgent, inquit Dominus, Pseudopropheta, & dabunt signa & prodigia.* Non vtique alia arte, quàm Magica. Talis artifex & Pseudopropheta erat Simon Magus, de cuius admirandis gestis & ge-

sticulationibus in paulò ante commemoratis; hic inter præstigiosa etiam vera edebat mira, & opera minimè falsa, ex quibus tantum honoris, reputationis, gloriæ & adorationis adeptus creditur, vt Romæ ipsi statua cum hac inscriptione: SIMONI DEO SANCTO, posita fuerit. Quid? quod propter prodigia tanta in admirabilitate fuerit, vt, quemadmodum Lucas scribit in *Act. Apostol. capit. 8.* de illo dictum sit: *Hæc est virtus Dei, quæ vocatur magna.* Eiusmodi prodigia Paul. 2. *Thessalonic. 2.* mendacia vocat, non quod omnia per se & sua natura mendacia sint & falsa, sed quod fiant ad persuadendum falsum hominibus, & ad decipiendum eosdem. Hæc qui recipiunt, mendacia, vt ait Haymon Episcopus, recipiunt, & Dæmonem mendaciorum patrem venerantur, suscipiunt ac colunt.

Si adhuc vnum addiderimus; quomodo videlicet effectus sinceri à falsis & fucatis dignosci possint, finem quæst. imponemus. Notandum diligēter, quod quæcunque Dæmon reuera efficere potest, eadem & Magos ex pactione & fœdere posse.

posse. Hic duæ sunt obseruandæ regulæ. I. Quâdo effectus Magici eiusmodi sunt, vt potentiam Dæmonis superent (quales sunt, qui solius Dei omnipotentie reseruantur, vt Cæco nato visum restituere, mortuos reuocare in vitā) tum effectus simpliciter præstigiatorii sunt. II. Quando non constat effectus superare Dæmonis vires, vt res planè dubia sit, recurrédū est ad alias circūstantias. Ratio dubii est; quia nec Dæmoni Deus semper permittit facere, q̄ potest; nec Dæmon semper vult perficere, q̄ Deo permittēte potest. Sed gaudet præstigiatori iugiter hominū deceptione & illusione. Imò v. sine Dei permissu ipsū prorsus nihil posse, vel inde manifestū est, quia nō modo non potuit, q̄ ipsi erat opatiss. pro libidine lobū excarnificare. *Iob. c. 1. & 2.* sed nec perfidum Regē mancipiū suū decipere, *3. Re. c. 22. v. 22.* Quid? q̄ nec in porcellos sese insinuarē! *Mat. 8. v. 31.* Hinc factū existimamus, vt cū Neroni homini ex omnium scelerū colluione nato, nec discendi ingenium, nec opes, nec voluntas, nec studium, nec Præceptores ex longinquis acciti deessent, ne quicquam tamen in Magica pro-

profecerit, nec vnquam Diabolus perillum vnicum Magiæ specimen edere potuerit, ex quo Nero Magicen detestari & contemnere cœperit; Plinius *lib. 3. nat. histor. c. 2.* Idq; singulari Dei prouidentia ac consilio factum, ne nocentissimæ illi bestiæ summa quasi malorum accederet.

QVÆSTIO VI.

Quæ Magorum & Lamiarum potestas in orbibus cœlestes, sidera & elementa?

MAgicen neque cœlestium corporum motum sistere, vel eorum statos cursus retroagere posse, ita clarum ac testatum est, vt nihil clarius aut testatius. Hoc enim esset Naturæ ordinem mutare, vniuersiq; leges refigere, quod vnus ac solius Dei præpotentiæ reseruetur. Naturæ autem ordinem nequit mutare, nisi auctor naturæ, nec leges vniuersi refigere, nisi qui fixit. Hinc Veterum de Lunę detractiōe fabula concidit, ac vti vanitatis fumus euanescit, non magis consentanea rationi, quàm recens ac nostris temporibus ridicula populi cuiusdam

iusdam opinio, arbitrantis Lunam ab asino epotam, quia pecus Arcadicum de flumine biberat, in quo noctu Lunæ facies, ut fit, lucentis reddebatur, cum biberet, eoque recedente, subita nube Luna tecta videri desit, ideo miserum Sileni vectorem in carcerem coniecere, in eculeum egere, & aluo rescisso, ut Lunam mundo redderet, sæuissimè cultro anatomico eum exenterarunt.

Integrum elementum de suo loco naturali in alium transferre, aut partes, quibus mundus integratur, tollere, vel suo loco mouere, neque Dæmones, neque Magi possunt. Deus enim Angelis non subiecit orbem terrarum, *Paul. Hebr. 2.* Possunt tamen grauissimas tempestates & procellas in mari excitare, adiuuante ipsos Dæmone, vel aquas Maris ab imo commouendo, vel per concitatissimos ventos; & terræ motus efficere, vehementem aliquem spiritum in cauernas terræ immittendo, vel inclusum in illis vehemētissimè agitando. Sic fortassis fieri potuit, quod narrat Philostratus, de duobus doliis, quæ Apollonius apud Indos viderat, quibus apertis imbres & venti

venti erumpebant, clausis serenitas & æris tranquillitas redibat.

At dubium non est, quin quod sequitur, futurum sit supra omnium fidem, ac multis etiam fortè ridiculum. Magi possunt per Dæmones, ut potestates aeris; Dei præpotentis permissu, tempestates excitare, fulgura, tonitrua, grandines, imbresque ciere, & in agros & loca quos ac quæ volunt immittere. Probatur hoc Hutorii & exemplis. De Finnis & Lapponibus hunc in modum scribit Olaus *in hist. rer. septent. libr. 3.* Mercatoribus olim ventos venales exhibebant, tres nodos in barba Magica arte sacratos offerentes, quorum soluto vno placidos ventos, altero vehementiores, tertio vehementissimos excitabant. Barthol. Anglicus *de Genuin. rerum proprietat.* Paulò aliter rem narrat, vid. libr. 15. capit. 172. de Winlandia. Et Aristæus docet, incolas Cycladum certis ritibus ac hostiis etefias æstiuo tempore elicere, & sic suavi frigore squalorem & sterilitatem ab agris arcerere.

De Erico Suetiæ Rege, qui in arte Magica nulli sua tempestate secundus, &
Dæmoni-

Dæmonibus multum familiaris, omninif in Magica incumbens, & cultui diabolico summoperè vacans, fama est, eum quamcunq; in partem pileolum verteret suum, ventos optatos concitasse; unde & ventosus pileus dictus. Post illa iuvat nos Historia sacra, Iob. *cap. 1. v. 16. & 19.* vbi Satan ignem de cælo deiicit, quo seruos Iobi absumit, excitans ventum, diruens ædificium, qua ruina filios filiasque conuiuentes & prandentes opprefsit.

De pluuiis plena sunt veterum monumenta, & à recentioribus studiosè transcripta, qui volet, legat. Delrius narrat ridiculum modum & ritum procurandi pluuias Indorum Cianitarum, *libr. 2. Disquisit. Mag. q. 11. tom. 1.* Arnuphis Ægypt. Phil. qui arte Magica Dæmonumq; præstigus in aerem sese sæpè sublimabat, tempore M. Antonii Principis cum Romanorum exercitus aquarū penuria diuè sitiret, imbrem cum fulgure & tonitru fragoso tempore æstiuo suscitasse fertur. Testis etiam oculatus est Hentic. Cornel. Agrippa, auctor vt grauissimus, ita hic fide dignissimus, qui suis se vidisse affir-

affirmat oculis, hominem sibi familiarē, arte Magica tempestatem dantem & tonitru mouentem. Vidi, inquit Agrippa *lib. 3. Occult. Philosoph. c. 24.* & noui quendam inscribentem in charta virginea nomen & signaculum spiritus cuiusdam in hora Lunæ, quam cum dedisset postea deuorandam ranæ fluuiali, & carmen obmurmurasset quoddam, remissa rana in aquam, mox pluuiæ & imbres oborti sunt. Vidi per eundem, ait, inscriptū alterius spiritus cum signaculo nomen, in hora Martis, idque coruo datum, quo post immurmuratum carmen dimisso, protinus ab illa cœli plaga, quam ille inuolasset, obortis nubibus, fulmina, concussionēs, horribiliaque tonitrua sequuta sunt. Entibi! accipe testem omni exceptione maiorem, & *αὐτόπτην.*

Nec est, quod quis putet, Olaum verba lectoribus dare, aut fabulam narrare, *in histor. gent. Septentri. lib. 3. edit. Amberg. pag. 123.* Haquinum Noruegiæ Principem contra Danos pugnantem ponderosis grandinis ictibus ita conuerberasse hostium vertices, vt eorum oculi veluti quibusdam nimborum spiculis laceffi-

ti,

ti, prospiciendiq; penitus facultate defecti, grauiorem ab elementis pugnam, quàm ab hoste senserint.

Præterea Biarmenses Polo arctico viciniore, in Septentrion. contra potentissimum Regem Regnerum pugnantes, dicuntur carminibus aggressi cælum, sollicitatas nubes ad summam vsque violentiam nimborum impulisse. Et quæ vis sit Magorum in cogendis, ligandis, soluendis elementis & tempestatibus, vt mitius vel rigidius humanum temperent ordinem, liquidò declarat Olaus exemp. Finnorum & Lapponum, qui in ista arte probè probeq; exercitati, adeò vt persuasibile nobis fieri possit, Zoroastrem aliquem in damnata arte Professore in Lapponia & Winlandia extitisse. De Finnis, mercatoribus ventos secundum tres in barta nodos, aut clementiores aut inclementiores exponentibus, paulò antè diximus.

Testantur idem & sententiæ nostræ pedamenta subdunt spontaneæ ac liberæ confessiones, & voluntariæ assertiones, plus minus ducentorum Sortilegorum, qui Nicol. Remigio Duumuiro da-

F mnan-

nante eos, incendio crimen fortilegii luerunt. Hi statis certisque diebus soliti sunt conuenire gregatim ad ripam, vel stagni vel riuuli alicuius, maximeque in locum, quem solitudo à prætereuntium oculis sepositum haberet, vbi aquas virgis nigris, quibus à Dæmone suo erant donatæ, tantisper diuerberabant, donec vapores fumosque abundè excitabant, quo factò, totus aer statim infuscabatur, ac tandem largos tum imbres, tum grandinem, in ea quæ volebant loca, (nisi quid forsitan obstarèt) effundebant. Scriptores exemp. vbique recensent, nos vnicum saltem accensere volumus. In ditione Treuirensi rusticus fuit, qui cum filiola sua octenni in hortulo caules plantabat, filiolarum collaudauit, vt nonnunquàm fit, cum patres cum liberis, qui præcipue sunt eorum delitiæ, ludunt, quod aptè illud munus obiret; illa sexu & ætate garrula, se alia nouisse magis stupenda facere gloriatur: pater quæ ea sciscitatur? secede, inquit illa, paululum, & inquam optabis horti partem subito dabo imbrem; miratus ille, age secedam; eo secedente puella fodit scrobem, & in
cam

eam vrinam faciens, eam dimittit, quam bacillo turbidam reddit, nescio quid sub-
murmurans: & ecce tibi subitam pluuiam
de imbribus, in condictum locum. Adhæc,
quis te hæc docuit? Pater attonitus quæ-
rebat; Mater respondet illa. O matrem
pessimam, & Dæmonis chamæteram. Sed
quid sit? Rusticus iusto zelo incitatus, post
paucos dies se ad nuptias inuitatum in-
tendens & simulans, vxorem cum lepida
gnata, ambas festiuè nuptialibus vesti-
bus exornatas, currui imponit, in vici-
num oppidum deuehit, iudici vt male-
ficiorum crimen supplicio expient, tra-
dit.

Hanc historiam Delrius ex *ἱστορίαις* ore acceptam literis suis mandauit, &
nobis suggessit.

Prolixius vid. Nicol. Remig. *libr. 1. cap. 25. & seq. libr. 3. capit. vltim.* qui narratio-
nes Fabrorum Mal. Malef. in Dæmono-
latria sua, eorum fidem sequutus, non
dubitauit exponere. Vid. Malleum Ma-
lef. *part. secund. question. 1. capit. 15.* Iohan:
Nider. *Formicar. capit. quarto.* Vlricum
Molitozem *de Pythonicis mulieribus. cap. 7.*
Bodin. *Dæmonoman. lib. 2. cap. 8.* Physiolog.

Adolphi Scribonii Marpurgensis *de nat. Sag. pag. 87. & seq.* Bierman. *thes. 49.* Ludou. Milichium *im Zauberteuffel / cap. 19.* Dæmonolog. Iacob. Sereniss. Regis Anglæ *lib. 2. cap. 5.* Georg. Rudolph. Widman *in histor. Faust. part. 2. c. 13.* M. Iohan. Phylidium Fridbergensem *sup. Iona. cap. 1. concion. 5.* His adde Wier. *de præst. Damon. libr. 3. c. 16. edit. sext. & ult.* Godelman. *de Lamiis cap. 6.* & Otthon. Melandrum *in resolut. præcip. quest. de Sag. q. 7.* item Tob. Tandlerum *in Orat. de Fascin. pag. 26.* qui sequutus Wierum & Godelman. à suo hac de re dissentit Biermanno.

Magi tenebras excitare possunt. Paulus Venetus in Peregrinat. Asiatic. auctor est, Tartaros adeò pollere Dæmonum præstigiis, ut tenebras terris, cum velint, suis incantamentis inducant, parumq; abuisse, cum apud eos verlaretur, quin à latronibus eo pacto, eaque arte circumueniretur & spoliaretur. Huic germanus est, quod Haithonus in historia Sarmatarum scriptum reliquit, ex Tartaris vexillarium quendam, cum suorum aciem inclinatam & penè disiectam videret, hostem tali aeris opacitate densitateque inuol-

inuoluisse ac sic vicisse. De Zoroastre tenebras hostibus ostendentē, aliisq; stratagematis Magicis in conflictu Assyriorum, Assyrios percutiente, vid. Rudol. Widman in *histor. Faust. part. 2. c. 11.*

Magi etiam possunt aerem & aquam certis in locis corrumpere, tabificam, lethalemque reddere. De aqua facilius est creditu; de aere probatur; quia licet aer continuò fluat, vim tamen habet imbecillam ad resistendum, & leui momento frigescit aut calefcit: ita enim idem in autumno manē frigidus, meridie calidus, sero tepidus, qui tam mollis ad calorem, cur durior ad odorem tetrum? Aerem corruptum esse vetustum commemorare gestimus exemplum, alii recentiora exquirant. Cum Maruthas Mesopotamiæ Episcopus legatione fungeretur apud Isdigerdem Persarum Regem, vt Christianorum religionem odiosam magis redderent, faciebant, vt putridus ac foetidus omnino odor exhalaret eo loco, in quo Rex & Christiani conueniebant, prætendentes in Christianorum contumeliam, eos auctores esse istius foetoris: Sed re penitus cognita, malefici rei sup-

plicio affecti sunt. Niceph. *lib. 14. hist. Ecclesiast. c. 18.*

QVÆSTIO VII.

Quæ Magorum potestas in corporis ac fortune bona?

NOS in hac quæst. sigillatim agemus à difficilioribus ad faciliora procedendo.

Magi greges & armenta possunt perimere, sparso, adfricato, vel aliter exhibitto veneno, à quo malo, & à quibus insidiis nec homines tutos & liberos esse edocēbimus. De hominibus à Magis lætis ita Peucerus *in de Diuinat. gener. tit. de incantat. φαρμακευτὰς*, (intellige Magos siue veneficos) inquit, vidimus, qui tormentis examinati, magnum recensēbant eorum numerum, quos læsissent, quorum aliquos excæcarant, aliquos mutilarant, alios ἰβὰς & γυβὰς, incuruos & gibbosos reddiderant. De armentis vitiatis & infectis ita refert idem ibidem. Nouimus pagos, in quibus multos annos ea, quæ ingressa fuerunt, vel egressa armenta perierant, nec fuisse pabula infecta, vel illud

illud certò indicabat, quod vicinorū pecora eodem vſa paſtu noxii nihil cōcepiffent. Sed faſcinum fuiſſe defoſſum ſub via publica, qua armenta agi paſtū conſueuerant, euentus poſtea oſtendit, cum eruto & ſublato faſcino, actus mutaretur. Et vſitatum eſſe, ait, veneficis certis anni temporib. & ſtatis horis exire, herbas ad certarum vocū pronunciationē euellere, colligere, aut alia ſuis artib. accommodata acquirere, ea opinione, q̄ ex iſtis verbis eam, qua iſtis opus eſt, virtutem contrahant. Nā iis poſtea aut ad remedia vtuntur, aut ſi noxium aliquid parant cibo potuue hominū iniectis, aut in pecorum pabula ſparſis, aut ſaltem collocatis eò cum faſcino, quā tranſeundum eſt, vel aliò mirificè lædunt & perimunt etiam animantia, quę ferè talib. deguſtatis, vel ſolo halitu attractis, vel tranſitu perſtrictis aut ſuperatis, è veſtigio inficiuntur, & aut ſtatim concidunt ac moriuntur, aut lenta conſumuntur tabe.

Egregium præterea *quæſtiones* ſiue veneficii exemp. habemus in facinoroſo illo carnifice perditè auaro, qui in Ducatu WÜRTEMBERGENSI non procul

à Tubinga, pascua veneno imbuisse fertur, quo sibi innumera pecorum cadauera attraxit & præparauit, in quæ postea in loco cadaueribus excoriandis desponsò fortem & egregium sese præstitit carnificem, idque in rem suam augendam. Ex pellibus enim lucrum percipiebat maxumum, Wier. *de Præst. Demon. libr. 4. c. ult.* & Nicol. Remigius *Demonolat. c. 6. & 7.* qui huius argumenti & sententiæ exempla multa annotauit, inter cætera hocce veneficii rarum addit exemplum, nec ab alio, vti ipse sibi persuadet, obseruatum. Fuxen *Eugel* & Catharina *Haffer* striges, quas vt maleficii societas coniunxerat, ita etiam vna flammis ex Iudicis sententia fuerunt absumptæ; hæ confesæ fuerunt, sepe sibi hoc negotium à Dæmone datum fuisse, cum grassaturæ veneno sese in alienas ædes intromitteret, vt designatos ad cædem, & ad interitum homines, collo, vel intestinis, quantum possent, comprehenderent, ac cohiberent; Tum Dæmonem præstò adfuisse, putidamque carunculam ex morticina aliqua pecude in os illis altè ingessisse, quod non aliter ac præsentissimum venenum

nenum illos statim necaret ac extinguere-
ret. Animaduertisne? vt malus Genius
hominibus ex sese non modò infestus sit,
insidias struat, perniciem mortemque
inferat, sed & sedulò hoc agat, vt suos ha-
beat ad cædes & damna quàm propen-
sissimos, paratissimos, illos instruat, iu-
uet, promoueat, nequitiamque coniu-
ctis viribus peragat, ac si quod moliat,ur,
haud solus efficere valeat; quod qui cre-
dit, stultè credit, & decipitur. Quid rei
igitur est? Credimus nos, Dæmonem su-
os in veneficiorum societatem sæpe ad-
sciscere, adiutoresque operis adhibere,
vt cum habeat eos scelerum socios, ha-
beat & pœnarum, omniaque agat in per-
niciem hominum. Quis enim est, qui ne-
sciat, eum nihil nostræ opis & auxilii in-
digere? cuius tanta est potentia, vt maior
non in terris, vt inquit Iob. c. 41. Potestati
Satanæ nulla est, quæ adæquari aut con-
ferri possit; qui si concedatur, nec obstat
Numen Magnum, momento in miran-
dam altitudinem montes excitare, eos-
demque in profundissimas voragines
deicere, fluuios sistere, vel etiam aduer-
sos agere, mare ipsum (si credere fas est

Apul. *lib. 1. de Asin. aur.* penitus exhaurire, cœlum deponere, terram suspendere, fontes durare, Manes sublimare, sydera extinguere, & vniuersam mundi huius seriem sursum deorsum vertere posset.

Huc gargara exemplorum apportare possemus, & adiungere non malè: sed sufficit nobis priora adiecisse. Lege Bodin. *Damon. lib. 2. cap. 4.* & Danæ. *Dialog. de Sortiar. cap. 3.* Godelman. *lib. 1. de venef. c. 7.* Nec te euoluere pigeat eum, quem congerere ad hanc rem facientia non piguit Andreæ Hondorff *in Promp. exemp. magno labore & diligentia Latio donato, aucto & illustrato à Philip. Lonicero, præcept. 2. pag. 165. & seq.* Multa leges transcripta ex Iacob Sprenger. *Mal. Malef. (eundem part. 2. q. 1. c. 74.)* ita transcripta, ut animus scribentis languore & horrore infecerint.

Id supra modum formidabile est, & deploratu dignissimum, quod maximè misellis pueillis tam baptizatis, quàm non baptizatis insidientur, quos miserè & crudeliter enecant, deuorant, & ad vsus diabolicos adhibent, in maleficiis suis iis abutentes; ita exigente & efflagitante Diabolo, qui ab initio mendax, carnifex,
&

& homicida est, sanguinis humani admodum sitiens. Nec mirum, cum genus humanum genuino, veteri & immedicabili prorsus prosequatur odio, ut malit & exoptet, totum ut pessumeat, & pereat funditus quàm vno momento ut tutum ac totum fiet atque consistat.

Neque noua aut inaudita isthæc est in homines Satanæ laniena & crudelitas, sed habent veterum historiæ, tum sacræ, tum prophætæ, plura de ea re documenta. Familia Iob ut miserè ruina oppressa? Saræ Raguelis filiæ sponsi VII. an non miserrimè, derepentè & seriatim interempti? *Tob. c. 3. v. 8. & 9.* à carnificè interempti, quæ Sac. literæ clamât leonis famelici & rugientis instar obambulare, cursitare atq; oberrare, nulla non terrarum loca, dū offendat, in quem virus suū effundat. De sæuo & immani hoc Dæmone Leu. Lem. ita scribit; eū latenter sese immiscere alimentis, humorib. spiritib. auræ & aeri, quæ intra corpus cōcipimus, quo spiramus, multaq; alia, q̄ nobis vsui sunt, & valetudinē conseruāt, deprauare & vitare. Marc. apud *Psellū*, Dæmonē, ait, sæpè igni ac præcipitio homines perdere, imò nauigia

uigia viris onusta vndis obruere ac funditus submergere. Porro quem latet, Dæmones cultores suos omni ætate ad fundendum sanguinem sollicitasse, & cædibus humanis contaminasse, & ad immolandos homines impulisse? Psalm. 105. v. 37. & 38. *Immolauerunt filios suos & filias suas Dæmoniis, & effuderunt sanguinem innocentem filiorum & filiarum, sacrificantes sculptilibus Canaan.* Psalmista ait: filiorum & filiarum sanguinem effuderunt, id est, sanguinem effuderunt proprium, non alienum & peregrinum, quod eò est horribilius & execrabilius. Quis enim proprio sanguini, aut ex eo natis, non parceret? Ex lib. 4. Reg. 6. 23. v. 10. & Ierem. 32. v. 35. Leuit. 18. v. 21. aliisque locis script. sac. colligi potest, quod idolo Moloch pueros immolauerint (quæ immanitas sacrificandi etiam populo Dei, *Ier. d. loc. & Act. 7. v. 43.* exprobratur) eos supposito igne torrebant, comburebant, Diabolo quasi assum frustum litantes, qui eo carnis nidore plurimum afficitur, & libenter nutritur. Ad eundem modum, inquit Elias Leuita, fiebant Teraphim imagines futura annunciantes: Mactabant hominem

nem primogenitum , cuius caput torquendo auclebant , auulsum sale & aromatibus condiebant , scribebantque super laminam auream nomen Spiritus mundi , quam capiti supponebant , incensis dein candelis coram illo adorantes , cum hisce loquutus fuit Laban.

Haud minora facinora facinorosi fraterculi Neapolitani designasse videntur , de quibus ex Iohan. Gennadio , Richard: Argentinus Anglus *de Damon. præstig. c. 6.* hanc flebilem abominandamq; crudelitatis adscribit historiam. Tempore Ludouici Bauari Imperatoris in contēptum religionis Christianæ , fratres Neapolitani , dissidentib. Papis , flagitiosam quandam , simul & turpissimam excogitabant sectam. Nam conuenientib. in antris locisq; abditis , quos in eam turpitudinem allexerant , viris atq; fœminis , Sacerdotes , qui inter ipsos habebantur , vt crimen honestate prætexerent , diuinas laudes Christiano more præcipiebant , quibus intempesta nocte peractis , Sacerdos pro concione quædam præfatus , ad confirmandos in nefario errore animos , in eo maximè erat occupatus , suis incla-

man-

mando, colendam esse ante omnia caritatem. Esse enim eam omnium virtutum quasi caput, testib. sacris elogiis, & eandē potissimum inter homines, auctore Deo, conciliari, & à Spiritu sancto foueri, si vtriusque sexus, masculus & fœmina venero complexu libenter iungerent, & libidinem explerent mutuam. His commoti & instigati viri fortiter ac tauricè lasciuientes fœminas subagitabant, extinctis candelis rem fœdissimam peragentes, qua peracta, se sacra, si sacra dicenda sunt, peregisse dicebant; docentes etiam publice, plus quam impie: Non hoc esse Christi Testamentum, *Pacem meam do vobis, pacem meam relinquo vobis: sed* *et Crescite & multiplicamini, & replete terrā.*

Ex nefario verò isto congressu si quæ conceperat, deportari ad se partū Sacerdotes iuebant, isti dein solemniter & pomposè in loco sacrificiis dicato convenientes, infantulū subiectum igni in cineres adigebant, quos vrna exceptos ceu rem sacram reponebāt, vt si quis in eorū numerū cooptandus cinerib. cū vino epotis initiaretur. Cæterū defuncto eorū Pontifice maximo, vt omnis abesse videretur

retur inuidia, & res nō humano, sed diuino consilio agi, in demortui locum surrogandi aliū modū seruabant, ex illo flagitioso coitu susceptū infantē, ad locum scelerib. destinatū iussū mater haud inuita deportabat, deportatū cōpressis manib. mordicus tenebāt, in orbē ac gyrum trahentes, vsq; efflaret animulam in publicetu. Hæc gesta sunt sub Ægydio Episc. Rom. apud Neapolim, & à nobis ideò recitantur, vt intelligamus Diabolū humani generis hostem esse acerrimum & truculentissimum, qui omni etate flagrantissimo odio nos prosequutus, mactationes hominū studiosissimè efflagitauit, cū cædib. & sanguine impensius delectetur & gaudeat; tū quia illudere vult filio Dei, qui carne humana indutus obtulit sese Deo Patri pro peccatis nostris. Sed ne obliuiscamur, quæ cum primis dicta volumus, Iuliani Imperatoris scelera, ac Magica sacrificia, admodum horribilia, is postquam Christum abnegasset, & Demoniacis vacasset rebus, crudelissimo animo eū Magica tractasse, animaduersum est. Nā eo defūcto, corpora & capita multa interfectorū hominū in cistis & puteis, locisq;

locisque secretioribus Imperatoriæ Au-
læ Antiochiensis inuenta fuerunt, quos
sua manu mactarat, & propriis digitis la-
cerarat ad vsus diabolicos. Niceph. *libr.*
10. Ecclesiast. hist. c. 36. Socrat. *lib. 6. histor. tri-*
partit. c. ult. Richard. *de præst. Damon. c. 16.*
Similia sunt & detestanda magis, quæ
contigisse audiuius patrum nostrorum
memoria, in Huketan siue Noua Hispa-
nia, vbi in populosa & ampla Ciuitate
Temixtitan Diis suis annuatim vltra
20000. puellorum, puellarumq; corda sa-
crificare soliti fuerunt. Laurentius Surius
ex Archiuis Carol. Cæsar. inter alia etiam re-
censet, dictu & cogitatu, quod eque est
horrendum, 1000. homines, vno plerum-
que die, idolis fuisse immolatos in Ciui-
tate Mexicana; Quæ nunc per gratiam
Dei disiecta & exturbata sunt, Dæmo-
niisq; silentium impositum, vt credamus
nullibi hodiè eiusmodi mactationes in v-
su esse, & in Orchestra fieri. Fuerunt ta-
men & adhuc sunt, vt vsitata strigibus, a-
liisq; sordibus Satanicis inquinatis, ita
gratissimæ, quibus ad suam & ad Satanæ
libidinem, violentas manus crudelissimè
sanguine innocenti cruentatas contami-
nant;

nant; Nicol. Iaquerius *in flagel. haret fascinar. cap. 15.* testatur, sua ætate in Gallus deprehensum fuisse Cacomagum, eumque Baronem, qui clam & furtim iugularat, ac diabolico prorsus animo suis vnguibus discerpserat X X. puerulos in hoc, vt ex sanguine cæsorū librum quendam in obsequium Dæmonum conscriberet, in scelere deprehensum publicè pœnam tanto scelere dignam; scelus illud persoluit.

Sed eo illi scelere non soli cruentati & contaminati reperiuntur, vide quid narret Spreng. *in Mal. Malef.* in Diœcesi Basilienfi, in oppido Dan, obstetricem & veneficam, ait, fuisse flammis absumptā, & in cineres redactam, quod inter alia facinora, vltra 40. infantulos recentes ex vtero prodeuntes, acu clam per verticem cerebello immissa, iuxta spontaneam eius confessionem, enecarat, Dæmoniorumque principi litarat; digna profectò, quæ vna cum altera, quæ in Argentinensi Diœcesi deprehensa, æternis flammis destinanda veniat. Sic hodiernæ striges & veneficæ quàm plurimos solent interimere infantulos, ad miscenda parandaq;

venena, & ad damna inferenda rebus nostris: cuius generis esse potest exemplum oblatum Nicol. Remigio; Molitori erat infans anniculus, præcipuæ eius delitiæ, hunc tres Lamia cunis deductum in ardentem deponebant ro- gum, quem ipsæ ea causa in perarduo monte extruxerant, exusti cineres stu- diosè colligebant, tum rore, ex segetum aristis graminumque summis herbis, ex- cusso perfundebant, atq; massam ubique friabilem concinnabant, adspargendis sc. vitibus, fatis atq; arboribus, quo statim læso flore, perirent, fructibusq; suis defi- cerent. Aliæ sunt, quæ deuorant infantes, omnes omnis crudelitatis transgreden- tes terminos, cum in eam sequant ætatē, quæ etiam feras mites interdum inueni- at; corda eorum eximunt, in cibum pe- culiarem diabolicis ritib. consecratum, quib. deglutitis & absorptis, tum quando in manus Magistratus & torquentium deueniant, veritatem se fateri & effari nō posse, stultissimè à Dæmone persuasæ ex animo credunt. Hæc & similia documēta luculentissima sunt, ex quib. discimus, q̃ Diabolus tam mirus & avarus sit mortis & in-

& interitus desiderator, quàm est Deus
vitæ & essentiæ amator. Hæc verò imma-
nitas cœpisse nobis videtur à Simone Ma-
go, vt narrat Clemens *de reb. gestis Petri*.
qui perperam intellexerat illud Ioh. c. 6.
*Nisi comederitis carnem Filii hominis, & bi-
beritis ipsius sanguinē, nō habetis vitā in vobis.*

Sed pluribus hæc persequi, planè iam
nostri non est instituti, satis est nobis car-
ptim hæc lectori p̄posuisse, & leuiter ad-
umbrasse, fusiùs de hisce dicendū erit in
libello nostro, cui tit. fecimus **NEGOTI-
VM DÆMONIACVM**; vbi causā mon-
stranda, quare Diabolus infantib. sacro-
sancti baptismi caractere nondum infi-
gnitis præ cæteris insidietur, eosq; infe-
stet, maleficarum vtens opera; & quam
obrem Maleficis, inter animantia, homi-
num semper sit præcipua cædes, atq; in-
ter homines infantium, eorumq;, quos e-
tatis innocentia atq; integritas maximè
commendat, longè gratissima: & reme-
dia siue amuleta contra Satanicas insidi-
as & impetus commonstranda, commu-
nicanda erunt, quibus suos pii parentes
pios præmuniant filiolos; Hos interim
Dei custodiæ & præsidio tradant & eom-

mendent, quo destituti periclitabuntur, quo stipati, ne hilum Dæmon cum vniuersis suis organis ipsis nocebit. Plura & innumera exempla ex elogiis Sagarum petita lectu admodum horrenda, legenda sunt apud Nicol. Remig. *lib. 2. Dæmonolat. cap. 8.* & Rudolph. Widman. *in Hist. Faust. part. 1. c. 42.*

Solent etiam Lamiæ nonnunquam vel solo afflatu, vel visu instar Basilisci mortem hominibus inferre, vt illa Diaboli seruula, de qua Sprenger. & Caspar *Goltwurm de Mirac. Diabolic. part. ult.* iam super lignorum struem ligata, quæ in carnificis vultum sufflauit, ex quo carnifex protinus extinctus conciderat; pari modo & alterum ad se venientem repulit. Tertius alienis periculis cautior, cum diligentius sibi caueret, sic tamen eius halitu fuit læsus, vt postquam tota ipsius facies intumuisset, hinc etiam luminibus orbatus in eum incideret morbum, qui vitam illi non multò post cruciabiliter abrumperet: Vel v i s v, vt populi illi veneficiis non leuiter imbuti, in Triballis & Illyriis, visu interimentes eos in primis, in quos iratos suos conuertunt vultus:

tus. Eiusdem potentia & generis sunt
Vitæ (aliis Bithiæ) fœminæ Scythicæ.
Nec expers beneficii huius fuit famosissi-
ma illa venefica & fascinatricis Eriphia,
quæ animal aliquod inspiciens præsens
ei per adspæctum adferebat venenum &
malum ineuitabile, vnde adagium or-
tum, Anus Eriphus, in mulierem excan-
tatricem. Vid. Eras. in *Chiliad. 2. cent. 8.*

Sunt quæ lædunt leui contactu ma-
num, & tum toxicum & vnguen sub vn-
guinibus plerumque occultant, & clam
adfricant; vel virgularum, quas medica-
tas, vel etiam vnguine, aut re quapiam a-
lia perniciali illitas sæpius gestant, per
occasionem abigendi pecoris, his ceu io-
co sæpè obuios feriunt homines, quos
perditos volunt, tum etiam pecudes, nec
quidem irritò & innoxio tactu, vt nobis
testatum reliquerunt striges quàm pluri-
mæ, plurimis in locis capitis damnatæ,
ex quarum numero sunt, quæ in Amæne-
burgensium iam ante aliquot annos di-
ceceſi, & quæ apud Fritzlarienses incine-
ratæ fuerunt. Talem à se Patauii viſam
scribit Cardanus, quæ puerulum eneca-
bat illicò, dum leuiter ferula illius dor-
sum contingeret.

Aliæ lædunt vnus atque alterius ver-
 buli prolatione. Bodinus à se visam esse
 sagam ait, quæ vnico verbo homines è vi-
 ta tollebat. Quo a. pacto id fiet? recondi-
 tam quandā administri Dæmonis operā
 in hoc agnoscamus subtilitatē suā inter-
 ponentis, is quicquid sic prodigiosè La-
 miæ efficiunt, illud totū sibi Dæmon vi
 aliqua occulta asserit. Aliæ perniciem &
 necē inferunt laudando: & hoc Dæmonis
 interuentu & latenti ministerio fieri verū
 est. Huc pertinet, q. Gell. *lib. 9. noct. Attic. c.*
4. scripto prodidit, quodq; in Plinio *Nat.*
hist. lib. 7. cap. 2. Wier. *libr. 3. de Prestig. Dæ-*
mon. cap. 35. & Baptist. Porta *Mag. nat. lib.*
8. cap. 14. Solin. *cap. 6.* & aliis, de quibus-
 dam in Africa familiis voce & lingua cō-
 fascinantibus legitur; quæ si unpensius
 fortè laudauerint pulchras arbores, se-
 getes lætiores, infantes venustiores, e-
 gregios equos, pecudes pastu ac cultu
 opimas, emoriantur repentē. Plin. & post
 hunc Wierus, & Ananias *de Nat. Dam.*
 hanc ipsis ingenitam proprietatē esse cō-
 tendunt, qualis erat in gemellis, de quib.
 Albert. *lib. 3. de Mot. animal.* quorū alteri
 latus erat, tactui cuius claustra & portæ
 pate-

patebant omnes, alterius è diuerso repentè claudebat, quæ aperiebantur. Sed falluntur, cum non animaduertant effascinationes istas arcano & latèti Dæmonis interuentu & opera perfici. Æqualem n. & eandem ferè effascinādi energiam nostris etiam mulierculis Dæmonis pedissequis inesse, experientia edocet, & multa eorū, qui fascino perierūt, testant' exēpla.

Possunt èt mala arte corporib. hominum occultè indere & subtiliter ingerere ac intrudere testas, carbones, stuparum ac capillorū glomos, scruta, vitrorū fragmenta, gladiorū, cultrorumq; mucrones, lacertorum ac bufonum exuias, atq; alias id genus quisquillas, quas postea homines inter maximos cruciatus, aut per vomitū eiiciunt, aut sæpè èt facto vulnere expellunt & eximūt, aut nisi eximant, miserabiliter exiis pereūt. Hæc tanq̃ noua, inaudita ac incredibilia multis videri certum est, licet veterib. etiam cognita & probata fuerint, quod vel illud Ouidii indicat, sic de Medea canentis.

Et miserum tenues in iecur vrget acus. (Klein Sie (die Zaubrin) kan die Nadeln groß vund Tieff zaubern in die Leber hinein.

Sed considerent increduli isti, cum natura hæc & similia, siue ingenerata, siue immissa sua sponte proferat, nihil extra cancellos, quos ipsa sibi circumdedit, euagata, quid Dæmones facturi sint, præsertim ubi se ad explendam, quæ illis innata atque insita est, nocendi libidinem se totos parant ac deuouent, quorum ope & auxilio striges vtentes illa operantur. In confesso est, quod multa naturæ vitio in homine gignantur, vt lumbrici in ventriculo, calculi in renibus, lapilli in articulis, in lotio venereo morbi infectorum bestiolæ formicis similes. Lemnius vir eruditissimus *in de Occult. natur. mirac.* à se obseruatum scribit, quod ex sordidis & fædis vlceribus ac vomicis, vnguium, pilorum, testarum, ossiculorum, lapidum fragmenta sæpè exempta ac eruta fuerint. Non pauca huius materiæ & propria & certa apportare possemus documenta. Sed cum animum ad alia adiecerimus, stylum cohibebimus, ac calamum truncabimus, diligens Lector ea peter ex Dæmonolatria Remig. qui acutè & ingeniosè rem præsentem tractat *lib. 3. c. 1. & Ananiam de Nat. Dæmon. lib. 4.*

pag. 193. Pet. Binsfeld. *Commentar. tit. C. de Malef. & Math. quæst. 7.* Adolph. Scribon. *de Nat. sag. pag. 48. & seq.* Reinhard. Lutz Erytropolitanum *in tract. Rerum olim novarum.* de strigibus Anno 1570. Schledstadii Vulcano oblatis, & Iacob. Ballicke *Von Hexen vnd Unholden. cap. 4.* Rudol. Widman *in hist. Faust. part. 1. c. 42.* in consilium adhibeat.

Vnicum non malè subnectere, sine molestia, amamus, quod suppeditat Langius vir Medicus, cuius laudata est auctoritas *in Epist. Medicinal. Epist. 42.* Oppidum est, inquit, in Germania, Wirich lingua patria vocant, in eo agricolam quendam latentes & occulti quidam corporis dolores sic diuexabant, ut præ impatientia ipse sibi sua manu iugulum feriret. Nam & de viui interiore cute, clauus ferreus, ante detractus, non sine maximo eius cruciatu fuerat. Medici igitur cupidi perspicierendę cognoscendęque tam insolentis morbi causę, mortui viscera per vulnus patefecerunt, in iis, præsentibus omnibus qui adesse voluerunt oppidanis, repertum bacillum. IV. è chalybe cultelli, ferramenta alia duo,

& lanuginis ac capillorum pila satis magna. Quandoquidem igitur hæc, placet loqui cum Remigio, sic sensib. veri nunciis participantur, absurdè & pertinaciter facere videntur ἀπισῦντες, qui rei difficultatem pro mendacio recipiunt, quasi quod inauditum sit, aut difficile, illud illicò ἀδύνατον ἢ ἀμήχανον habendum sit, ac non potius conueniat, vnumquodq; ex se atq; vti re ipsa est censere, quàm per affectatam incredulitatem in dubium incertumque adducere. (*Strum est.*)

Nosse & posse Magi est, sed factum credere no-

Possunt insuper vicinorum vaccas lacte priuare, id supprimendo, exiccando, transferendo, supprimunt data herbula aliqua inter pastum, quæ naturaliter lactis fluxum sistere potest. Factu illud vetulis istis est facillimū, vt quæ vires herbarum & radicum sæpè melius & exactius nouerint, quàm Med. Doctores. Res etiam vel ob id fidem meretur, quoniam nonnunquam lactis fluxus ex aliqua infirmitate impeditur; interdum etiam à natura, vt post conceptum foetum, vt in foemina sanguis menstruus, ita lac in vacca. Natura igitur cum possit, quominus

minus saga possit, non videmus. Atque
ut in vacca lac minuunt, diducunt, ita &
in mulieribus, limini ædium subiicien-
tes herbulas, quas ipsæ conquirunt, aut
à Dæmone donatas habent. Sic legimus,
Lamiam natura vitiosam & valdè depra-
uatam, vicini sui ædium limini acce-
ptam à Dæmone herbulam subdidisse,
quod postea, ut vxor domina ædium est
supergressa, prorsus ei lac omne in mam-
mis exaruit, ex qua penuria postmodum
infans, quem tum lactabat, interiit, quod
pessima saga maximè in votis habebat &
enixè volebat. Aliæ eiusdem malæ na-
tionis mulierculæ lac suffurari solent, vn-
de cognominantur German. nost. *Mol-
kenzaubrin oder Milchdiebin*. Talis Augu-
stæ Treuirorum Vulcano solemniter cõ-
secrata fuit, quæ in domus suæ pariete,
impacto epistomio, lac omne alienum
vaccarum vicinarum eliciebat: Dæmon
interim lac emulgebat, ac celerrimè
trāsportabat. Sunt quædã in Germania,
quæ è iuncis, cultris, securibus, frameis,
parietibus aut columnis infixis, lac e-
mulgent, his ut illi Treuirensi Dæmon
lac asportat & affundit, idque adeò
subti-

subtiliter, vt putent delusæ ac dementatæ Lamix, se ex rebus illis raris, aridis & exuccis emulgere. De lacte furtiuo vide Libell. German. Dn. Iacob. L. Baronis in *Lichtenberg*. cui tit. *Hexenbüchlein/ vonden vornehmsten Puncten der Zauberey*. De *principis maleficii articulis*. pag. 37. & Spreng. *Mal. Malef. part. 2. quest. 1. c. 14*. Item Ludouic. Milichium in *Zauberteuffel/ Demone Magico. c. 20*. Lactem nunc probè madidi, ad fruges nos conferamus. Sed hem! ouorum non obliuiscamur.

Possunt etiam parere & ponere oua. Nouimus nos & vidimus rusticā degente Strigum, quæ singulis diebus, si modò lubebat, pariebat oua, nidulo incubans, quem ex stramine & iuncis confectum in modum nidulorum gallinis nostris, quos subdimus, in camera sua sepositum habebat, ita κοκκύζειν, vt solent gallinæ parturientes, post surgens de nido, sua colligebat oua, sed ultra l X. nunquam. Num è posterioribus eius delapsa fuerint, ignoramus; crediderimus, si eadem prius acerrimo aceto per triduum macerata, ab ea absorpta; verùm putandum, quod mediante præstigiatore tartareo aliundè allata

lata & supposita fuerint. Hoc de ouis, à nemine, quod scimus, prius fuit obseruatum, quia rarum, & non nisi pinguioribus quibusdam Sagis concessum.

Nunc de frugibus. Magicarum artium periti possunt fructus prouentusque alienos pellicere, & aliò traducere, vt narrant multi; nec mirum! cum id solo motu locali perficiatur à Dæmone. Non alienum à ratione autumamus esse, si dicamus hoc Dardani Magi vetustum esse inuentum; siquidem Scriptores censent, à Dardano vocatos Dardanarios, annonæ flagellatores, quod vel crediti, vel infimulati Magicis artibus alienos aceruos in sua horrea traducere; & vetustum esse libenter fatemur; meminit enim eius Virg. Eclog. 8.

Atq; satas aliò vidi traducere messes.

Lege quoque XII. Tab. pœnam in veneficos & frugum excantatores esse constitutam, legimus. Sic illa:

Qui fruges excantassit, pœnas dato.

Et:

Ne alienam segetem pellexeris excantando.

Ne incantanto, ne agrum defruganto.

Meminit etiam huius incantamenti

Plin.

Plin. lib. 17. cap. 25. & alibi narrat id accidisse in agro Marrucino. Hac in arte diabolica excelluerunt Stadlinus & Hoppe Germaniæ Magi, de quibus Spreng. in *Mal. malef.*

Facilius ipsis erit, quaslibet fruges terræque fructus perdere, & agris sterilitatem inducere, quando malo carmine Dæmonem accersunt, ille fruges & anni prouentum mox perdit, aut variarum specierum bestiolas in sata immittit, quæ ea momento populentur ac absumant; hoc testatum ac clarum faciunt exempla congesta à plurimis plurima. Varro *lib. 3. de Fascin. cap. 1.* Binsfeld. Remig. & aliis. Fatebatur Alexia Viola venefica, se solitam in aerem minutum puluisculum spargere, in eum vltimum à Dæmone suo Magistello sibi concessum, ut crucæ, bruchi, locustæ, gurguliones, mures, ratti & similes pestes factorum adeo densæ nascerentur, ut iis agri illico vndiquaque contaminarentur. Et aliæ innumeræ eiusdem farinae striges memorant, se simili facto ingentem murium copiam non semel in agris excitasse, qui illico in terram sese abderent, corro dendis ortarum frugum germi-

germinibus. Remig. *lib. 1. Damonolat. c. 21.*
 Bestiolas tales non solum ruri ad perden-
 das segetes immittere possunt, sed & vr-
 bibus procurare, & certis ædibus impor-
 rare, ad diuexandos & exagitandos ho-
 mines, quemadmodum venefica illa in
 oppido *Kirchoffen* vno distanti milliarià
 Friburgo Briscaudiæ exusta, quod cum
 haberet legitimum maritum, surreptitio
 tamen turpi ac fœdo amore capta, 18. an.
 actum carnalem cum Diabolo tanquam
 marito exercuisset, inter alia crimina li-
 benter confessâ est, se per riualem suum
 aliquot modios pulicum comportasse, &
 ædibus Friburgi immisisse.

Magi & Lamia possunt igne domos p-
 dere, hoc loco, quoniã incidimus in ser-
 monẽ, qui exustiones cõtinet à Dæmone
 p Magos immissas, iuuat & hac de re ex-
 empla pauca adiungere, ex quib. magis
 rei veritas elucescat, licet haud credamus
 hic ἀπιστία reperiri, cum sciamus & ha-
 beamus etiam hac tempestate homines,
 nulla arte Magica imbutos, excitando-
 rum incēdiorum peritissimos. Ex multis
 vnum sit, quod recitat Nicol. Remig.
lib.

lib. 2. Dæmonolat. cap. 13. Ex Epistol. famil. Eraſm. Roterod. de oppido in Heluetia, nomine *Schiltach* / quod à Saga concrematum fuit, qua cum Dæmon ſpurcus amator 14. an. conſuetudinem habuerat, hanc ipſe cum ſuſtuliffet in aerem, impoſuit eam fumarii faſtigio, tradens ei ollã, iuſſit vt inuerteret, inuertit, intra horam totum oppidum ſic incendit, vt nulla aqua extinguentæ flammæ ſatis eſſe poſſet, quin totum exuſtum & incendio conſumptum. Huic affinia vid. *citat. loc.* quæ auctor ex iudiciariis confeſſionibus Sagarum obſeruauit, & Gilbert. *cognat. in Sylua* narrat. *lib. 8. pag. 563.*

Poſſunt alterius famæ nocere multis modis, dæmoniâcis præſtigiis, vt Ceno- manenſis ille Triſcalinus, qui dixit, Parochum geſtare ſub brachio chartarum luſoriarum manipulum, pro breuiario, quod & ipſi parochus perſuadens, fecit, vt rubore & pudore ſuffuſus, libellum abii- ceret, Bodin. *lib. 3. Dæmonom. c. 3.*

Famam alterius denigrare poſſunt, peccata occulta reuelando, vt ſolent E- nergumeni, vel falſò inſimulando. Ex- emp. vid. *in Chron.* Sigisbert. & Vincent.

Spec.

Spec. histor. lib. 25. c. 37. Domestica, præsentia, & recentiora adferre possemus, sed sunt odiosa.

Possunt exhibere conuiuia vel phantastica planè, qualia arbitramur fuisse Paſetis apud Suidam, de quo sup. *quæst. 5.* Hoc modo superioribus annis conuiuium præmonstrabat Scotus, ex cuius epulis saturiet sibi visi conuiuæ, mox fame vera cruciabantur. Similia multa exhibuit, instruxit & instituit Iohan. Faustus: Ve exhibere cōuiuia ex cibis veris; quos cum Dæmon præbet Sagis, in nocturnis comeſtationibus, vt plurimum sunt ex morticinarum pecudum carnibus, rebusque aliis, quas homines habent pro derelictis, suntque adeò mali gustus, odoris tetri, vt vix sint vescendo: similes vt habeant labra lactucas. Nonnunquam tamen spurcus conuiuator Dæmon suaves ac liberales cibos apponit surreptitios & alibi ablatos, sicut & potum è vasis vinariis, vid. L. Baron. de *Lichtenberg im Hexenbüchlein. pag. 15.* Sed rarissimè. Diuina enim iustitia rarò id permittit, ne gumiis hæc sit ad inescandum efficax illecebra. Sal vt plurimum deest, sæpè pa-

nis, quare desint, ignoramus. Attamen non dubitamus, si Deus sinat & ipse velit, posse eum salem & panem, atq; adeò delicatos, exquisitos & electiles cibos apponere & suppeditare, ut non rarò suppeditavit excellentibus suis cultoribus, quos ipsi verbulo prolato in promptu habent. Ita Iohann. Faustus, Christophor. Wagner, Iohan. Theutonicus, Trithem. Abbas, & Herolffus quidam Abbas, Anton. Morus sepius soliti fuerunt cum Dæmone accumbere, genialiter vivere, cœnasque dapiles celebrare. Vid. Rudolph. Widman. *in Hist. Faust. part. 1. c. 13. & alibi.*

Deo conniunte & permittente possunt captiuos carceribus & vinculis eripere, liberare & transferre. Nec mirum! cum id sola disruptione fiat. Huius rei narratio extat de Lupoldo Duce Austriæ, lectu dignissima in Chron. Hirsaug. Trithemii, & in Widm. *Hist. Faust. part. 2. c. 12.*

Nec dubitamus, posse Magos per artē seu potius *μαγοτεχνίαν* Magices (Dei permissu, cuius in manu est victoria) in præliis victoriam largiri, aut etiam reportare,
quam

quam arte Magica instructi sæpè repò-
tarunt, & vrbes obsidione liberare, & ex-
pugnâdas præbere. Legimus in historio-
graphis Ollerû arte Magica apud Suecos
adeò clarû euasisse, vt diuinitatis opinio-
nē assequutus fuerit. Et Zoroastrē artibus
Magicis stipatû, in præliis semper victo-
rem extitisse, vt inde folium apud Ba-
ctrianos conscenderit, & in Regem ele-
ctus fuerit. Saxo Grammat. de Oddo-
ne Danico pirata *lib. 5.* in hunc modum
scribit: Oddo absque carina altum per-
errans, hostilia sæpè nauigia concitatis
carmine procellis euertit, negotiatori-
bus infestus, clemens agrestibus; inito
cum Normannis conflictu, ita vi carmi-
num hostium hebetauit aspectum, vt
districtos Danorum enses eminus ia-
cerer radios putarent, cominus verò ne
ferrum quidem vagina extractum visu
excipere possent, victa quippe fulgore a-
cies, præstigiôsæ coruscationis impatiens
erat. His consimilia sunt quæ narrantur
ab Olao, de Haquino Noruego, & Biar-
mensib. Huc refer historiam de signife-
ro in vexilli cuspide formidabile gestan-
te caput, idque ad fumum ac nebulam

quatiente; ex quo innumeri tui Poloni. Legimus etiam Nectanebum Regem & Magum certo modo & magico artificio cereas confecisse imagunculas, quas cum ipse postea immergeret aquis, certa præfatione adhibita, hostium naues in mari similiter merfas & periclitatas, Agrippa *libr. 2. Occult. Philosoph. cap. 49.* & Widman. *in hist. Faust. part. 2. c. 15.*

Ceterum dubium nobis nullum est, posse fieri illicitis artibus, ut Magi ad summa euehantur fastigia. Mirum est, quot & quanti producantur Pontifices, qui malis artibus ad Apostolicum culminis apicem ascendisse feruntur. Vid. Platin. Nauclet. Balaam, & lege eos cum iudicio ac pio piæ mentis affectu. Talia enim & tanta sunt monstrosa que eorum de multis mendacia, ut nobis ea hic recensere sit religio.

Quod de dignitate & honorum amplitudine, idem est nobis iudicium de diuitiis & thesauris, quos arte Satânica Magos conquirere posse, in confesso est. Ast non nisi rarissimè. Et licet Dæmones defossorum sint custodes thesaurorum, & diuitias in mari submersas asseruent,
auri,

auri, argenti fodinas teneant, vnionum & gemmarum latibulis præsent, ex quibus, quæ vellent, sumere possent. Quid? quod longè astutius ac subtilius ex scriniis & sacciperiis, quàm quis mortalium nummos subducere possent; id crumenisecis & furunculis factu cum sit facile, cur Dæmonibus subdifficile? Ipsi tamen nihil vnquam eorum depromunt, quò aliquam liberalitatem & magnificentiam erga suos comprovent & declarent, quam sæpè vanè & mendaciter apud suos iactant. Idque parsimoniæ, aut rei retinendæ, cuius alioquin nihil indigent, studio ab eis fieri, stultum est credere. Sed potiùs, ita esse mortalibus immensa Dei bonitate ac prouidentia consultum, ne si veras illi elargirentur opes, nullius iam tuta esset à tantis illecebris integritas, semelque comparatæ, ad omnem nequitiam flagitiumq; materiam suppeditarent, vt Thales ait, illas *φάρμακα ἔχειν εἰς κακίαν μύρια*. Hinc fit, vt Lamia nunquam veros à Martinellis capiant nummulos: sed si ipsis pecunias conferunt, pecuniæ non sunt, nisi secundum apparentiam, quæ postmodum sublati præ-

stigiis, fimus, limus, testæ, folia, scruta, stercora, & aliæ id genus quisquiliæ esse reperiuntur, vt testantur ipsæ Striges. De fraude hac malorum Geniorum conqueri videtur Psellus *libr. de Dæmonibus*. Dæmonia, inquit, nobis diuitias promittunt; nihil tamē ex se tradere possunt, sed visu tm̄ quædam inania & instabilia suis cultorib. offerunt, id si Psell. de eo, q̄ facere Dæmones solent, intelligit, verū loquitur, si de eo q̄ possunt falsum & mendax. Imo Dæmones pro libidine homines ditare si possent, quem mortalium sibi non adstrictū & obstrictū redderent: hac nostra præsertim tēpestare, vbi auaritia miris modis dominatur, quis ipsis non obtemperaret? obsecundaret? Nouimus nos iuuenes quosdam, nobiles & ignobiles, in eo qui erant animo, vt propter τὰ χέρματα, & solum aurum Dæmonum ad voluntatem omnia se facturos iurarent. Sed hi omnium sunt pessimi! Hoc animo multi ad Dæmonolatram sæpius adiguntur, capiuntur, in exitium & interitum abducuntur, illi maximē, qui à certa fide deuiarunt, Dæmonis esca illecti, thesauris inhiantes, quos sibi à Dæmone præmonstra-

stratos cum animæ & corporis periculo
 eruere conantur. Rei Hist. vid. in Nicol.
 Remig. Dæmonolat. c. 4. Bodin. Dæmon.
 lib. 3. c. 3. Widm. in Hist. Faust. part. 2. c. 9. à
 quo nisi in *πέντε ἀγγέλων* fueris mutatus
 sine risu non discedes. Innumere sunt,
 quas consultò omittimus, ne plus iusto
 simus longiores. Vnicum tamen subii-
 ciemus exemplum admiratione non in-
 dignū, & dignū maximè admiratione no-
 stra, q̃ Marian. Bubo lib. de Auarit. nobis
 suppeditat, de Ciue quodam radicitus
 nequitioso, & prorsus auaritia corrupto,
 ex Thuringia oriundo, is cū insana pecu-
 niæ libidine pruriret, adeo vt dies no-
 ctesq; hoc vnicè mēte versaret, qua arte,
 quaue fraude, auri, argētine grandē sum-
 mā requireret, & opulefieret, tandē ei no-
 cte quadā pressius & intenti⁹ in id cogitātū
 Dæmon ad speciē vicini nō pridē defun-
 cti apparet, seq; spiritū defuncti esse fate⁹,
 & ob id ex orco emissū, vt impotētiori e-
 ius desiderio leuamē adferret, ac animo
 pecuniarū p̃cupido & auaro bene cōsule-
 ret; addens consultū eo modo ipsi fore, si
 clā omnib. domest. benemane surgat, nō
 inuocato nom. Iesu in locū cōdict. exeat,

ibique cryptam ingrediatur. Ecce tibi, quid sit? Avarus ille homo non aliter quàm canis famelicus carnibus inhians, ipte pecuniis, prædictis obtemperans excurrit, cryptam sibi ad apertam inuenit, eam ingreditur, sed ad finem antrivix progressus, videt arculam auro rutilanti repletam, cui incubabat canis ater, atroxq; *Cerberus*, quasi hominem laceraturus, aditumq; ipsi propiùs intercludebat. Ex eo cum se in cassum laborare animaduerneret miser ille, egressus cum dolore, & vacuus domum rediens, altero die æstro correptus fuit, ita vt postquam filiam suam subnigram, natu iuniorem insignis procacitatis puellam, cum furioso patre ludere & iocari volentem, ad mortem diuerberasset, & ipse mox animam suam in furore efflaret. Quo exemplo discant alii abstinere se aberuendis thesauris, & de per fas nefasq; corradendis bonis, ne in diuina & humana psephismata delinquentes infernali Cerbero deuorandi, iustissimi Dei iudicio, demerente ipsorum nequitia, trudentur.

Concludamus deniq; per solum Deum stare, vt homines opulescant, qui
præ-

prærogatiuam ditandi sibi soli ex iure & merito reſeruauit. Omnia dat Dominus, nec habet inde minus ; ipſe aperit manum ſuam, & implet omne animal benediſtione; ipſe dat cuique , & non improperat , in manu eius diuitiæ & gloria. *O dulciſſime I E S V nos omnes hic & in altera vita diſta, bea, recrea.*

QVÆSTIO VIII.

An Magi aliqua mixta maximè ſenſibilia, arte Magica producere poſſint?

ANimalia imperfecta, ex quorum numero ſunt muſcæ, vermes, ranæ, locuſtæ, ſerpentes, pediculi, pulices, mures, ratti domeſtica illa & fœda animalcula, ac huiusmodi inſectæ , & plura ex putrefactione naſcentia, poſſunt producere celeriter, non creando, ſed actiua paſſiuis applicando. Hæc eſt ſententia Auguſtini, & Petr. Martyris, quos tota ſchola Theologica ſequitur. Solent autem Malefici ex pacto per Dæmonem actiua paſſiuis applicantem ea producere. Nam ipſi ſortiarrii plerumque neſciunt, quo pacto gignantur, & cauſas ignorant, vt quæ-

do Dæmon dat Sagis minutum puluiscu-
lū, cuius in aerem iactu diuersæ species
locustarum, erucarum, murium & similiū
bestiolarū, variæ pestes statim enascan-
tur: iubentur interdū alias nœnias adhi-
bere, vim nullam naturalem habentes.

Eodem modo etiam possent produce-
re anseres & aues sed imperfectiores, qua-
les sunt Bernachiæ apud Scalig. & quales
gigni solent ex deciduis foliis & fructib.
arborum quarundam in mari putrescen-
tibus, vel ex lignis nauigiorum putrido-
rum. Vid. Cardan. *libr. 7. de rer. varietat.* &
Iohan. Boemum *de morib. gent. lib. 3. cap. 26.*
Scalig. *exer. 59. sect. 2.*

Possunt etiam producere & excludere
q̄dam insolita & stupenda monstra; quale
illud in Brasilia, altum palmos 17. rectum
corio lacertæ, manibus prætumidis, brachiis
leonum, oculis flammeis & scintillantib.
qualia forsitan monstra fuere, quæ in Sax.
sylvæ semihumana facie capta, Anno
1240. nisi fortè ista sint ex nefario, & cun-
ctis ignib. plectendo, hominum & fera-
rum coitu nata, qui monstrorum pluri-
morum origo indubitata. Sic. n. A. 1278.
apud Heluctios quædā peperit leonem.

An.

An. 1471. quædam Papiæ catum; Brixia canem alia. Sic 1531. Mulier Augustæ Vindellicorum eodem partu enixa primò caput humanū membranis inuolutum, mox serpentem bipedem, tertiò porcum integrum. Similia plura cogitatu & dictu admodum horrenda obuia sunt apud Scriptores recentiores. Lycosthen. *de Prodig.* Cardan. *libr. 6. de rer. var.* Lemnium, &c.

Verissimam & admirandam nefandi coitus narrationem literis prodidit Mar. Delrius Belgæ: in hoc ipso, inquit ille, Belgio fuit nefarius quidam tauricè & prodigiosè lasciuiens, qui vaccam iniuit, post visa est vacca prægnans, & aliquot mensib. post edere masculum, non vitulū, sed puerulū; Adfuerunt, inquit, non vnus, sed plurimi, deq; matris vaccæ vtero puerum cadentem adspexere, leuatū de terra nutrici mulieri destinarunt; & ex sacro Baptismi fonte lauarunt, Christianæ vitæ præceptis instituerunt; Puer succrescens pietati studuit, & pro patre seriò orauit. Animaduertis hominem perfectū, qui tñ sentiebat in animo propensiones vaccinas, vt pascere prata, ruminari herbas.

Quid

Quid de hoc igitur sentiendum, nonne hominem esse? esse! ex matre verò vacca natum negandum. Quid ergò? Diabolus quem infandum illud flagitium non, ut impulsorem, latuit, mox videri vaccam turgidam fecit, & cum voluit, aliunde infantem surreptum attulit, & vaccæ parturienti, vento quæ prius grauida erat, puerum supposuit, ac si de vaccæ natura funderetur. Hinc nata opinio & puer persuasus, se vaccæ filium, falsæ & putatæ matris propensiones hausit imaginando. Nam ut verus homo ex seminis vaccini materia nascatur, & organica illa dispositio perfecta humani corporis in vaccæ utero & vaccine animæ calore & virtute perficiatur, id Philosophi omnes inter ἀδύνατα computabunt. Idem esto rectè Philosophantium iudicium de puella Onoscelia, ab euentu sic dicta, quam asina ex congressu nobilis cuiusdam iuuenis Ephesi filii Demonstrati noctu ad patrios greges currentis peperit. Vid. Stobæum *de Vituper. Veneris & amoris. sermon. 62.* ex Aristotele ἐν τῷ δευτέρῳ τῆς ᾠδῆς δέξων. Sed de re parùm grata, auditu molesta, dictu fœda satis diximus.

QVÆ-

QVÆSTIO IX.

*An Dæmones sint incubi & succubi, & an ex
tali congressu humana proles nasci
possit?*

ALiquando improbos Dæmones cum
fœminis concubuisse, verè non ima-
ginariè tantum, multi graues auctores
testantur, inter quos præcipuo loco est
Augustinus, qui *lib. 15. de Ciuitat. Dei. c. 23.*
Creberrima, inquit, fama est, multique se
expertos, vel ab iis, qui experti essent, de
quorum fide dubitandum non est, audi-
uisse confirmant, Syluanos & Faunos,
quos vulgò Incubos vocant, improbos
sæpè extitisse mulieribus, & earum ap-
petiuisse & peregisse concubitus; & quos-
dam Dæmones hanc immunditiem assiduè
& tentare & efficere &c. Et decreto
Innoc. Papæ huius nominis VIII. statui-
tur, vt fidei inquisitores in maleficas mu-
lieres cū Dæmonibus turpiter consuetu-
dinem habentes, vti par est, animaduer-
tant

Et si enim Dæmones non sint præditi
natura corporibus, tamen corpus extrin-
secus adsumere possunt, vel mortuum
vel

vel ad humanam effigiem conformatū,
 ex condensatis aeris vaporibus; & semen
 virile aliunde arripere. Sed illos ex con-
 cubitu isto humanam posse procreare so-
 bolem, hic iam nobis dicere non licet:
 quanquam opinione quorundam Mer-
 linum vatē in Anglia celebrem congressu
 Dæmonis & Virginis Regis filiæ genera-
 tum, & Platonem sapientiæ Principem,
 de Virginis partu Apollinis phantasma-
 te, id est, Dæmonis oppressæ natum, tra-
 dant. Qui quidem aiūt, Dæmonem, qua
 est celeritate & naturalium rerum peri-
 tia, calorem prolificum & genitium in
 semine, quantumuis ille sit aereus, ac fa-
 cilè dissipabilis, conseruare, fouere, illud-
 que quo momento mulier ad concipien-
 dum optimè est disposita, matrici sic in-
 fundere, vt semini muliebri aptè & ex-
 quisitè commisceatur & coaguletur. Vid.
 sacram Philosoph. Francisci Vallesii, c. 7.
 & fusiùs Orat. nostram Magistrale DE
 DIABOLO IPSO, Vom Teuffel selbst.
 Item Sprenger, *Mal. Mal. part. 1. quest. 1.*
cap. 4. Binsfeld. *de Confess. Malef. conclus. 5.*
pag. 212. & sequent. Dn. Henric. Korn-
 mannum in LINEA AMORIS. *cap. de*
 FACTO.

FACTO. Danæum *in Ethic. Christian. lib. 2. c. 14.* Timpler. *in Metaphys. lib. 4. q. 27.*

Hoc autem certum est, Dæmones non posse vi sua, & ex propria sua substantia more animantium generare, cum nulla substantia à materia abiuncta sua vi aliquam in materiam formam inducere possit.

Nec nobis dubium est, quos legimus Succuba Dæmone natos, vel suppositivos fuisse alterius fœminæ veros infantes, vel ab alio Dæmone prolem ementitam, quod non rarò contingit, ut tempore puerperii, nemine observante, Dæmon prolem recens natam è cunis auferat, seq; assumpta infantis forma supponat. Ad priorem suppositivi partus fraudem referimus, quod de Bauaro Nobili legitur, cui Dæmon succuba imponens subtractos furto liberos sibi supposuit. Ad posterioris fraudis genus referamus illos paruulos, quos Campiones vocant, quosque ferunt adeò *βελμιά* laborare, ut pulmentum, quod decem vastos & robustos trituratores impleret, glutiant, nec ad saturitatem, & late adeò sint insaturabiles, ut quinque nutri-

nutricum rumis exhaustis, tamen sint macie deformes, plumbei & mensibus aliquot post euanescent. Itali hos à continuo vagitu Vagiones, Saxones *Rils fröpff* / Germani nostri *Wechselbälg* / *Wechselfinder* nominant. Vid. Paul. Frisium Nagoldanum in *Isagog. Magia. c. 4.* & Lutheri Colloq. *cap. 24.* vbi multa piè ac neruosè de Campsionibus. Talem fictitium puerum arbitramur fuisse, què quidam mendicus cum summa defatigatione bainlabat per Hispaniè loca, cum eo colligens Eleemosynas. Delr. *Disquisit. Mag. q. 15. lib. 2. tom. 1.*

Quantum igitur generationis humanæ modum haud facile agnoscamus, sed tantum 4. Primus est absque mare & fœmina, vt productio Adami. 2. Absque fœmina, sed interueniente mare, vt productio Euæ. 3. Absque mare, sed concurrente fœmina, vt generatio humanæ naturæ Christi ex virgine. 4. Ordinarius ex mare & fœmina. Ecquis igitur non cum stomacho accipiet nugas illorum, qui dicunt, Buddam Principem dogmatis Gymnosophistarum apud Indos è latere suo virginem genuisse. Stultam etiam licet

cet apud Mahometistas constantem opinionem, plerosque, quos sua lingua Netefogol vocant, sine carnali coitu nasci, quis non ridebit?

QVÆSTIO X.

De nocturna Sagarum ad nocturnas suas synagogas, comessationes, saltationes, concubitus &c. profectio, an vera sit earum translatio de loco ad locum?

REs est controuersa ac dissensionis plena, inter eos qui hæc Sagarum tractant portenta; & fateamur, necesse est, habere hanc concertationem in vtramque partem exempla, rationesque, quibus probabiliter contrariæ sententiæ defendantur. Prima sententia est, huius modi equitationibus ac conuentibus lamiæ duntaxat cogitatione animi & diabolica illusione interesse. Hæc opinio cum Magno Luthero & Melanthe adstipulatores magni nominis, habet non paucos. Alciat. *Parerg. iur. lib. 8. Vair. lib. 2. de Fascin. Portam Mag. nat. lib. 2. c. 26. Wier. de Præst. Dem. lib. 3. Herman. Wideskind, in suo fictitio Lercheimer. Ioh. Scultet.*

cap. 7. Meland. *Præcip. quæst. de Sag.* pag. 43.
 & 90. Bierman. *de Action. Mag. thes.* 30. Hos
 sequutus Tobias Tandlerus Professor
 Witenbergensis Scriptor nuperus, Ora-
 tor Stramineus, imprudens adeò La-
 miarum delationem in dubium vocat,
 ut earum conuiuia, tripudia, concubi-
 tus, gaudiaq; omnia imaginaria esse con-
 cludat; in Oratione de Fascin. superiori
 anno Witebergæ edita. Sed ut inconfide-
 ratè, ita ineptè, ita pueriliter, tanquam is,
 qui opera Magica Dæmonisq; ingenium
 tantum cognoscat, quantum canis noster,
 BAHN cui nomen, opera ac indolem no-
 stram. Audimus hominem Medicum es-
 se, qui acutiùs fortassis de ægrorum sudo-
 rib. sordibusq;, de fœdis tuberculis, pu-
 stulisq;, de vlcerib. & pestib. de scabie de-
 niq; gallica, cæterisq; fœditatib. quàm de
 Dæmonum, Magorum, Lamiarû actio-
 nibus, ludis & machinamentis sermoci-
 nabit. Quare, Ne sutor vltra crepidam;
 nec Scathophagus vltra Cæces. Sed ad rem.
 Nos quidem concedimus, esse sæpè, q̃ à
 Dæmone illudantur, sensib. internis ex-
 ternisq; vinctis ac sepultis, phantasia ēē
 forte læsa perturbataq; & eū animis ea-
 rum

rum varia ac mera somniorū visa immittere, quas laqueis suis irretiuit. Ex certis n. auctoris. compertum habemus extitisse, quæ cū domi, imò in eodē cum marito cubili manifestè pernoctassent, recenserent tamen postero mane, ac confiderenter dicerent multa ac mirabilia, ad eiusmodi conuentus pertinentia, quib. se superiori nocte adfuisse adfirmarent. Et Cardan. *lib. 8. de subtilitat. pag. 910.* Lamias, inquit, inter dormiendum putare, se varias ac longinquas regiones peragrarè, atq; in iis Reges, theatra, tripudia, viridaria, fontes, viuaria, aliasq; res amœnissimas videre, imò & venustissimos adolescentes propter quos dormiant, & quæis cum sese oblectent; Sed hoc, crede nobis! non est perpetuum.

Altera opinio est, quā iudicamus amplexandam, quæ statuit verā ac corporalē profectiōem ad nocturna comitia. Hoc est, Lamix nonnunquā verè transferuntur à Dæmone de loco ad locū, hirco, equo, tauro, cane, vel altero animali, phantastico vt plurimum, hoc est, Dæmone assumente, formanteque corpus aereum; vel etiam hominis in forma, eas ternas

quaternasue simul asportante; vel colo, arundine, scoparum baculis, baculoue bifurco (quali equis substerni solet) sed aëto & subleuato à Dæmone inequitanter *σωματικῶς* siue corporaliter nefario conuentui interfunt.

Iuuat hic subiungere conuentus ceremonias, aliasq; circumstātiās, quæ omnes in corporali baiulatione conueniunt, ut exinde magis ac magis nostra sententia stabiliatur. Solent ad conuentum delatæ Lamix Dæmonem, Synagogæ præsidem & Rectorem, in folio confidentem, immutatum in hircum horridum, ac multò grauius olentem, quàm hœdi solent in eunte bruma, obuerso ad illum tergo cæcorum more accedentes, adorare, non genu curuato, sed pedibes in altum iactis, nec capite in anteriorem partem prono, sed resupinato, ita ut mentum cœlum respiciat, deinde quod homagii est indicium (honor sit auribus) ab iis ingerenda sunt oscula Dæmonis podici, quo quid fœdus? Et ut fœdum putidumque, ita cerebrosis quibusdam ridiculum ac incredibile videbitur. Certissimum tamen est! Quo enim quid fœdus, spurciusq;

ciusque in illo fieri conuentu potest, id
eò ipsis est gratius, atque alacrius magis
magisque peragunt. Flagitiosum hoc o-
pus, si alicui persuasibile haud fieri po-
test, is volumus consideret, quod lectu
obseruauimus, in Calachut Diabolum
in forma hirci comparentem homines
in propatulo & panegyri pub. exosculari
similiter, & hoc modo ipsi homagium
prestare ad vnum omnes. Cupidus adeò
Cacurgos iste est imperii, nec non ho-
noris, vt ipsummet Deum hac ratione
imitari velit, Moyse qui dixit, posteriora
mea tantummodò videbis, claritate mea
antere in conspicua manente. *Exod. 33.*
v. 23. Post Deum ludit etiam in Papam
sanctiss. patrem, qui venerationis gratia
subditis suis pedes exosculandos prebet:
ita Diabolus sua vt mancipia subiecta sibi
& demissa habeat, & in summo apud ipsa
honore fiet, posteriora sua ipsis exoscu-
landa prebet. Sed profectò simius Dei,
& papalium ceremoniarum histrio est
ineptissimus, hoc vnicè agit & diligenter
intendit, vt suos cultores ad nefanda ma-
gis perpetranda ducat, donec eos ad exi-
tium perducatur æternum, vbi inter inef-

fabiles cruciatus visuri sunt, quæ dissuati fuerint, coluerint, adorauerint. Siv, cuidam adhuc dubium sit, an reuera hæc in Comitiiis Sagarum ita fiant, is vel nunc dubitare cesset, dum intelligit, horrida fœdi oscula amoris & honoris signa, ob illud ipsum, quod diximus esse constituta. Quæ res non solum ex decrepitarum muliercularum, quæ fluxæ ac lubricæ fidei alicui videri possunt, sed & ex iuencularum, tumque virorum secundum seculum prudentum elogiis, qui conuentui intertuere, homagium præstiterere, osculum dedere, in comperto est. Vid. Bodin. *Dæmon. libr. 2. capis. 4.* de D. Guilhelm. Edelino, mens horret, calamus scribere refugit.

Post oscula mensis adsident, interque basia ac suavia conuiuântur de cibis, quos Dæmon suppeditat, vel de iis, quos singulæ attulere. Interdum tripudiant ante conuiuium, interdum post. Solent diuersæ mensæ esse, tres quatuorue, cibis interdum delicatissimis, interdum valdè insipidis & insulsis, ex loco morticinis cadaueribus destinato depromptis, onustæ, quib. ꝑ dignitate & nequitia, ex sceleribus

lerib. conciliata singula collocantur. Aliquando suus amator Dæmon cuiq; affidet, aliquando è regione, nec tum basia & suauia, & tactus impudici solent desiderari. Nec mensæ deest consecratio, impio hæc cœtu digna, ex verbis planè blasphemis conflata, qua ipsū Dæmonē *βλαβερώτατος*, creatorem, datorem, conseruatorem omnium plusquàm blasphemè & impiè profitentur. Eadem est sententia gratiarum actionis, quam subdunt mensis sublati. Conuiuuiis sic & tripudiis interdum intersunt facie libera ac aperta, interdū obducta larua, linteo, cortice, reticulo, peplo, vel alio velamine, aut farrinario ex cerniculo inuoluta. A conuiuio quisq; Dæmon suam quam custodit amasiam, & quam habet discipulam, manu præhendit, utq; omnia fiant ritu absurdissimo, & ab omni consuetudine hominum alienissimo, dorsis inuicem obuersis, & in orbem iunctis manibus, saltando circūeunt, perinde sua iactantes capita, ut qui cæstro agitantur; nonnunquam candelas accensas manu tenentes, queis cum ante Dæmonem osculantes adorant.

Nec deest illis Musica miris modis personans, miscentur enim & perturbantur omnia, & profectò oratione satis exprimi non potest, quàm strepant sonis diabolicis, absurdis & discrepantibus. Canit hic ad tibiam, vel verius ad contū aut baculum aliquod fortè humi reperi- tum, quod buccæ ceu tibiam admouet; ille pro lyra equicaluariam pulsatur, ac digitis concrepat, alius fuste ceu claua quercum tundit, vnde auditur sonus ac boatus, veluti tympanorum vehemen- tius pulsatorum, intercinunt rancidè & composito ad litui morem clangore Dæ- mones, ipsumque cælum fragosa arida- que voce feriunt; totaq; turba colliuies- que pessima fescenninos in honorem Dæmonum cantat obscenissimos; Hęc canit: *Har, har, har*, illa, *Diabole, Diabole sal- ta huc, salta illuc*: altera, *lude hic, lude illic*, a- lia *Sabath, Sabath, &c.* imò clamoribus, si- bilis, vlulatibus, popismis furit ac debac- chatur. His peractis suis amasiis fœdissi- mè commiscantur, ibique præpostero modo peraguntur omnia.

Ne prætermittamus sacrificia, quæ fieri solent statim in initio, peracta ado- ratio-

ratione, quæ tamen & sæpe extra conuentum faciunt. Denique aiunt, quemque narrare sua ab ultimo conuentu facinorosa, quæ quo grauiora sunt, & magis execranda, eo pleniore bucca à Dæmone collaudantur: Sin nulla, aut non satis atrocia, segnibus istis præstò sunt verbera sæuissima, ac adeò tam atrocia crudeliaque, vt sæpè integrum biduum ex eorum dolore ei, qui sentit, sit decumbendum, hocque carnificis & flagellatoris munere fungitur, aut ipse Dæmon, aut Maiorista quispiam senior. Vltimò pulueribus vel venenis acceptis, & in dicto cuique nocendi penso & pronunciato pseudothei Dæmonis sc. decreto, (*Vlciscimini vos, alioquin moriemini*) quæ hominibus pecudibusque spargant, finem faciunt.

Sed quo magis magisque nostræ sententiæ veritas illucescat, iuuat modum quoque ac viam, qua ad conuentus properatur, exponere. Ac vulgatissima ea ab omnibus perhibetur, quæ per Camini vaporarium esse consuevit. Hisce non absurdum est adiicere, quod de die, quo sic vna conueniant, ab illis vulgò dicitur: Sagæ quamplurimæ Remigio, vt inquisi-

tori non aliis noctibus, quæ proximè præcedunt diem vel Iouis, vel Domini, eiusmodi conuentus agitari, spontaneis ac disertis elogiis confessæ sunt. His addemus ad ampliorem rei fidem, an certa ac præstituta sit hora aliqua nocturnis illis conuentibus? Ex reorum confessionibus compertum habet Nic. Remig. eā tempestatem, quæ vna atq; altera hora mediā noctem præcedit, apprime idoneam esse, atq; opportunam, non modò illis conuentibus, sed & quibuscunque aliis Dæmonum terriculis, ludibriis, occurrationibus, strepitibus, quæ sequitur, non item iis esse obnoxiam. Causam Lamiae non addidere, nec nos eam hic ariolabimur. Et certè experientia docet, nullas in tota nocte horas suspectiores esse istius umbrarum apparitionis, illasq; præcipue spectris tetrisque imaginibus esse infames. Quod et veteres in scriptis suis testatum reliquere. Apollon. apud Philostrat. *libr. 4. c. 5.* Imaginem Achillis à se visam, post colloquutiones aliquot euauisse, ait, quæ iam cantus gallorum audiretur. Vnde etiam Euseb Cæsariensis infert, noctem tempestam, quæ certè gallicinium proximè

ximè antecedit, cōuenientiore esse Ca-
codæmoni ad danda ludibria. Adhæc
striges confitentur, nihil magis infestum
ac inimicum sibi & Dæmonibus accide-
re posse, quàm si gallus interea dum se ad
rem parant occineret. Idem retulerunt
& aliæ eiusdem farinae lamia, *Magistellos*
sæpè suos, quùm dimittendæ concionis
tempus instaret, inclamare solitos ; Eia
faceffite properè hinc omnes, nam iam galli ca-
nere incipiunt. Quod Remigius bene in-
terpretatur, vltra id tempus Dæmones
negotium suum non posse protrahere.
Quæ verò huius rei sit causa; nondum
exploratum habemus; quare & nos hic
nostram ignorantiam liberè fatemur,
tutiusque ac præstabilius iudicamus nos
hic tacere, quam contra Genii nostri nu-
tum præcipiti temeritate aliquid pro-
ferre. Iam nunc de vnguento.

Possent Dæmon Sagas transferre, sine
vnguenti vsu, quodque facit aliquando,
sed vnguento mauult vti, variis de causis,
aliquândo quia meticulosiores sunt sagæ,
vel quia teneriores sunt, ad horribilem
illum Satanæ contactum in corpore
assumpto ferendum, Ita enim vngvine
sensum

sensum stupefacit, miseris persuadens, vim vnguento inesse maximam. Nihil verò ad translationem conferre vnguentum, inde patet, quod etsi qui statò conuentus tempore, ex curiositate cupientes Synagogæ interesse, se eodem cum strigibus vnguento perfricent, & verè per aerem ad conuentum auolent; (Deo ad puniendam incredulam curiositatem permittente) tamen si quis fide firmus, caritate armatus, ad fraudes Dæmonis detegendas ac reuincendas, ad veræ fidei confirmationem, eodem se vnguento imbueret ac perfricaret, sine dubio nulla sequeretur translatio, quia hîc omne pactum cum Dæmone cessat, nec Deus id permetteret. Quare quando Sagæ extra conuentui destinata tempora sese inungunt ac illiniunt, non auolant, nec auferuntur, quia hoc non est ex pacto; sciunt & hoc ipsæ striges, ideoque se non illinunt, nisi audito conuentus signo, quod aliquando à Dæmone, (quem non vocant Dæmonem, sed *Magisterulum*, aliæ *Magistrum Martinettum*, siue *Martinellum*, aliæ *Pedellum*) datur, aliquando à vocibus præteruolantis comitatus, Sagarum Reginæ, aliàs aliter.

His

His positis confirmatur ac probatur hæc translatio corporea; quia non potest dari quicquam, quod eam reddat impossibilem. Ecquid enim deest? Non deest corpus mouens: Nam Diabolus corpus assumit. Nec obstat, nec adest corporis moti resistentia, vel grauitas, quia longè maior est vis mouentis Dæmonis. Nec obstat celeritas motus, ad locum remotum, spatio temporis breuis; hoc enim valet efficere eius incomparabilis velocitas ac vis naturæ angelicæ: Nec Deus id non permittit; Extant enim permissionis innumera exempla, vt dissentiens pertinaciæ ac proteruiæ notam vix effugere possit; quorū exemplorū onusta plaustra ex Delrio *lib. 2. Disquisit. Mag. qu. 16. tom. 1.* Remig. *lib. 1. Demonolat. c. 14.* Grilland. *de Sortileg. c. 7.* Binsfeld. *de Confess. Malef. pag. 250.* & seq. possemus aduehere, ex quibus fortissima desumitur probatio. Nec hoc prætermittendum, quod nonnunquam conuentu subito dissoluto ac dissipato, repertæ sint mensæ, ferreæ ollæ, paropsides stannæ, & supellex argentea & aurea, posteaquæ à Dominis agnita, & confessæ mulieres, se illam secum ad conuentum

tum detulisse. Manifestum est, hæc non contingere, nuda duntaxat imaginatio-
ne & delirio muliercularum. His si quis
paruam fidem habeat, nihil equidem
dubitamus, quo minus in contraria opi-
nionehereat. At veremur, diu ne immo-
rando in sententia, à seipsa expugnata,
atque onere suo collapsa, nobis ipsi fa-
ciamus iniuriam. Quare ne diutius ultra
clepsydram, quæst. finis esto.

QVÆSTIO XI.

*An possit Dæmon quantitatem corporum mu-
tare, comprimere, siue rarefacere, ut partes sese
penetrent, aut corpora reddere àërea, aut cor-
pus unum, ut duobus in locis exi-
stat, efficere?*

NEquit Dæmon sic mutare corporis
quantitatem, ut homo instar cati vel
mustelæ per tenuem rimam in cubiculū
irrepat, multo minus, ut per ianuas clau-
sas ingrediatur. Hoc enim excedit vires
naturæ creatæ. Itaque mentitæ sunt stri-
ges illæ Lotharingicæ, quæ Nicol. Remi-
gio persuaferunt, solere Dæmonem ve-
teranis Lamiis facultatem penetranda-
rum ædium tribuere, ut per quasuis an-
gustias,

gustias nullo negotio viam sibi faciant, & in mures, feles, auiculas, locustas, atque alia huiuscemodi pusilla animalcula cōtractæ ac diminutæ, intromissæque de nouo priori formæ restituantur. Hæc, medius fidius, deliria sunt omnia ac delusoria. Sic mendacium dixerunt Dufani, Virgauillæi, Forpachêses, & pene omnes in Austri regni præfectura, deprehensi sortilegi, qui se ex homine in felem toties migrasse retulerunt, quoties se in alienas ædes latenter intromittere volebant, sua ibi noctu vt venena spargerent. Remig. *lib. 2. Demonolat. cap. 5.* Mentitus similia iactans quidam Scaphius apud Nider. *in Formicar. c. 4.*

Hoc autem verum, quod Dæmon præcedens latenter aperit & claudit ianuas vel fenestras corporis capaces (idq; miræ agilitate, subtilitate, sine omni tumultu ac stridore, ne vnquam homines percipiant, aut euigilent) per quas eas intromittit, quæ se putant formas horum animantium induisse, quod prudentiores Lamia Italica Paul. Grilland. *lib. 2. Sortileg. 9. 8.* confessæ fuerunt.

Mentiuntur etiam delusæ ac deceptæ
Lamiae

Lamix, q̄ commemorāt Diabolū ianuas, parietes, muros ita aperire, vt per quandam quasi fissuram & disruptionem ingrediantur & egrediantur, post iterum partes coniunctas coalescere; quod probabile videbitur iis, qui partium penetrationem admittunt. Ast totum illud præstigiosum asserimus cum Delrio nostro, vel Dæmonem, quæ est agilitate & dexteritate, quot sufficiant lapides mox eximere & sustinere alios, ne proruant, & postea eadē celeritate eosdē in suo loco reponere existimamus, idque subtiliter adeò ac celeriter vt prompta illa agendi vis ac expedita celeritas tartarei spiritus sub aspectum hominum non cadat; hinc fit, vt Striges falsò sibi persuadeant per partium compressionem, ianuam, murum, parietem esse apertum.

Cum igitur Dæmon quantitatem corporum mutare aut comprimere aut rarefacere nequeat, multò minus efficiet, vt corpus vnum vno momento duobus aut pluribus in locis existat. Non obstant nobis documenta, quibus docetur, multos alio loco *αὐτοὺς ὁπώρας* aliis apparuisse, quàm vbi reuera tum erant, non dormientibus,

entibus, sed vigilantib. Hæc si à viris sanctis facta, apparitiones sunt miraculosæ, & ab infinita Dei virtute factæ, vt de S. Nicol. Agatho & Benedicto. Si autem à Geniis malis procurata, apparitiones sunt præstigiiosæ, & ad speciem tantum visæ. Huc refer illud de mulierculis commellatricibus in vit. D. German. & de Imperatoris filio, per Theodor. Monachum patri exhibito, apud Zonaram *tom. 3. in vit. Basil. Macedon.* Vid. Pet. Thyraum *lib. 3. de spirit. apparition. c. 6. 7. & lib. 2. c. 8. cum seq.*

Nequit etiam efficere, vt corpus quantum & coloratum verè reddatur inuisibile illis, coram quibus existit, oculis eorum sanis & non præstigiatis, & nulla obiecta nebula. Fieri autem potest, vt per accidens non videatur, vt si corpus aliquod aliorum à Diabolo transfertur: vel si Diabolus species visivas impedit, ne in oculos astantium commeare possint, q̃ factu ipsi facillimum est, obiiendo caliginem aut nebeculam, aut corpus aliud interponendo, vt docet Petr. Martyr *in loc. Theolog.* vel si corpus aliqua sibi possibili ratione & arte transformet. Has

technas, has præstigias solet Dæmonysurpare, quando corpora nostra reddit *ἀόρατα* siue inuisibilia. Ita Apollonius cum esset in prætorio Domitiani, vt putabatur, condemnandus, derepentè ex omnium oculis euauit; surreptus & translatus scilicet à Diabolo. Sic superioribus annis facinorosas quidam, cui nomen *Regelheuffer* in celebri Franconix vrbe capitis damnatus, & iam suspendendus, ex carnificis manibus, pro se stramine in fasciculum conuoluto relicto, euauit. Hisce fraudibus delitescbat Gyges cum suo præstigioso annulo, quæ fabula lippis & tonsoribus est notissima. Narratur à Platon. 2. de *Repub.* Cic. 3. *Offic.* Agrippa *libr. 1. Occ. Philosoph. cap. 47.* de Annulis & eorum compositionibus. Erasm. in *Adag.* Gygis annulus.

Eadem est fabula Græcorum de Persei scuto:

Sed vanius quid dici potest à Philosophis? Quid magis *ἀτοκον* & *ἀφάνη* quàm Heliotropium gestantes reddi inuisibiles? Vim admirandam adeò & inusitam inesse lapidi, vt colores tollat, aut alios inducat obiecto, difficulter credimus,

mus; cum neq; experientia ipsa, nec auctoritas *ἐξ ἑωυτῆς* id doceat.

Ex his denique detegi possunt illusiones istæ Dæmonum, quando membrorum aliquorum speciem, vel immentiam faciunt apparere, vel nullam, ut membra prorsus sublata esse videantur, vti sunt quæ narrantur *in Mal. Malefic.* de iis qui virilia sibi ablata putabant, *part. 2. question. 1. capit. 7.* Ibidem de mentulis nidulis auium impositis & scriniolis inclusis. Rem si haud carptim legeris, nisi in asinum mutatus fueris, ridebis effusè, ea est, ut vel mœrentibus risum & cachinnum extrudere possit, quo gaudio, quando nobiscum fui volueris, Sprengerum volue & reuolue; & Felic.

Hammerlin in tractat. de Credulitat. Dæmon. ne fastidias.

QVÆSTIO XII.

*An penes Dæmonem, Magosq; sit, corpora ex
una in aliam speciem transforma-
re? hic de Lycanthro-
pia.*

PRetium operæ erit, hanc à multis agitatam tractatamque quæstionem attingere. Hic verò non est animus Apuleiasinum in scenam producere, aut quas Poetæ comminiscuntur fabulosas Metamorphoseis, nouis exemplis tueri ac defendere; qualis est fabula Luciani Metamorphosis in asinum: sed de Magicis, quæ virtute Dæmonum fiunt, perfectæ speciei, in aliam formam transformationibus.

Diuus August. sanctioris Theologiæ censor argutissimus *lib. de Ciuitat. diuin. & lib. 3. Trinitat.* eos grauitè ac seriò reprehendit, qui credunt, Dæmonis arte vel potestate hominis corpus in bestialia membra vel lineamenta posse veraciter conuerti. Idem alibi non fuisse veras cōuersiones sociorum Diomedis in aues; Iphigeniæ in ceruam ait; sed Dæmonum præstigiis humano aspectui ista corpora esse

esse subtracta. Quæcunq; igitur ab aliis de transformatione hominis in belluam dicuntur, maiora sunt, quàm vt à Dæmone fieri possint. Quia Dæmoni itaq; sunt impossibilia, omnia illusoria ac phantastica sunt: hoc communis Theologorum schola approbat; idem volunt & psephismata; idem ratio persuadet. Nequit enim anima humana informare corpus belluinum, vt nec anima leonis corpus equinum, vel anima equi corpus humanum, quia quælibet forma substantialis, vt suū esse tribuat informando, requirit peculiare, sibi que conuenientes dispositiones, & organizationem corporis propriam. Vnde fit, vt nec ferina anima corpus humanum, nec humana ferinum queat informare. His de causis neque poterit anima hominis in caballi, asini, aut lupi, felis, muris alteriusue bestię corpus migrare illud informatura. Nec igitur poterit totum compositum essentialiter transmutari à Dæmone. Nam nihil potest verè transmutare vnā substantiam in aliam, nisi habeat vim producendi substantiam. Dæmon plane nullam habet vim producendi substantiam:

sequitur, illi veram transmutationem substantiarum attribui non posse. Semper ergo illusio hic interuenit illorum, qui se transmutatos putant, sæpè illorum etiam, qui se videre putant, quod non vident.

Hoc loco dicendum de *λυκανθρώποις*. Hac in re vir prudens, qui decipi non vult, discernat ipsam transformationem ab effectibus eam concomitantibus. Ipsa quidem transformatio phantastica est & delusoria, multi tamen eam concomitantes effectus veri sunt. Verbigratiā: Strages hominibus vel pecoribus illatæ per Dæmonem (qui ab initio homicida est, prædator, vastator, insidiator, vexator, carnifex) in corpore aereo vel lupino; siue per homines lupina tectos effigie, vel per eosdem non tectos, sed humana specie grassantes & efferratos. Potest enim fieri, vt ex humorum vitio & atræ bilis excessu, affectus quidam lupini & odium in greges atque homines desideriumq; eos inuadendi, lacerandi, vorandique mentem occupent; Vnde & Medici *λυκάωνα* siue *λυκανθρώπιαν*, siue *λυκάνθρωπον νόσον* inter morbos numerāt, quem Latini

Latini Melancholiam, siue insaniam lupinam vocant. Ex simili vitio nonnulli se canes, leones, lupos, gallos, aliasq; bestias putant. Quidam forti imaginatione sibi persuadent se in vasa fictilia, cerea, vitrea conuersos. Et Medicis manifestum, notorium & palàm est, sæpè eorum, qui èstu febrique vehementiore iactantur, sic sensum deprauari, vt alienissimas formas ac simulachra pro veris firmissimè concipiant ac amplectantur. Cuius argumenti illud esse potest, quod narrant de eo, qui se in vitreum peculum conuersum adeò obstinatè credebat, vt accedentes propius à se obnixè prohiberet, veritus scilicet, ne se illidendo comminuerent. Fuit & alius, qui se gallum esse putabat, hic quoties cantantem audiebat gallum, brachia tanquam alas excutens, veluti gallus cantabat. Alius se in granum milii transformatum credebat, nolebat cubili egredi, ne à gallinis deglutiretur.

Plerique atra bile vitiiati, se leones, Dæmones, aues esse sibi imaginantur, vt annotauit Auicenna.

Alii se credunt mortuos, ægros: alii sibi videntur magni Principes, totius mundi Imperatores: alii viri eruditi, Prophetæ, aliqui captiuitatem, condemnationem, supplicia, & orcum sibi deputata deplorant. Nouimus quendam, qui sibi videbatur ☉, baiulans onus, hoc est, asinus sacco coopertus. Et alium vidimus nos qui loquimur, superiori Anno Ambergæ, qui capra sibi videbatur, saltatim incedebat arborumq; codices erodebat: alium deniq; , qui sibi videbatur porcus, vidimus in Imperiali Northauslen, hic nigra tunica indutus limum lutumque intrabat, & porcorum more vorabat.

Hi solo eiusmodi morbo laborantes, Magi non sunt, & licet ipsi se bestias putent, ferinamq; sæuitiam imitentur: aliis tamen vti sunt homines videntur. Talis sibi non cæteris videbatur Pater Præstantii apud Augustin. *lib. 18. de Ciuitat. Dei. c. 8.* Et alius apud Guilhelmi. Brabantinum, de quo Historia legenda apud Wier. *de Præst. Dæmon. lib. 4. c. 23.* Simili Melancholia exagitatum fuisse agricolam illum Patauinum apud Fincel. nostra est sententia.

Sed

Sed quando aliis quoque lupi, canes, mures, cati, ratti, aliæue bestię esse videntur, vt mulier apud Palladium *in Vit. Macarii*. Alexandro videbatur equa, hoc magicum est, & à solo morbo nequit proficisci. Verùm solet tum Diabolus diuersimodè decipere. Nam solet aliquando alia corpora substituere, & illis absentib. & alicui in loco abdito soporatis, ipse assumpto lupi corpore, vel ex aere formato, sibi que circumdato, ista perpetrare, quæ putant homines ab istis miseris absentibus & dormientibus perpetrata, quod stratagema à sancto quodam viro manifestatum narrat Guilhelm. Parisiensis. Aliquando verò Diabolus hominib. ipsis ferarum exuias affabrè, aptè & compositè circumdat, quod fit quando illis dat pellem lupinam in trunco quodam cauæ arboris occultandam, vt ex quorundam confessionibus in confesso est. Aliquando denique ex pacto Magis aeream circūdat effigiem belluæ, membræque membris, quoad patitur similitudo, circumponens, caput capiti, os ori, ventrem ventri, pedem pedi accommodans : hoc solet contingere quando ad

rem inunctionibus certis, (vt Dolani isti Lycanthropi, qui supplicio publ. affecti, & de quibus acta iudiciaria sunt edita) vel solis verbis conceptis, vtuntur. Vt ille Petronius Armentarius, de quo Remig. *lib. 2. Dæmonolat. cap. 5.* vt ille apud Ducem Russiæ, à canibus discerptus ac dilaniatus. Et in Bulgaria quidam Baianus. Vid. Remig. *cit. loc.* Hoc modo, vt & præcedenti casu relinquunt vestigia lupi terræ impressa. In hoc autem ultimo casu non est quod miremur, si postmodum verè inueniantur faucii illis membris humanis, quæ in ferino corpore ictum exceperant. Nam leuiter cessit, vt inquit Delrius noster, circumiectus aer, & vulnus vero corpori ex facili in hæsit. Quando verò verum corpus absuit, tunc ipse Diabolus in absente corpore eam partem consauciat ac vulnerat, quam in ferino corpore scit esse lesam. Huc trahenda historia de rustico ligna secante, & tres catos robustissimos in se impetum facientes gladiatorio prorsus animo feriente, recenset eam Spreng. *in Mal. Malef. part. 2. question. 1. capit. 9.* & Godelman, *lib. 2. de Lam. cap. 2.* His adde agmen eatorum

torum, quo cum quinque vigiles bella
gessere & conflixere, vid. Bodin. *Dam.*
libr. 2. cap. 6. de Lycanthropia, & ingentem
felem puerulum quendam inuadentem,
à patre pueruli lumbifragium auferen-
tem. Spinæus *de Strig. c. 19.*

Hoc loco non possum mihi tempera-
re, quin paucis, quantum ad præsens ne-
gotium pertinet, recitem historiam de
quodam *Λυκανθρωπῶ*, cui nomen Peter
Stumpff. Hic seculis paucis ante Beb-
burgi, oppidum est Vbiorum, publicè
affectus est supplicio, propterea quod
cum Diabolo Succuba plus quatuor lu-
stris consueffet, libidinosaque volupta-
tis consuetudinem cum ea exercuisset;
ille ab hac donatus fuerat zona, qua cum
cingebatur, & sibi & aliis in lupum verti
credebatur, hoc schemate ter quinque
pueros iugularat, eorumq; comederat
cerebellum.

Hoc postremum nobis erit de *LY-*
CANTHROPIS, in Liuonia & a-
liis proximis locis oberrantibus, quos
incolæ *LAMIAS* putant, Germa-
nis *Beck-Wolff* / nobis verius atque
magis

magis propriè *Teuffelswolff* / Græcis
 λυκανθρώπους & μυρμολυχίας, siue ἀρκελύκως,
 Latinis varios, ambiguos ac versipelles
 dictos. II. Certè Dæmones sunt censen-
 di, ut qui eam assumpserunt formam, ut
 magis credulum hoc genus hominum
 suis vaframentis irretirent. Talibus enim
 lusibus & offuciis, inquit Peucer vir mul-
 tiugæ lectionis, *de Diuinat. gener. pag. 289.*
 delectatur Diabolus, ut misera illa & Dei
 ignara mancipia sua excruciet; etiam in
 hac vita, suppliciis, torturis, excarnifica-
 tione corporum & modis aliis vexet. Ly-
 canthroporū exemp. alia videre, si lubet,
 licet in Bodin, Dæmon. à quo pro tem-
 pore dissensionem facimus, licet in eius
 sententiam pedib. eat Professor Lipsien-
 sis à nobis priùs laudatus in Orat. de Ly-
 canthropa lectu dignissima. Vid. etiam
 eruditè de hac differentem Thom. Sa-
 gittarium Professor. Ienensem in *Dispu-
 tat. Physicis*. Dictum sapienti sat est: quare
 stylum flectimus ad alia.

QVÆSTIO XIII.

*An Magica arte Magi efficere possint, ut be-
 stia loquantur, & an ipsi intelligant vo-
 ces bestiarum?*

Virtute

Virtute diuina aliquando fieri, vt quibus loquela nulla inest, loquantur, nemo dubitabit, multò minus inficias i-
bit; siquidem sacra Scriptura id atteste-
tur & comprobet *Num. 22*. Hoc qua-
ratione Sapientissimus Deus perficiat, ipse
nouit, qui cum sermonis sit fabricator,
& quæ nota sunt organa sermonis arti-
culati ipse formarit; vt sunt lingua, fau-
ces, palatum, labia, dentes, guttur, pul-
mo, spiritalis arteria, & pectorales lacer-
ti &c. posset is & alia peregrina, quæ vel-
let organa ad hoc deligere. Veruntamen
eum opera Angelorum vti vt plurimum
constat, qui per bruta, vel alias res inani-
matas voces edunt & loquuntur; quomo-
do verò Angeli loquantur, nobis occul-
tum est; sicut & ipsi, vt inquit Agrippa in
Occult. Philosoph. Hoc tamen confide-
randum & discrimen notandum venit: Si
loquantur per animalia, quibus apta sunt
organa & viuientia instrumenta; vt per pi-
cas, coruos, psittacos & similia, in ipsis
corporibus formari loquelam, & esse vi-
talem actionem istius animalis, non ta-
men intellectualem; quæ est respectu An-
geli. Sin per illa, viuientia quidem quæ
sunt,

sunt, sed non habentia idonea organa ad loquendum, ut sunt Asini, Leones, boves, canes, putandum Angelos, vel ipsos, vel iuxta ea, sermone formato, in aere loqui: idemque intelligendum, de insensibilibus, ut igne, aere, aqua, terra, cadaueribus, capitibus resectis, statuis, arboribus. Hac ratione quando vox formatur penes corpora illa, loquutio nullo modo tribuenda est alteri, quam Angelo, ut formanti, edenti, corpori ut instrumento & medio, neutri ut vitalis actio. Si formatur intra corpus sensibile ineptum, vel etiam insensibile, illi tribui potest ut organo.

His positis, cuius facile erit iudicare de miraculosis loquutionibus, quarum in Scriptoribus tum sacris tum profanis documenta extant varia, ut de asina Balaam, *Num. 22.* de Angelo in rubo alloquente Moysen, *Exod. 3. vers. 4.* de Spiridionis Irene mortua, depositi locum indicante. *Ruffin. lib. 1. histor. Ecclesiast. c. 5.* de quodam occiso iussu Macarii homicidam prodente. *Fulgor. lib. 1. cap. 6.* Et de colloquio Caluarię & alterius Macarii, de variis damnatorum sedibus, & de
con-

Confessoribus in Africa, in persecutione Vandalica, radicitus excētis linguis, adhuc clara loquentibus.

Miraculorum verò & operum D E I similia cum sit Diabolus, & ex superbia & ambitione cum vero D E O certet, similia multa & pseudomiracula efficere tentat, in odium D E I & hominum perniciem; interdum ad diuinam vindictam atque iustitiam manifestandam: vt cum Cercydam homicidam præcisissum indicaret caput, Aristoteles *libro tertio de part. animalium, capite decimo.* & caput Orphei prædiceret Regi Persarum Cyro, fore vt à muliere trucidatus interiret.

Cæterum Valerius Maximus *libro primo, capite ultimo* de Simulachro Iunonis Monete, quod Romani Veiis Romam transferri religionis ergò cupiebant; illud cum quidam militum ioculariter interrogarent, an Romam migrare vellet, velle se respondisse narrat. Qua voce audita, iocus lususque in admirationem, ex admiratione in religionem versus est. Simulachrum etiam Fortune Muliebris à matronis R O M A N I S, cum
ade

æde consecratum sua, bis loquutum esse, hisce idem Valerius testatur verbis: RITE ME MATRONÆ VIDISTIS, RITE ME CONSECRASTIS. Et Caio Volumnio, & Seruio Sulpitio Coss. dicitur bos humano more loquutus. Bello etiam Punico secundo, aiunt, Cneo Domitio bouem dixisse; CAVE TIBI ROMA. Huc pertinent, quæ monumentis prodidit Philostrat. *lib. 6. c. 5. de Vit. Apol.* Vlmum quandam iussu Principis Gymnosophistarum apud Æthiopes, voce clara ac distincta, sed tenui admodum & fœminea, salutasse Apollonium. Item statuam Menonis, cum eam radius Solis circa exortum eius attingeret, & ad os statuæ perueniret, more hominum loquutam. En habes aliquot præstigiolarum loquentium exempla, ex arte Dæmonum apud gentiles simulatarum, ad lucrum sacerdotum gentilium. Hanc in classem refer Simonis Magi canem, qui D. Petrum & alios fuit alloquutus; & Canem Lamiae cuiusdam, quem Grillandus Romæ loquentem audiuit.

Hic nunc dubitatio mentem subit nostram, an animalia illa intelligant, quæ loquan-

loquantur? hoc nullus Angelus ipsis tribuere potest. Attamen verum est illud, Dæmonem posse efficere, vt animalia certis temporibus locisq; aptè & conuenienter quædam dicant faciantq; personis & rebus præsentibus accommodata, idq; Dæmonem facere ex instituto, animalia verò casu & fortuito, quibus ignaris & rudioribus, vt quibus non est datum rerum cognoscere causas, speciem quandam intellectus præbeant. Quemadmodum sæpius his nostris vidimus oculis, penes Magos fuisse animalia, quæ miras gesticulationes motionesque edebant. Tale est, quod narrat Valer. *lib. 1. c. 8. de Mirac.* de serpente illo Æsculapii, quem Romani volentem & intelligentem, & quædam rationis, religionisq; nec non diuinitatis signa dantem, Epidaurum Romam aduexerunt. Huius etiam est generis, quod narrat Philostratus *lib. 5. c. 15* de leone quodam mansuetissimo; fabulam legat, qui volet, recenset eam Paterius *lib. de Mag. c. 6*. Ex hac familia fuit Canis ille cæcus & rufus, quem Andreas Italus & præstigiator satanicus circumducebat, & per eum multa prodigiosè

operabatur. Si quando in foro circumstante turba confisteret, annuli aurei, argentei, terrei à tergo canis in terram deponebantur, quos ubi Andræas ille contextisset, canis ex iussu eius singulos ordine depromptos suis reddebat Dominis.

Eodẽ modo varias monetas nummularosq; confusè aceruatos, iussus ordine discernebat. Interrogatus quinam fornicatores, mœchi, auari, vel magna auctoritate & potentia præditi essent, eos minimè aberrans commonstrauit; & si quid seorsim de aliquo ex ipso quæreretur, ad id nutu respondit. Hæc & similia miranda, sine vlu rationis & prudentiæ à bestiis fieri non posse, iudicat vulgus.

Longè faciliùs erit ipsis efficere, ut vitiatis organis corporeis homo loqui volens, latrare, vlulare, crocitare, hinnire, grunnire, rudere, rugire audiatur. Constat enim id artificio quodam naturali nonnullos feliciter consequi. Nos qui loquimur, hominem vidimus proximè elapso anno, qui Pragæ Bohemorum
in co-

in eodem nobiscum hospitabatur diuersorio, hic ad mensam in multorum eminentium virorum præsentia iam ululabat, iam crocitabat, iam latrabat, iam huius nunc alterius auiculæ vocem imitabatur, & cantiunculas vocesque singularum auium adeò suauiter feliciterque & bene æmulabatur, atque exprimebat, vt admirarentur ipsum omnes, & hominem eum esse subdubitarent, alii stupidè stupebant.

Sed an voces bestiarum Magi intelligant? quæstionis nostræ membrum est, & dignum consideratione nostra. Si intelligunt, mirabilissimum, aut, si maius, mirificissimum augurandi genus habent.

Ast haud credimus, aut saltem ægerimè; Etsi fama sit & communis P O R P H Y R I I & P H I L O S T R A T I sermo, ex quo colligimus, A P O L L O N I V M Tyanæum omnium auium voces intellexisse, quem aiunt, aliquando passeret lætantes, & S C R I P, S C R I P, S C R I P, cantillantes intuitum, dixisse præsentibus non paucis, illos significare ceteris, asinum collapsum milium,

L 2 quod

quod portabat, disrupto sacco effudisse, quare esse vnde genialiter viuerent, & vberrimè pascere. Illud cum visum esset miraculum & oraculum audientibus, addunt, nonnullos studiosè spectatum accurrisse, an vera essent, quæ nunciarentur, atque sic rem inuenisse, vt dicta fuerat. Philostrat. & Porphy. de Anima, hirundinem fuisse dicunt, sed verisimilius est, passerem fuisse, vt scribit Eunapius. Hirundo enim non pascitur frumento; nec milium nos credimus fuisse, sed triticum. Quis verò nescit, Apollonium Magum fuisse?

Sæpe immensa caui spirant mendacia folles.
Volebat hoc facto fingere, se garritus auium intelligere, quod veteres etiam de Tiresia & Melampo fabulabantur. Sed sunt hæc nihil aliud, quàm vanitates & immundissimorum spirituum fallacissimæ præstigiæ.

Interim miramur, & supra modum admiramur Democritum, qui hanc artem docuit, & pharmaciam ad concipiendam eam præparauit. A quibus ineptiis non fuit alienus Hermes, qui ait, quod si quis certo die Calend. Nouemb. egres-

egressus ad venandum, primam auem, quam cœperit, coxerit cum corde vulpis, omnes qui ex ea esuri, auium cæterorumque animalium voces intellecturos. Et Plinius idem credidisse videtur. Vid. Bodin. *Dæmon. lib. 1. c. 5.* & Plinium *libr. 10. c. 49.* Tradiderunt etiam Arabes eos brutorum callere sensa, qui cor & epar draconum comedant, at mentiuntur. Mentitur quoque Agrippa *in Occult. Philosoph.* cum alicubi dicit, esse quandam herbam, qua comesta, hominem omnium auium intelligere voces.

Nam cum aues cæteræq; bestię ratione careant, nequeunt discursu vti, qui ad sermonem ex instituto proferendum est necessarius. Fatemur tamen ingenuè & libenter largimur ipsis, posse bestias vocibus suis suos appetitus aut affectus aliquos indicare, & horum notitiam posse diuturna diligentique & accurata observatione ab hominibus deprehendi; & posse Dæmonem, qui hos habet cognitos, Magos docere; quod an velit facere, aut an vnquam fecerit, ignoramus; non est incredibile, eum fecisse. Sic admittendum est illud, quod scribit Agrippa

in Occult. Philosoph. libr. 1. cap. 55. Omnis vox cuiusque animalis significatiua est, alicuius animæ suæ passionis, vel affectus læti, vel tristici vel iracundi, quas voces ab hominibus circa has exercitatis intelligi posse, non est adeò admirandum.

Ex istis denique coniiicere est, bestias sese inuicem intelligere, quæ sunt eiusdem speciei, quoad affectus scilicet corporis motus & appetitus belluini, docet id experientia. Exemplum habe in scorpio Lybico, qui cum solus hominem ferire non valeret, reuertebatur cum pluribus, & hominem coniunctis viribus adoriebatur. Et in pisce quodam in fractum laqueum euadente, aliisque periculum indicante, & præmonente ut fugiant. Et in alio genere piscium, quod cum sentit, se piscatoris sportulam intrasse non ex antica parte erumpit, nec infestis viminibus caput ingerit ac inserit, sed crebris caudæ ictibus ex aduerso tores laxare incipit, atque ita resiliit, quem ludantem, si alius fortè eiusdem generis viderit, ut erumpere satagantem adiuet, cauda illius ore suo apprehensa, prout

prout potest, eum liberare & extrahere contendit. De Elephanto denique dicunt, quod si in lutum inciderit, ex quo eluctari & sese extricare nequeat, clamaveritque, ut socius id aliquis exaudiat, socium conuocare gregem Elephantorum, & adducere, ut opera communi feruent immersum. Ad hoc Porphyrius conatus fuit probare aves scientiam habere vocis cantusque sui generis avium, & quod ipsis commodum sit, aliis ostendere; huic consentientes, subscribimus.

QVÆSTIO XIV.

*An possit Damon facere, ut homo sit avaj-
dent, id est, ut non sentiat, vel ut lon-
gissimo tempore dormiat, aut fa-
mem longiorem su-
stineat?*

VT incipiamus ab ultimis, nemo ambiget, posse Diabolum efficere, ut homo aliquot mensium ferat inedia, cum id naturaliter contingat. Et sunt auctores, qui multorum annorum

agnoscunt famem naturalem; licet Hippocrat. libr. de Carnib. neget ultra septimum diem famem naturaliter prorogari posse. Quod verum est; si de illis intelligatur, quibus ventriculus & ieiunum intestinum humore chilofo vacant, in quē calor naturalis possit agere. Tum enim fieri solet, ut intestinum illud interea concreascit, atque ita homines emoriantur. Verū si in corpore fuerit residuus humor phlegmaticus, crudus, lentus, viscosus ex morbo, vel alia causa præcedente proueniens, illo naturalis calor utetur pro alimento, & homo viuet sine cibo & potu, donec totus absumatur, absumptus homo morietur. Idem futurum dicemus, si ex cerebri humectatione materia quædam subtilis & pituitosa à capite in corpus descenderit, atque corpori in alimentum & pabulum cesserit. Tunc enim quicquid à corpore expiratur vel diffluit, id continuo ab hoc humido in pabulum conuerso restituitur, nec sic homini cibo opuserit, donec hic humor penitus consumatur & deficiat.

Hanc inedia longæ causam fuisse arbitramur in virgine, biennium se à cibo absti-

abstinente, & postea pro more hominū
cibum resumente. Caspar Hed. *lib. 7. c. 14.*
Et in puella ex pago Rod non procul à
Spira, per aliquot annorum spatium ci-
bos prorsus nullos assumente, corpore
interim vegeto, viuido & fortissimo, nec
macie tentato vlla, quæ Ferdinandi Im-
peratoris iussu Medicis obseruanda &
custodienda tradita, ad inquirendam rei
veritatem, qui tum nihil doli aut fraudis
subesse animaduvertebant, & diligenti
obseruatione obseruabant. Casp. *Goltz-
wurm de Mirac.* Similia ieiuniorum ex-
empla pete ex Hen. Cornel. Agrippæ
Occult. Philosoph. lib. 1. c. 58. Prompt. Hon-
dorff. *Præcept. 3.* Consule etiam Wierum
in libell. de Commentit. ieiuniis. Notandum,
quod venerandus noster Agrippa *d. libr.*
& c. 13. esse annotet quandam herbam
Spartanicam siue Scythicam, qua gusta-
ta, vel saltem in ore retenta, Scythas XII.
dierum famem sustinere. Hæc si natura-
liter fieri possunt, cur minus efficere
possit versutissimus Dæmon, non vide-
mus? Absit verò vt sanctorum hominum
excedentia naturam ieiunia in hanc
classẽ annumeremus. Deus enim eos

sine corporali sustentat cibo, diuina sua virtute.

Huc refer Nicolaum de Petra vitam agentem angelicam & XXII. annos absque cibi corporalis vsu traducentem; & fœminam in XXX. annum nihil cibi capientem.

Nugiuendus autem est Rogerius Baconius, hoc stellarum influentiis adscribens. Cur hoc si ita est, vni duntaxat, & non alteri quoque vim hanc tolerandæ inediæ, in commune suum influxum demittentes largiuntur? Sed heus Rogeri nuces repete tuas, atque bulgæ tuæ easingere & lude cum aliis.

Diuertamus iam ad alia. Quæstionis etiam est, an Dæmon facere possit, homone sentiat? non ita vt corpus prorsus sit ἀναισθητον, & nullam habeat sentiendi potestatem; sed vtrum possit efficere, actū ne sentiat, quod natura sensile est? Testis est Iamblichus noster *de Myster. Egypt.* multos Prophetarum admoto igne non vri, vel si vrantur adustionem non sentire, nec alia tormenta qualiacunque? subdit fieri illud, si ΝΥΜΙΝΕ afflentur. Numini acceptum refert, quod

quod ignem repellat , & cætera hebitet.

Sed quod illud est NVMEN Iamblichi Magi? dic bone Iambliche! an non Dæmonium? Qui isti sunt vates , qui Prophetæ? an non Dæmonis intimi , an non eius familiarissimi? id est , Magi?

Quare euidenter hic videre est , hinc colligere est , quid Dæmon hac in re poscit , ex quo nostræ quæstionis effatum redditur probabilius.

Post illa constat etiam omnibus , Gentiles censuisse Magico carmine aciem gladii sic retundi posse , ne vel leui vulnerere cutem queat perstringere nostram. Quid? quod hodie quidam impii & temerarii milites inueniantur , se immunes & tutos fore ab omni omnium armorum vi , atque adeò inuulnerabiles ; existimantes , si certo ritu arma incantent , vel impio & sacrilego ausu CRUCIFIXI imaginem compungant , detruncant , confringant , imminuant ; vel si gestent & superinduât indusia lintea , formidabilibus picta , & inscripta imaginib.
ad for-

ad formam facierum, siue laruarum Diabolicarum, mit *Teuffelsköpffen* / quæ indusia ab inferno nomen habent, *Hellehempter* / vel à Diabolo, *TeuffelsKöcke* / aliis dicuntur *Nothembter* / & nomen sortuntur, quia in necessitate vsurpantur, & suum præstant auxilium. *Wier. lib. 5. c. 18.* *Spreng. in Mal. Malef. part. 2. q. 1. c. 16.* vel si de collo suspendant, ferantque periapta; vel vestibus insutas membranulas variis characteribus ac barbaris Dæmonum nominibus insignitas penes se habeant, quales nos vidimus, legimus, & inuenimus, cum apud nobiles, tum ignobiles. Sunt qui oratiunculas quasdam sine dubio à nefario & impio aliquo Magicæ artis Magistro impiè conscriptas à latere habent, quas falsò & mendaciter adscribunt D. Leoni, vel Carol. Magno Imperat. Sed reuerà nugæ sunt, quas Diabolus suis cultoribus vendit & obtrudit, vt habeant queis sese oblectent, aliosq; eò facilius illaqueent & strangulēt. Oratiunculæ istæ cum paucis diebus antead nos ex Italia typis elegantissimè excusæ venirent, eas vt vidimus, vt legimus, abiecimus ac detestati sumus, tanquam

quam Diaboli sacramenta, deß Teuffels
Heiligtumb/ capiant qui velint. Martin.
Delrius nouisse se scribit Studiosum
quendam, nomine Quirinū, I. V. Bacca-
laureum, schedula eiusmodi confisum:
postquam sese audaciter sæpè ac petu-
lanter multis iurgiis, multis pugnis im-
miscuisset rarò saucius, tandem Romæ in
symposio accepto leuiculo vulnere, mi-
serè periisse. Huc referendam esse senti-
mus historiam de Scaphio, quam hisce
auctor Formicarii recenset verbis : In,,
territorio Bernensium primus auctor,,
veneficiorum fuit quidam Scaphius di,,
ctus, qui publicè de hoc gloriari sole,,
bat, quod quodcumque vellet, ipse,,
se omnium suorum in æmulatorum ocu,,
lis veluti murem facere valeret, & dilabi,,
à manibus inimicorum suorum lethali,,
um : & ita capitalium suorum inimi,,
corum manibus sæpe, vt dicitur, euasit.,,
Sed cum terminum eius malitiæ diuina,,
iustitia facere voluit, tandem per hostes,,
suos in stussa quadam prope fenestrā,,
quandam sedere explorabatur cautè:,,
quo in loco, cum nullum de sibi insidi,,
antibus suspectum haberet, per fene-,,
stram

stram gladiis & hastis inopinatè trans.,
fixus est, & ob sua facinora ibi mor-
tuus miserabiliter. Hæc Niderius.

Videsne vt Dæmon suos deludat, vt
circumueniat, vt præcipites det in peri-
cula, ex periculis in præcipitia peccato-
rum, ex peccatis in barathrum infer-
ni?

Porro tormentorum etiam sequitiam
scimus quotidie maleficos in eculeo elu-
dere & contemnere, omnem cruciatum
vel risu, vel somno, vel silentio superare;
idque cooperante clam Dæmone. Hi
enim pacto nitentes Dæmoniaco, ple-
runque periaptis & oscillis, vel cineri-
bus infantulorum ante Baptismum ne-
catorum vtuntur. Spreng. *part. 3. question.*
14. capitulo decimo quinto. vel corporalli-
gatis membranulis, cum certis caracte-
ribus, aut malo carmine. Exempla sug-
gerunt, qui de criminalibus iudiciis scri-
psere.

Alii inunctiones adhibent & pharma-
ca naturalia ex opio, solano, & similibus
confecta, quibus perturbatis prius hu-
moribus, sopor altus conciliatur, ner-
uorum origines obstruuntur, sensus stu-
pefit,

pefit, sensatio impeditur; quod ipsum Dioscorides & Aloertus Magnus *libr. secret. pag. 363.* tradunt de Memphite lapide, qui tritus ac membris, quæ vrenda, secanda, torquenda sunt, adfricatus, vel cum aceto adlinitus facit membra obstupescere, vt nullum sentiant cruciatum, imò & totum corpus in stuporem resoluit, vt refert Paris. de Puteo *in tractat. de Syndicat. cap. de tortura. leg. 2.* Item Grilland. *de Tortur. capit. 4.* De Memphite acutè differentem vid. Scalig. *exer. 331. sect. 3.*

Similem Dæmonis operationem demonstrant vestigia illa, siue notæ à Dæmone vnguibus impressæ lamiis, ubi totus ille locus, cui vestigium inhæret impressum, ita exsanguis est, ac sensu labefactatus omnino, ne acus quidem altissimè admittitur, aut dolorem faciat vllum, aut sanguinis eliciat guttulam. Vide eleganter & copiosè Remigium *libro primo Damonolatriæ, capite quinto.*

Nunc reliquis occurramus: Narcoticis istis Pharmacis diuturnus somnus
con-

conciliari potest, ut fuit somnus istius rustici, qui sese sub fœni aceruum reclinans, continenter ibi autumnum & hyemem dormiuit: ut fuit somnus scholastici cuiusdam Lubecensis, qui se Lubeci in templi spelunca abdens, illic VII. totos annos dormiuit, & experrectus à suis fuit agnitus. Albert. Crantz. *lib. 8. c. 39.* Hæc recentiora! plura petes a Fincelio *lib. 1. de Mirac.* & Epimenidis Cretenfis Theologi, qui an. XXXXVII. obdormiuit in spelunca, quam fuerat ingressus ambulando & quærendo ouem amissam fessus: (alii numerant plures annos, ut Laertius & Pausanias LXXVII. alii pauciores) & somno solutus, putauit, se paulisper dormitasse, & ouiculam quærere perrexit. Vnde natum Prouerbum: *Ultra Epimenidem dormire.*

Huius diuturnæ quietis siue somnolentiæ causæ naturales dari possunt, quod multis probare conatus fuit rationibus Marcus Damascenus. Nam cum cæteris, ut inquit ille, animantibus natura concessum sit, ut sine cibo potuque, sine excretionem, tabefactionem, sine corruptionem pluribus mensibus dormire possint, id
etiam

etiam homini, siue hoc accidat illi potione aliqua venefica, aut ægritudine soporifera, seu meticuloso quodam sopore, aut similibus de causis, non est detrahendum. Xenocrates verò Philosophorum non infimus longæuam hanc quietem pœnâ esse, certis quibusdam animarum demeritis ab æterno destinatâ, putauit. Et nos putamus quosdam extitisse, qui somno adeò diuturno oppressi immisso à Deo miraculosè quieuerunt. Tales fuerunt septem dormientes, quorum somnus ann. 196. durauit, & aliorum septem, de quibus Paul. Diacon. & Methodius Martyr. Sed hæc missa faciamus.

QVÆSTIO XV.

An Daemon possit facere, vt homo mortuus verè resurgat?

Sermo hæctenus fuit de iis, qui profundo & diuturno consopiti somno instar mortuorum iacent, illi si opera Daemonis ita consopiuntur & obdormiscunt, ab ipso ex facili, somno soluti, resuscitari possunt. Sed iam nunc quæstio concutienda venit, an qui verè mortui, arte Dæ-

M monis

monis excitati , verè resurgere possint? Negatiuam sententiam tanquam verissimam , tota cohors cum Theologorum , tum Philosophorum nobiscum amplectetur, licet Magi contendant , esse herbas quasdam & Magicas confectiones, quales ex cinere Phœnicis & serpentum exuiis confici tradunt, (quod lectio Agrippæ suppeditat) quibus mortui ad vitam reuocentur. Xanthus Historicus testis etiam est, herba Bali occisum Dragonis catulum , à parente vitæ restitutum, eademque Tillonem quendam, quem Draco occiderat, resuscitatum. Et Iuba refert, in Arabia herba quadam alium reuocatum ad vitam.

Verùm Henricus Cornel. Agrippa rerum occultarum solertissimus & felicissimus perscrutator , à nobis sæpe laudatus, cui nos succum & sanguinem debemus , non pessimè opinatur fieri tale quid posse in animantibus. De homine dubium ipsi est. Certum & manifestum, inquit ille, est, muscas submersas si ponas in cineribus tepidis reuiuiscere , & apes submersas similiter vitam recuperare in succo nepetæ , aut in ficulneo cinere;

& anguillas aquæ defectu mortuas, corpore integro existente, si ponas sub fimo, in aceto, & addas quid de sanguine vulturis, paucis diebus post reuocari ad vitam; remoram siue echeneidem si in frusta discerpas, & in mare proicias, paulò post partes conuenire, coalescere, reuiuiscere; & Pellicanum pullos mortuos sanguine proprio vitæ restituere. Leunculum quoque defunctum voce & spiritu parentis resuscitari. Idem mustelæ ius esse in Catulo audiuius. Vid. Occult. Philosoph. libro primo, capite trigesimo octauo.

Censemus equidem animalia equiuoca, quæ per putrefactionem etiam nascuntur, ea posse à Diabolo viuificari naturalibus remediis, quia Diabolus nouit vim caloris putredinalis & alia requisita. At tamen animalia eiusmodi non erunt eadem numero, licet materia, si modo ea nondum fuerit corrupta, eadem sit; anima non erit eadem de nouo eius potentia producta, cum ea quæ perierat. Nam à priuatione ad habitum non datur regressus. Aristoteles 5. *Phys.* & 2. *de generat.*

Exinde asserimus, cum resurrectio requirat numericam identitatem resurgentis, tum quoad formam, tum quoad materiam, earumque unionem, eandem saltem specificam; solum hominem rectè & præcipuè dici resurgere. Homo enim, ut qui solus immortalis, eandem retinet formam; cætera insecta, si quando viuificantur, improprie resuscitari dicuntur. Simpliciter igitur loquendo, nec animantia ut resurgant efficiet Dæmon. Multò minus valebit animalia perfecta, siue vniuoca, vitæ restituere, cum illa perfectiores requirant dispositiones, accuratioremque organorum singulorum præparationem, quæ non nisi naturalis feminis virtute confici possunt. Quamobrem si fortassis talia nonnunquam sunt visa reuiuiscere, aut ope Magorum siue Medicorum excitata resurgere, existimandum est, ea nondum fuisse mortua, sed mortuis simillima, ut sunt animalia quædam, quæ certis anni temporibus immota quiescunt, quasi mortua, aduentante iterum vere à calore excitantur & prodeunt, ut quæ vitæ reddita: accidit hoc gliribus, vrsis & passeri vitulino

lino apud Mexicum test. Cardan. *lib. 7. de rer. varietat. c. 36.* Idem hominibus, in quibus mirabilis est, quibusdam in Leucoria regione Rusciæ habitantibus, quotannis à 27. IXbris, ad 24. April latentibus, contingere scriptum reliquit Guaguinus in *descriptione Moschouia*, & id ipsum ex relatione Sigismundi Baronis de Herbertstein, & Michaelis Bapst/ refert Henricus Kornmannus *libr. de Miracul. mortuor. part. 2. c. 21.* Quod totum nobis fabulosum videtur: aut si verum, tamen præstigiosum, & arte Dæmonis confictum, qui in mancipia sua in istis regionibus mirè & efficaciter illudit, homines diabolicè vexans, ad dissidia & bella eos accendens & instigans (vt Neuros vexat in Lycanthropia.) Et prolixius narrando addit Guaguinus, eos, cum sibi mortem imminere sentiunt, merces suas certis in locis deponere, quas Grustensii & Sarpouvvutzii in confinio populi suis mercibus interim æquiualentibus eodem loco relictis auferunt: illi reuiuiscences permutatas merces, si iustæ videntur, pro suis accipiunt, sin minus iustæ probæq; suas repetunt; vnde lites

& bella sapissimè inter illos oriuntur, ad nutum & ad voluntatem Dæmonis coludentis.

Ad priorem fraudem refer, quod refert Petrus Aponensis, visum à se præstigiatores, qui taurum ei in aures concepta quædam verba immurmurando ceu mortuum humi prosternebat, illumque repetitis eisdem verbis suscitabat, atque in pedes erigebat: hic si taurus reuera fuisset mortuus, nulla vi Magica suscitari potuisset, ut fatetur Zambre Magus Iudeus. Illud enim neque Dæmoni, neque Dæmonis seruulo possibile est, sed soli Deo, & cum quo ipse communicauerit; sicut B. Germano Britonum Episcopo, quia asinum in vitam reuocauit, ut insigni miraculo ostenderet, solum asinum præ cæteris post hanc vitam immortalitatis participem reddi, & æternæ vitæ consortem fieri. Agrippa in Encomio Asini, quod fortassis ioculariter dictum alicui videbitur.

Cum igitur præstigias Satanæ & Magorum hic deprehendamus, vel tum maximè etiam cœcutientibus eæ obuiæ erunt, quando promittunt, se ex lapidibus,

bus, lignis, leones luposque producturos.

Tales præstigiatores nos vidimus, qui in spectaculis publicis, ex terra subito existere & prodire leones, luposque faciebant.

Ast demens adeò, adeò stupidus & insensatus quis est? qui ignoret eiusmodi animalia perfecta, citra supernaturalem vnus Dei potentiam, nulla ratione gigni posse, nisi ex semine, nec ad iustam mensuram & magnitudinem, nisi statis temporum interuallis, peruenire posse.

Nunc ad hominem deueniamus, in quo suscitando prorsus prorsus nullam Dæmonis potestatem agnoscimus. Nullo modo potest Dæmon efficere, vt homo à mortuis resurgat; siue vt anima hominis corpus suum subintret, illud informet atque viuudum reddat: quia à perfecta & totali priuatione, vt docet Philosophia, non datur ad habitum regressus. Res igitur hæc cum sit plena miraculorum, soli DEO competit. Nequit etiam Dæmon corpus informare, quia substantia perfecta substantiam aliam

ut partem non producit aut comparat. Nec animam à corpore leparatam rursum illi immittere potest, ut id informet: Ratio est, quia vnicus est modus naturalis vniendi animam corpori, per generationem scilicet corporis, & infusionem animæ. Supernaturalis modus est, qualis interuenit in resurrectione mortuorum, soli Deo competens & possibilis. Hinc rectè venerandus Agrippa docet in *Occult. Philosoph. lib. 3. c. 42.* eum, qui animas corporibus verè restituere velit, scientem esse oportere, quæ animæ sit natura propria, vnde progrediatur, quantis & quot gradibus perfectionis referta, qua intelligentia communita, quibus mediis in corpus diffusa, qua harmonia cum ipso fuerit compacta, quam affinitatem habeat cum Deo, cum intelligentiis, cum cælis, elementis, cæterisque omnibus denique quibus influxibus compaginatū sit corpus; hæc omnia requirit ars suscitationis mortuorum, quæ non hominum, non Dæmonum est, sed solius Dei, in quem solum cadit, & cui ipse participare velit. Sicut Elisæo viuenti & mortuo; qui viuus filium Sunamitidis mor-

tuum reuiuiscere fecit, *lib. 4. Reg. c. 4.* mortuum alium mortuus vitę restituit, *4. Reg. c. 13.* Sicut Elę Prophetę, qui Sareptanę viduę filiolum, vnicum eius vitę solatium, vitę viduę redditum restituit, *lib. 3. Reg. c. 17.* de quę doctissimę differentem quęsumus industrius lector videat Francisci Vallesii Sacram Philosophiam *cap. 35.* Et sicut Beat. Antonio, cuius corpus cum à Theophilo duceretur per eremum, inuenit in eremo tria mortuorum cadauera à bestiis occisa, quib. cū imposuisset Theophilus B. Antonii corpus, ocyus surrexere, & sequuta Beati corpus vsque ad Constantinopolim, quemadmodum extra iocum religiosę & reuerenter scribit Diuinus Agrippa *in Serm. de inuentione reliquiarum. Beat. Anton. Eremita.*

Sicut denique Beat. Ceslao infantem aquis suffocatum post dies octo vitę restituenti, & tres alios suscitanti, & Stanislao Episcopo Cracouiensi, qui à mortuis suscitatum coram Rege sistebat, & hominem alium à triennio mortuum reuocabat ad vitam. S. itidem Iacinto de familia Comitum Odrouons, duos ado-

lescentes in aquis submersos in vitam restituenti, & alios tres diuersis temporibus & locis excitanti. Ceterisque Sanctis natione Polonis eadem & similia multa miracula adistente virtute diuina edentibus, quorum seriem & ordinem beneuolus & pius Lector piè ac reuerenter penitiusque introspiciet, si viderit Tabellas decem Generosissimo puero Thomæ Zamoyiski, Iohannis Regni Poloniæ Magni Cancellarii & exercituum Præfecti filio dicatas, Coloniae ære elegantissimè excusas & affabrè extructas, sumptibus Petr. Ouerradt, Typograph. Colonienfis.

De cæteris. Potest Dæmon insinuaré se in cadauer defuncti alicuius, illud gestare, mouere & alia facere, omniaque viuientis opera æmulari, ad tempus, ex quibus videatur viuere, quod Magi ex pacto per superiores Dæmones inferiores sepius cogunt ita moliri & efficere, vt ingressus, gestus, motus ad viuum repræsentent, edant, bibant, ludant, gaudeant, genialiter viuant, Veneremque exerçant. Huc facit Citharistriæ Bononiensis historia admirabilis, quam
habet

habet Peucer. *de Diuinat. gener. pag. 14.* Et de Clerico illo supra humanam sortem vocis suauitate eccellente. Et historia alia non minori digna admiratione, de Nobili Bauaro & sua coniuge ex orco redeunte, domi rem curante domesticam & liberos parturiente, de qua sup. quæst. IX. recenset rem pluribus Geor. Sabin. *in Interpretat. Fab. Ouidian. libr. 10.* Vid. etiam Promptuar. exempl. Hondorffii, *Præcept. 2.* Huc & illud mirum Colonienſis, quod edidit vxoris cadauer, ex busto & inferno per auaros pollinctores erutum, domum rediens, marito prius mœſto dereliçto gaudia reddens, & trium filiorum patrem eum faciens; cuius rei simulachrum ære concinnè excusum superioribus diebus Decembris vidimus Wormat. in celebri diuerſorio, cui Index aureus Cygnus. Huic loco annectit Martin. Delrius, factum Louanii, quod contigisse ait, de Henr. Cornel. Agrippa, & commensali eius Studente curiosulo, quod omnino falsum esse pronunciamus, & pro menſtroſo mendacio in caput Agrip. à maleuolo quodam confictum & contortum, idq; non factum, sed fabulam denominamus. Sed

Sed obiiciat nobis aliquis, non Poetarum solùm, sed & Gentilium, aliorumq; Historicorum de resuscitatis, & ex inferno reuocatis, narrationes historica fide comprobatas, aut vetustatis fide tutas. Nam multos legimus ipsi, aqua submersos, alios ignibus iniectos & rogo impositos, alios in bello occisos, alios aliter exanimatos, post plures dies reuixisse. Quemadmodum de Auiola viro Consulari, de L. Lamia viro prætorio, C. Ælio Tuberone, Corfidio, Gabieno & aliis narrat Plinius *lib. 7. c. 52.* De Æsopo fabulatore, Tindareo, Hercule, Glaucò & similibus Poetæ, de Zacla Ægyptio; Apuleius *lib. 2. de asin. aur.* De suscitatis ab Apollonio, Philostrat. *lib. 6. de vit. Apollon.* De suscitatis à Simone Mago, Clemens *in Itinerar. & Ægesip. lib. 3. de Excid. Hierusal.* De à Cynope Prochorus. De Ero Armenio Plat. *lib. 10. de Repub.* Auctores oppidò graues & vetusti sunt, rei tamen fidem non iuuantes. Aut enim meræ sunt Dæmonum & puræ putæ præstigiæ, & delusiones, quibus conatur illudere in Filium Dei, aut prorsus sunt fabulæ, in hoc à Philosophis confictæ, vt metu inferorum

ferorum à peccatis homines deterriti
pietati diligentius studerent, vt illud de
Hero Armenio genere Pamphylio apud
Platonem. Aliquando etiam corpora
mortuorum furatur Dæmon, substituens
alia aerea siue elementaria, quæ mouet
tanquam vera & viuentia. Ita cum cor-
poris Romuli furem fuisse didicimus ex
Liuiio, & Cleomedis, & Alcmenæ, & Ari-
flexæ Proconæsi ex Plutarcho & Hero-
doro. Sic alios ad tempus eum subornaf-
se & substituiffe censeamus pro Glaucō,
Tindareo, Ero & similibus; vel ipsum
subeundo eorum exuias fucum fecisse.
Nam, vt paulo antè diximus, permittēte
Deo, potestas ipsi est, vt quæ vera cada-
uera sunt, vel etiam phantastica, fingat
viuere, mouens illa, postquam est in illa
ingressus, non aliter, quàm nautę nauim,
vt viuentium similia opera gestusq; imi-
tentur. Huc refer illud Simonis Magi fa-
ctum, & Cynopis ex Prochoro, cuius Hi-
storiam in lucem edidit Michael Nean-
der, & Iohann. Tritheimii ex Augustino
& Ercheimer/ & Iohann. Faust. ex context.
histor. vulgar. His affinia sunt, quæ narrat
Nicol. Remig. *lib. 2. Demonolat. cap. 1.* quod
elegant-

eleganter & neruosè, vt omnia scripsit, quo diligentem Lectorem remittimus, inueniet quo sese oblectet, oculos, animumq; pascat. Et si quis est, qui narrationes integras penitus cognoscere & legere gestiât, is consulat Fulgos. *lib. 1. de Mirac. cap. 6.* Valer. Max. *cap. 8. lib. 1.* Iohann. Rauis. Textor. *in Officin. pag. 602.* Domit. Brusonium *libr. 4. cap. 9.* & Dn. Henric. Kornman amicum & fautorem nostrum summò colendum, *in de Miraculis mortuorum.* ab ipso studiosè & doctè annotatas.

Postremè ne quid silentio prætermittamus, rem fusiùs tractabimus, ad detegendas fraudes & illusiones Dæmonis, adumbratoris operum Dei maximi, in his tamen nihil nisi ad speciem præstantis, adeò vt vel canis podicem inspicientibus, vel etiam cæcis hæ præstigiæ illucescant, affulgeant & obuiæ sint. Potest Dæmon facere, vt interdum spiritus humani corporibus inclusi maneant, & motus occulti sint, deuinctique sensus, adeò vt uiuantne, an non, eiusmodi corpora, non facilè intelligatur, vid. Agrippam *de Occult. Philosoph. lib. 3. c. 42.*

Fingit

Fingit itaque & ad speciem exhibet mortuos, qui reuera mortui non sunt; in hoc vititur non rarò immiffione morborum naturalium, quos *αἰσάνες* vocamus. Exempli gratia, si sint apoplectici, siderati vel attoniti. Hi enim cerebro communi neruorum principio vehementer afflicto, amittunt sensum & motum omnium membrorum, quibus amissis, instar mortuorum concidunt. Item si caro, capitis percussione corripantur cum leni febricula, humoribus cerebrum infestantibus, adeò vt totius inde corporis stupor sequatur, comitante eum somno profundo, fit vt homines luminibus clausis longissimo quandoque tempore ceu mortui iaceant, & extinctæ animæ speciem præbeant. Itidem si patiantur animæ deliquium, qui morbus cum inter cætera aliquando motus arteriæ pulsusque amissionem adferat, homines verè mortuis reddit quàm simillimos. Nam in hisce delitescit anima, quæ postea rursus corpus spiritu vitæ imbuunt. Hinc lege cautum esse conuenit, ne libitinarii ac vespillones præ-

præproperè, quos ita mortuos existimât, extinctâq; animæ speciem præbere vident, oculis includunt.

Tali morbo correptum fuisse celeberrimum Iohan. Duns Scotum, & pro mortuo sepultum, plurimi autumant. Iouius in Elog. Simili morbo affectum fuisse Enarchum, qui à Medicis pro mortuo habitus & relictus, (*ut in lib. de Anima Plutarchus scribit*) non multò post ad vitam reuersus, reuertit, & Dæmones illos, qui eum vita abstraxerât, grauitè à Principe Dæmoniorum incipitos fuisse affirmavit, quod eum pro Nicauda Coriario rapuissent, qui eodem die & hora febris correptus eo morbo decessit. Neque vero hac re contentus, ad testandam resurrectionem suam Plutarcho, qui tunc laborabat, breui incolumem eum fore prædixit, atq; ita contigit. Similiq; morbo afflictum obrutumq; fuisse Auiolam, qui in rogo se viuere proclamauit, & auxilium Pædagogi inuocauit; sed flammis circumdatum Auiolam seruare, aut fato subtrahere non potuit; nostra est sententia. Ex horum nosodochio non relegandus videtur Pamphylius ille Platonicus, qui

qui decem diebus inter in acie cæcos delitescens, ad rogi allatus, incallescens, reuiuiscens miranda tempore mortis mentitæ sibi visa narrauit. His vltimò adde, quem Asclepiades tempore Pomp. Mag. Medicus celeberrimus, mortuum è funere retulit & seruauit.

Fœminas denique, quæ strangulationes matricis & hystericas passionés sustinent, quarum vulua, vt inquit Plinius, si corrigatur, spiritus restituitur, pro mortuis sæpè iacere, in confesso est. Ita mortuam fuisse puellam illam, quam Apollonius ad vitam reuocauit, nostra est sententia. Idem de Alceste quadam ab Hercule vitæ restituta; & de illa similiter, quam Heraclides post septimum diem, qua discesserat, ad vitam rediisse testatur, iudicamus.

Sed satis multùm diuq; in præsentiarum de præstigijs, aut simulatis, aut tantùm in speciem factis resurrectionib. diximus, à quibus CHRISTI IESU humani generis redemptoris, vitæ ipsius datoris, miraculorum verissimorum verissimi artificis; aliorumq; sanctorum virorum miraculosas resuscitationes, ex

N

facili

facili cuius erit discernere, & artificem ab impostore & præstigiatore dignoscere.

Tenunc ô dulcissime & mitissime IESVCHRISTE, lucis ac vitæ dator ac conseruator, te seriò & ardentè oramus, vt nos misellos homunciones in resurrectione vniuersali mortis somno solutos resuscites, non cum iniustis ad ignominiam, sed ad gloriam cum omnibus iustis nos recipias, nos, qui nos tibi damus atq; tradimus in manum, vt nos tecum & te nobiscum nobis reddas, qui summa es bonorum omnium, semper adorandus cum Patre & Spiritu Sancto, viuens gloriosa per omnia secula.

QVÆSTIO XVI.

*Quæ Magorum potestas in ipsos Cacodæmones,
& in Spiritus Familiars?*

INcomperto esse arbitramur omnibus sani cerebri sanæque mentis hominibus, nihil virium Magis in bonos Angelos esse; in malos verò nihil etiam *ἐξουσίας* seu potestatis eos habere, non solum *δηλόν*, sed & *αἰδηλόν* est, NISI EX PACTO. Fingunt

Fingunt ac simulant itaque Dæmones, se à Magis cogi, quibus spontè & vltro obtemperant, vt plures irretiant, irretitos tenacius retineant, suaque in nassa arctius constringant, dein ex charybde in scillam propellant. Ratio est, quia spiritus superiores ab inferioribus hominibus nullo modo cogi possunt. Nulla enim substantia corporea potest agere in substantiam incorpoream, eiq; vim aliquam inferre. Exinde infertur primò, vanam esse iactantiã Magorum de potestate in Dæmonas. Ergo nulla? Diximus *ex Pacto*. Cum igitur omne imperiũ, omnis *legis* Magorum in Dæmonas oriatur, pendeat & consistat in fœdere siue pacto cũ iis inito; sequitur sanè, si Magus quispiam pactũ & amicitiam (quam Peucer non ineptè *auxiliu* indiget) habeat ac colat cum superiore, nō posse Magũ vim facere huic superiori, posse tñ ex pacto per hunc superiorem ex iure amicitia & pacti famulantem, iuuantem inferiores & debiliores cogere ad faciendum aliquid, aut ad omittendum. Luculenter admodum id docet Cynops Magus apud Prochorum; vbi cum D. Iohannes Dæmones in-

terrogaret, cur Cynopi parerent, vnus eorum respondit, quia omnis virtus Satanæ in ipso inhabitat, ex eo, quod fœdus, pactum, coniurationem, fecit, iniuit cum vniuersis nostris Principibus, & nos pariter cum ipso: Cynops nobis obsequens est, & nos ipsi. Hinc datur Magis in Magos potestas, qua effectus alter alterius impedit, vel alter alterum malè mulctat & committigat, Deoque admittente, interdum ad necem diuerberat; quæ ipsorum concertatio est quasi conflictus Dæmonum, quæis cum illi Magi sunt in fœdere. Eiusmodi conflictus, certamina, prælia fuisse sæpè commissâ, meminere Scriptores, experientia etiam clamat. Narrationes cum longiores sint, quàm vt hoc loco & tempore adscribantur, legere volenti digitum intendimus in Sax. Grammat. *Hist. Dan. lib. 1.* vbi prælium Hadingi & Theuningi prolixè descriptum. Olaus *lib. 3. c. 20.* Godelman. *lib. 1. de Lam. c. 3.* Rudolph. Widman. *in histor. Faust. part. 2. c. 43.*

Secundò infertur, nulla verba, (hic Aureolum, Agrippam & Grillandum hallucinari audimus) nullas res corporales

rales habere facultatem directè & ex se
 Dæmonem cogendi, vt appareat, aut
 dispareat, accedat, fugiat, aliquid faciat,
 aut facere desinat; cum Dæmones natu-
 ra sint superiores hominibus, etiam si re-
 rum naturalium, veluti metallorum,
 gemmarum, stirpium, radicum, aliarum-
 que quisquiliarum, etiam characterum,
 figurarum, precationum, obtestationum
 atque verborum quorumcunque vim in
 subsidium adsciscant. Hæc enim omnia,
 vt per se sunt exigua, non possunt cum
 Dæmonis potestate conferri. Hinc opti-
 mē Nicol. Biesius *libr. 3. de Nat. cap. ultim.*
 Naturalibus, inquit, viribus, quibus Dæ-
 mones superiores sunt, compelli non
 possunt, vt faciant id, quod sæpè præ-
 stant, sed sponte cum Malo se coniun-
 gunt, vt omnia deteriora fiant, in perni-
 ciem eorum, qui talibus rebus delectan-
 tur. Quare Magis non patrocinaur, aut
 adsentimur, qui varia proferunt reme-
 dia naturalia contra Dæmones; vt Her-
 meti, qui suffumigatione ex ligno aloes,
 vel ceti spermate Dæmones congregari,
 suffumigatione ex sulphure fugari tra-
 dit; vt Agrippæ, qui suffitum ex Corian-
 dro,

dro apio, siue hyoscyamo cum ruta idem
 efficere; item ex radice cannæ ferulæ,
 cum succo cicutæ & hyoscyami & tassi
 barballi & sandalo rubeo cum papauere
 nigro factam confectionem, & suffitum
 facere, vt appareant Dæmones & figuræ
 extraneæ. Vid. *Occult. Philosoph. libr. 1. cap.*
43. & lib. 3. cap. 32. vbi Agrippa noster
 malis immiscet bona, putridis sana. Nec
 Porphyrio, Proclo, Psello, qui similia
 multa deblaterant. Nec illi apud Hippo-
 cratem libr. de Morb. sac. futiliora effu-
 rienti. Neq; placet superstitiosorum ex-
 orcistarum modernorum superstitiosa
 superstitio, qui Dæmonas suffitum cor-
 nu caprini, & cuiusuis stercoreis, præcipuè
 humani, odorem molestissimè ferre au-
 tumant. Neque eorum, qui ruta achy-
 perico (ob id fuga Dæmonis dictum, no-
 bis S. Johannis Kraut oder Hardhain/) *S.*
 Dæmones fugari credunt; aut qui balne-
 is, flagellationibus idem adscribunt. Quæ
 deliria & anicularum deliramenta do-
 ctissimè refutauit doctiss. F. Vallesius in
sac. Philosoph. pag. 118.

Obiiciet nobis hic fortassis aliquis,
 quod Eleazarus apud Ioseph. *libr. 8. de Ju-*
daic.

daic. antiquitat. radice quadam Dæmonem extraxerit. Respondemus id factum esse ex signo Pacti, quod Eleazarus Magus habebat cum Dæmone. Vide Benedict. Perer. *lib. 1. de Mag. c. 3.*

Iterum obiici potest loc. Tobia *c. 6. v. 8.* cordis piscis Callionymi portiunculam si super carbones ponas, fumus eius extricat omne genus Dæmoniorum, & extricasse legimus *c. 8. v. 2.* Respōdemus, fumum piscis Callyonimi nō directè dæmonem fugasse, sed Raphaelem Angelum, vt tota ipsi actio in contextu attribuitur, Dæmonium ab ea, ipse scilicet Raphael, compescuit, *c. 12. v. 3.* Vid. Formicar. Nider. *cap. 12.* Flagel. Dæmon. Mengi *cap. 3.* Wilhelmum Zepperum *in leg. Mosaicar. Forens. explanation. libr. 4. capit. 4.* minimè ineptientem, & non pessimè cum Francisc. Iunio & Timplero *in Metaphys. libro quarto, question. 32.* sentientem. Tertiò ad citharam Dauidicam inuitare aliquis nos posset. Sed nihil aduersum. Nam Dauide pulsante citharam, diuina vi Dæmon abigebatur, quia non tam ob dulce melos & soni numeros fugiebat Dæmō, quàm diuinos hymnos,

quos Citharista cantando recitabat. Plurimum nihil hic naturale censent interuenisse, sed sola vi diuina effectum dicunt. Ast nos causam naturalem cum diuina coniunctam existimamus, & admirandum illum effectum in vtramque referimus. Suauitas Musices in Saule perturbato, pergrauiter vexato, & mirè à Dæmone excarnificato, sedabat melancholiam, humores corporis contemperando, sedemque Diabolo gratam & amœnam disiciebat: Virtus diuina Dæmonem expellebat, profligabatq;. Hæc est sententia Fran. Vales. *in Sac. Philosoph. cap. 28.* cui libenter subscribimus, sententiam eius suauiter exosculantes, licet illa Clementis Timpleri palato Philosophico non arrideat, *d. lib. & quæst. 32.* Nec est, quod quis sibi persuadeat, Dæmonem adeò esse mollem & delicatum, vt musicæ dulcedine delinitus, & suauitate captus, ac ebrius mitescat, atque hominem torquere sinat. Quæ Magorum Saturno lugubrem cantum, cæteris Planetis hilarem ac lætum offerentium stulta opinio, iam olim à Guilh. Paris. *part. 3. de vniuers. c. 48.* explosa & exhibitata est.

Tertiò

Tertiò denique firmiter statuimus, falsam esse eorum persuasionem, posse Dæmones à Magis cogi, ligari in vitris, phialis, speculis, annulis, pugionum, gladiatorum capulis, crystalli soliditati, tanquam carceri includi. Dæmones enim semper voluntariè adsunt, vel superiorum Dæmonum imperio coacti, seque carceri includi sinunt (hic damnanda Hermetis, Agrippæ & aliorum commentatio, qualigandi Dæmones præcepta tradidere) de qua re aureis digna literis Henrici Langenstein de Hassia Theolog. & Philosoph. insignis olim in Vniuersitat. Wiennensium Professoris, verba subiicere non piget; IPSI DÆMONES SIMVLANT SE CAPTOS, VT TE CAPIANT, SE VINCTOS, VT TE VINCIANT, SE TVO IMPERIO SVBDITOS, VT TE SIBI SVBDANT, A TE INCLVSOS, VT TE FINALITER INCLVDANT, FINGVNT SE TVA ARTE VEL IMAGINI, VEL LAPIDI ALLIGATOS, VT FVNIBVS PECCATORVM TE COLLIGATVM AD INFERNVN PERDVcant.

Postremò infertur omnino spontè inferuire & famulari hominibus Spiritus

N 5 illos,

illos, quos vulgus FAMILIARES seu MAGISTELLOS, seu MARTINELLOS vocant, qui Græcis, quod assidue adsint, nutumq; Dominorum obseruent, Πάρεδροι, quasi Assessores & Consiliarii dicuntur. Tale Dæmonium familiare fuit Simonis Samaritani canis, ad limen ostii cubans & alloquens Petrum. Tale Dæmonium fuit Iohannis Fausti canis ater & pilosus, cui nomen Præstigiar, donatus aliquando Abbati cuidam, qui eum ad vitæ suæ finem aluit. Widman. *in histor. Faust. part. 2. cap. 6.* Talem canem dæmoniacum habuisse fertur Papa Syluest. II. sibi adeò carum, vt maluerit regno Neapolitano priuari, quàm canem diabolicum amittere, vid. Widm. *part. 2. cap. 23.* Similem præstigiolum canem habebat Nobilis quidam Baro ex Gallia, is in veneratione quadam à Domino aliquando increpatus, in auram subleuatus, euauit.

Et Laurentius quidam Magus similem alebat Romæ, qui sæpiùs coram multis cum Domino colloquebatur. Et rusticus quidam maleficus apud Vogesos, si quādo cum popularibus discumbebat, pedibus

bus eiusmodi canem diabolicum aduol-
lutum habebat, cuius opera utebatur ad
necandos homines, clam demissa manu
ab eo venenum capiens, quod deinde cui
volebat, infundebat, ex quo satis multi
occubuerunt, priusquam illius fraudis vlla
in eum transferebatur opinio & suspicio.
Sic Andreas Italus & præstigiator ca-
nem cæcum & rufum ducebat, qui vni-
uscuiusque arcana aperiebat, stupen-
daque alia plura edebat, de quo *question.*
13. Talem Magistellum seu Spiritum Fa-
miliarem fuisse Hen. Cornel. Agrippæ
atrum canem, indiuiduum eius omnium
itinerum, omniumq; viarum comitem,
perpetuumq; assecclam, Gallico nomine
Monsieur (quod Dominum sonat) nun-
cupatum, asserunt multi; licet id Io. Wie-
rus Agripp. famulus & discipulus perne-
get. Sic Facius Cardanus, Hieronymi
Cardani pater, Dæmonem, vt ipse dice-
bat, atherum diu, annos scilicet 33. ha-
bebat familiarem, vt refert Cardan. *de*
rer. varietat. libro decimosexto, capite nonage-
simo tertio. Et alibi fatetur, patri suo se-
ptem fuisse spiritus, qui de rebus variis
ac mirificis cum eo disputarint, & ex
scriptis

scriptis Auerrois Medicorum Principis, res abstrusas & antea incognitas enuclearint. Et Petrus Aponensis, Magus, Medicus, & Philosophus insignis & incomparabilis, septem Spiritus Paredros seu Familiares in vitro angustiori inclusos habebat, qui septem liberalium artium cognitionem perfectissimam ipsi tradebant. Ceterum eiusmodi spiritum domesticum & familiarem fuisse corum illum Cuius Erphordiensis, qui aliquando tacitus & mœstus domi residens, à Domino interrogatus, cur adeò tristis? diserte ille & clara voce proferebat versum Psalm. 77. *Cogitavi dies antiquos, & æternos in mente habui*, nostra est sententia. Eadem est de fele masculo, quem Stephanus Cardanus habebat in delitiis. Card. *de rer. varietat. lib. 14. c. 75*. His ultimò addimus Iohannam Virginem in Francia, & hæc suum habebat Magistellum, cuius virtute prophetabat, ac miranda alia perpetrabat, de qua peculiaria extant & circumferuntur scripta sub titulo Sybilla Francica. Vid. Iohan. Nider. *in Formic. c. 8*. Sed ne longiorem conscribamus eorum, qui *Spiritus Familiares* a-

luc-

luerunt, catalogum, videamus & expendamus iam nunc, quid periculi sublit, & quid damni impendeat, & mali atque pœnæ maneat eos Dæmonum cultores atque amicos.

Verum periculosum quàm sit tales *Spiritus Familiars* seu *Paredros* vocare & adiurare, penitus introspicienti & altius secum perpendenti verba, quæ in *Steganographia* Iohann. Tritheimii, Abbatis Spanheimensis, leguntur, clarè apparet. Hi Spiritus, inquit Tritheim, perniciosissimi sunt, & nequam, odio quàm maximè habent lucem, tenebras diligunt. Forti, inquit, adiuratione opus est, vt ad necessaria nostra cogantur, quod si in his adiurandis territus pauxillum trepidaueris, aut in explenda adiuratione siue vocabuli omissione siue seriei immutatione aberraueris, te illicò necabunt, lacerabunt & abripiunt. Confirmat hoc Agrippa in *Occult. Philosoph. lib. 3. c. 31. in fin. & lib. 4.* seriò inculcans iis, qui Magica affectant, vt sint constantes, audaces, fortes, non timidi, non molles. Maximum, inquit, est in inuocatione spirituum, quod te seruare oportet, animi scilicet constant-

stantiam timore vacuum. Confer Dæmonolog. Potentiss. ac Sereniss. Iacob. Regis Angliæ *lib. 1. cap. 5.* Imò verò quàm periculosum sit, huiusmodi captiuos carceri inclusos penes se habere, demonstrant satis liquidò eorum, qui Magiam infamem coluerunt, funesti exitus. Vix enim vnquam Paredri sine Dominorum noxa solent recedere, sed semper sibi aliquod lucrum querunt atque obtinent. Nam ea est Diabolorum natura, vt integram prædam nunquam sibi è manibus eripi patiantur, sed delibatum ad minus quid superesse oportet, quod ipsis cedat in nauatæ operæ pretium ac mercedem, atque adeò vt cum ministerium suum atque operas suas alicui ex pacto locant, hoc præcipuè in lege locationis cauent, vt aut certum sit tempus, intra quod Domino alteri se ille attribuat, aut sibi ius sit in eum, quæ velit, pro libidine agere, vt refert & exemplum hoc illustrat Nicolaus Remigius *libro primo Dæmonolatriæ, capite nono.*

Et Peucerus insuper scribit de Magia; Dæmones plerunque ante constitutum
tem-

tempus violato ac finito societatis iure socios illos (puta Magos) vel ancipitibus, fallisue præstigiis deceptos perdere, cum per edita mendacia eos produnt, & iudicibus vinciendos, necandosq; tradunt, vel ipsi tragico aliquo tristiq; supplicio interemptos abripiunt in æternos cruciatus.

Huic accedit Iohann. Faustus Diaboli *Coæquis*, hoc est, vas in quod Diabolus suum stercus iniiciebat, ex *Rnüdtsling* oppidulo oriundus, qui postquam multa portenta magica exercuisset, tandem in pago quodam inuentus fuit iuxta lectum mortuus, inuersa facie. Confer Rudolphum *Widmannum part. ultim.* siccis oculis rem haud lecturus es. Vis plura? Neronis omnibus omnis turpitudinis notis insignis Magi vitam viteque finem pressius examina, dilucidisque mentis oculis introspecte, nullum nullibi inuenies exemp. ex quo clarius & euidentius ediscas, quo in statu & articulo res Magorum per omnem vitam sint positæ, & quo vitæ exitu teneantur. Nero antequam rebus Magicis animum adiceret, Princeps erat, ut optimus, ita fælicissimus, ut
Traianus

Traianus prouerbialiter de eo dixerit: Omnes Imperatores à quinquennio Neronis longè distare. Sed Magicis studens quantum mutatus à se, quantum mutatus ab illo, de quo Troianus ! Crediderimus, hominem flagitiosiore, contaminatione, contemptiore, afflictiore, miserioreq; sub sole vixisse nunquam. Nonne à Deo derelictus, ab amicis & custodibus desertus, imò damnatus, & baculis ad mortem iam cédendus, vt ad vitandam necem adeò sæuam, ad αὐτοχειρίαν confugere, sibi que ipse manus violentas inferre coactus fuerit ? Vid. Sueton. *in Neronis vita*. Simili modo Maxentius Cæsar omnes Magorum nánias apprimè callens, tandem αὐτόχειρ factus est. Simon Magus à Diabolo in aerem sublatus, præceps deiectus ceruicifragium abstulit. Iezabel Regina insignis Maga à canibus deuorata. Methoris maximus sui temporis Magus in Noruegia discerptus fuit à populo, vt scribit Olaus. Matisconensis Comes à Satana, spectante populo, exportatus. Raziorum Baro, cuius passim meminit Bodinus *in Dæmonom.* concrematus. Et alii, quorum infinitus est numerus,

merus, viui perierunt igne. Exemplum ob-
uia sunt in auctoribus, qui hæc Magorum
tractant portenta, vid. Wier. *de Prestig.*
Dem. lib. 2. c. 4. Item Georg. Rud. Widm.
in Hist. Faust. part. 3. c. 18. & M. Christoph.
Irenæum *in lib. German. cui tit. Spiegel der*
Hellen. &c. in quibus vel sexcenta supra
modum horrenda inuenies, ex quibus
discimus, quæ sint Magiæ istius & *λυσισ-
τας* stipendia, qui simulatæ fructus ami-
citie!

Quod hodie B. F. F. S. claudat hoc ca-
put Hieronymus Cardanus *lib. de Subtil.*
18. pag. 924. Magorum, inquit, omnium
vita est flagitiosa, calamitosa, fama con-
taminata, existimatio contempta, FI-
NISQ; MISERRIMVS. Libro clauso
pessulum feliciter obiciat venerandus
Dominus Agrippa, literarum literato-
rumq; omnium miraculum & amor bo-
norum; Oportet, inquit, oportet vt
impiæ illæ nugæ semper perniciem adfe-
rant suis cultoribus, quibus profectò
qui maximè confidunt, maximè omni-
um redduntur infelicissimi; percurrat a-
liquis, si lubet, infidelium hominum se-
ctem, & gentilium historias, videbit quid

O

lucrati

lucrati sint, nonne omnes perierunt in peccatis suis ? *Epist. lib. 5. epistol. 26. & in Declamat. inuectiua, c. 48. de Præstig.* Omnes, inquit, qui per vanitates Magicas, exorcismos, incantationes, amatoria, agogima, & cætera opera Dæmoniaca & Idololatriæ fraudes exercent, præstigias & phantasmata ostendunt, mox cessantia miracula sese operari iactantes, omnes hi cum Ianne & Mambre & Simone Mago æternis ignibus cruciandi destinabuntur. Hoc vnum, hoc primum atque vltimum, *tanquam* ANIMA, huic historiæ addendum erat.

Laudetur & hic DEVS.



DN. M. PHILIPPVM LVDO-
VICVM ELICHIVVENEM CYCLI-
cè doctum, occultioris Philosophiæ per-
scrutatorem industrium; de Magia
Diabolica eruditè & solidè
differentem.

PHILIPPVS LVDOVICVS ÆELI-
CHIVS *per Metagram.*

HIC LVLLVS ÆVO: HIC PVPPIS DIVIS.

Immensè Lullum famosum iacet Iberus,
Et colit Hermetem facundum terra Pelasga:
Ast sic de nostro mea censet Musa Philippo
(Aurea portendunt metagrammata nominis
hocce)

Noster LVLLVS adest, HIC famosissimus
ÆVO,

HIC PVPPIS DIVIS, *numen venera-
bile Lani.*

Henricus Kornmannus ex
Kirchaina Cattorum.

*M A G I S T E R P H I L I P -
pus Ludonicus Oelichius, Catto-Marpurgensis,
ἀναγγραμμάτων ἐλίσσῳ ὕμῳ ἀσπαρα-
γῶν.*

HIC PURVS AGIS! CVR TE VI-
RI DICANT MAGVM? PVTO
ILLOS ESSE LIPPOS.

E Sse quid hoc dicam; quod te dixere
PHILIPPVM

Posse characteras dudū signare potentes
Intra orbem, & Magico tandem stridore
cateruas

Elicere infernas, dum te cōmittis arenæ
Ante annos aliquot dubiæ spinosa Magiæ
GOCLENI sub præsidio, tibi sæpius omnē
Hinc operam MARTINELLVM præ-
stare loquuntur:

Illa sed excutienda typis quod lemmata
rursus

Tradideris; facies bene! quo iā tutius ipsa
Euitare queas linguæ fomenta malignæ!
Non ō non Magicis illum sudare putabis
In studiis, ea quod prælo rediére polito;
Causa hæc, non causa est, quia non (me
Christe) Magiæ

Dedit sese, ideo falsa est, nec fama resistit
Com-

Communis, quæ me facto confirmat in
omni

Nunq̃ plus valeat stolidi sententia vulgi,
Quàm veri valor haud dubius, rumoreq;
vano

Non præsumendum est leuiter: Nam re-
ctius ipsa (umbrat.

Mens in proposito iustum facientis ad-

Quin te nomen habere bonum, est res
optima! palmam (esto,

Hæcce theses tibi dant; hic murus æbene⁹

Namq; HIC PVRVS AGIS! creta aut
carbone notandi

CVR TE sæpè VIRI dudum liuore præusti

Esse MAGVM DICANT? non dicam,
apponere Cramben

Nolo bis coctam; ratio illis destinat omnē

Anticyrā atq; ILLOS sanæ rationis egētes

ESSE PUTO LIPPOS! non alpernare
labores,

Musa dabit titulos & munera larga pe-
nates.

Iena raptim fecit D. 18. Maii 1606.

Iohan. Frideric. Saluſtdt/Darm-
ſtadinus T. ex A.



CATALOGVS AVCTO-
RVM, QVI IN DÆMO-
nomagia citantur.

A.

Albertus Magnus.

Albertus Crantz.

Alciatus.

Andreas Hondorffius.

Apuleius.

Aristoteles.

D. Augustinus.

Augustinus Sercheimer/ a-

lias Hermann. Wi-
defindt.

Auctoris negotium Dæmo-
niacum.

Auicenna.

B

Baleus.

Baptista Porta.

Bartholomæus Anglicus.

Bernhardus Basin.

Biermannus.

Bodinus.

C.

Caietanus.

Cardanus.

Casspar Hedio.

Casspar Goltzwurm.

Christophorus Irenæus.

Cicero.

Clemens.

Clemens Timplerus.

Cyprianus.

Cyrillus.

D.

Daneus.

Democritus.

Determinatio Parisiensis.

Diosco-

CATALOGVS AVCTORVM.

Dioscorides.

Guilhelmus Zepperus.

Domitius Brusonius.

H.

E.

Erasmus Roterodamus.

Haimon Episcopus Halber-
stattenfis.

Eunapius.

Haithonus.

Eusebius Casariensis.

Heinricus Langenstein de
Hassia.

F.

Henricus Cornelius Agrip-
pa.

Fabricatores Mal. Malefic. Henricus Kornmannus.

Fausti historia.

Hermes.

Felix Hämmerlin.

Herodotus.

Fincelius.

Hippocrates.

Franciscus Vallesius.

Fulgosius.

I.

G.

Iacobus Rex Anglia.

Iacobus Ballic.

Gellius.

Iamblichus.

Gennadius.

Iohan. Wierus.

Georgius Sabinus.

Iohan. Niderius.

Georg Rudolph. Widman. Iohan. Boëmus.

Gilbertus Cognatus.

Iohan. Fridericus.

Goclenius senior.

Iohan. Rauisius Textor.

Godelmannus.

Iohannes Laurentius Ana-
nias.

Grillandus.

Iohan. Phylidius.

Guaguinus.

Guilhelmus Brabantinus. Innocent. Papa I X.

Guilhelmus Parisiensis.

Iosephus.

O

4

Touius

G A T A L O G V S

Ionius.

Ius civile.

L

Liërtius.

Languis.

Lauaterus.

Laurentius Surius.

Leuius Lemnius.

L. Baro de Lichtenberg.

Luius.

Lodouigus Melichius.

Lutherus.

Lyosthenes.

M.

Marcus Damascenus.

Marianus Bubo.

Martinus Delrius.

Mengus.

Methodius Martyr.

Michael Bapst.

N.

Naurerus.

Nicephorus.

Nicolaus Iaquerius.

Nicolaus Remigius.

Nicolaus Biesius.

O.

Olaus Magnus.

*Oratio Auctoris de Diabolo
ipso.*

Ottho Melander.

Ouidius.

P.

Paris dePuteo.

Paulus Diaconus.

Paulus Venetus.

Paulus Frisius.

Pausanias.

Pererius.

Petrus Martyr.

Petrus Binsfeldius.

Peucerus.

Philippus Lonicerus.

Platina.

Plato.

Plinius.

Plutarchus.

Porphyrius.

Prochorus.

Proclus.

Psellus.

R

Reinhardus Lutz.

Richar-

AUCTORVM.

Richardus Argentinus An-
glus.

Rogerus Baconius.

Rufinus.

S.

Saxo Grammaticus.

Scaliger.

Scribonius.

Sigismundus L. Baro de
Herberstein.

Socrates.

Solinus.

Spinus.

Spiritus Sanctus.

Sprenger.

Stobaeus.

Suetonius.

Suidas.

T.

Tabul. X. Colon. are excu-
se.

Tobias Tandlerus.

Thomas Sagittarius.

Thyrius.

Truh. imius.

V.

Vairus.

Valerius Maximus.

Vincentius.

Virgilius.

Vlricus Molitor.

X.

Xenocrates.

Xanthus.

Z.

Zonaras.

F I N I S.

ADMONERIS LECTOR

Ut si qua fortè sphalmata sub prælum irrepsissent, Auctori ne imputes, eaque pro eruditione tua, præsertim in verbo (Maioristas) vbi gpro i poni necesse erat, ipsemet corrigas. Vale.

FRANCOFORTI
Ex Typographeio WOLFGANGI RICH-
TERI, Sumptibus verò CON-
RADINEBENII.



ANNO M. DC. VII.